


ষষ্ঠা-পুলিনের ডিবারিশী

শঙ্কুনা-পুলিমের ভিথার্জিলী

চারকচন্দ্ৰ বন্দ্যোপাধ্যায়



সত্য ব্রহ্ম লাইব্রেরী
১৯৭, কণ্ঠওয়ালিশ ট্রীট, কলিকাতা—৬

পঞ্চম সংস্করণ
১লা অগ্রহায়ণ, ১৩৬২

প্রকাশক
সত্যজ্ঞত গুহ
সত্যজ্ঞত লাইব্রেরী
১৯৭, কর্ণওয়ালিশ স্ট্রিট
কলিকাতা—৬

প্রচন্দপট
শংকর নন্দী

ঝুক
স্ট্যান্ডার্ড ফটো এন্ড প্রেসিং কোং
>, রমানাথ মজুমদার স্ট্রিট

প্রচন্দপট ছেপেছেন
মোহন প্রেস
১, করিশচার্চ লেন
কলিকাতা—৯

ছেপেছেন
ধীরেন দত্ত
নবীন প্রেস
৬, কলেজ রো
কলিকাতা—৯

তিম টাকা

রবীন্দ্রনাথের খ্যাতি সুপ্রতিষ্ঠিত হইবার পর তাহাকে কেন্দ্র
করিয়া যে নবীন কবি ও সাহিত্যিকগণ বাংলা দেশে আবিষ্ট হন,
চারুচন্দ্র ছিলেন তাহাদের মধ্যে অন্যতম। আজিকার বাংলা
সাহিত্যে যে নবীন কথাসাহিত্যিকগণ দেখা দিয়াছেন, তাহাদের
অব্যবহিত পূর্বে যাহারা গণসাহিত্যের এই আধুনিক পরিণতির পথ
প্রশস্ত করিয়া দিয়াছিলেন। চারুচন্দ্রের নাম তাহাদের মধ্যে শৰ্কার
সহিত উল্লিখিত হইবার যোগ্য। যে বাস্তবতা ও জী-পুরুষের
সম্বন্ধগত বিশ্লেষণমূখ্যতা এখনকার কথাসাহিত্যে অপরিহার্য বলিয়া
স্বীকৃত, তাহার সন্ধান চারুচন্দ্রের উপন্যাসে পাওয়া যায়।

চারুচন্দ্রের উপন্যাসগুলি আধুনিক যুগধারাকে আগাইয়া আনার
সহায়কর্তাপে অবশ্যই স্মরণীয় থাকিবে।

অবোধকুমার সাহা

এম-এ এগজামিন দিয়া বিমল হঠাৎ অত্যন্ত ধার্মিক হইয়া উঠিল—
সে তীর্থ-পর্যটনে মন দিল। এই পর্যটন তাহাকে যেন নেশার
মতো পাইয়া-বসিয়াছে ; কিন্তু দিন ধরিয়া সে শুধু ঘূরিয়াই
বেড়াইতেছে। কোথাও সে তে-রাত্রির বেশী বাস করে না ; কিন্তু
সমস্ত দেশ ঘূরিয়া আসিয়া একবার করিয়া প্রয়াগে সে হণ্ডাখানেক
বিশ্রাম করে। সেই কি বিশ্রাম ? সে সকালে সক্ষ্যায় ত্রিবেণীর
ঘাট হইতে যমুনার পুল, আর যমুনার পুল হইতে ত্রিবেণীর ঘাট
কেবলি ছুটাছুটি করে, যেন এই পথের মাঝখানে কোথায় তাহার
সমস্ত জীবনের সঞ্চিত রঞ্জ খোয়া গিয়াছে।

সে এম-এ পাশ করিল। তবু তাহার অমণ থামিল না। সে
সমস্ত ভারতবর্ষ ঘুঁটিয়া বেড়াইতেই লাগ্নিল। তাহার পিতা তাহাকে
তিরঙ্কার করিলেন, বন্ধুরা বিজ্ঞপ করিল, মাতা চোখের জল ফেলিলেন,
কিন্তু বিমলের নেশা কেহ ছাড়াইতে পারিল না। ফার্ট ক্লাস এম-এ
পাশ করিয়াও সে কোনো উপার্জনের পক্ষা অবলম্বন করিল না ;
বাপের রোজগারের পয়সা সে টো টো করিয়া নষ্ট করিতেছে। বা-
বাপ ভাই বন্ধু সকলে তাহার বিবাহ দিবার জন্য ঝুলাঝুলি করিল,
কিন্তু কিছুতেই বিমলকে ঘরে আটক করিতে পারা গেল না। সকলে
মনে করিল সে নিশ্চয়ই সন্ধ্যাসী হইবে। সেই ভয়েই তাহার বাপ-
মা তাহাকে আর বেশী ঘাঁটাইলেন না ; যাহাতে বেশভূষায় ও অমণে
গৃহস্থের ভাবটা অন্তত বজায় থাকে এজন্য তাহাকে খরচ যোগাইতে
তাহারা কৃপণতা করিতে পারিতেন না।

ঘনা-পুলিনের ভিখারিণী

ইহার উপর তাহার আর-এক খরচ ছিল—খয়রাং। সে ভিখারিণী দেখিলেই তাহার কাছে গিয়া দাঢ়াইয়া এক দৃষ্টে তাহাকে একবার দেখিয়া লইয়া তাহাকে কিছু দান করিত। তাহার উপর সে ভিখারিণী যদি যুবতী হইত তবে ত' বিমল আর স্থির থাকিতে পারিত না ; তাহার মুখ একবার দেখিয়া লইবার জন্য সে ব্যস্ত হইয়া পড়িত। কতবার সে এক জায়গায় টিকিট করিয়া ট্রেণে যাইতে যাইতে মাঝ-পথের কোনো ছেশনে কোনো যুবতী ভিখারিণীকে দেখিয়া সেখানেই নামিয়া পড়িয়াছে ; কতবার সে এমনি করিয়া ট্রেণ ফেল্ করিয়াছে। ভিখারিণীদের প্রতি এত যার দয়া, সে কিন্তু ভিখারীদের দিকে একটিবার ফিরিয়াও চাহিত না।

বিমল একবার এমনই ভ্রমণে বাহির হইয়াছে ; ট্রেণে তাহার সহযাত্রী হইল একটি বৃন্দ ভজলোক। বৃন্দটি অতি শুপুরুষ ; দোহারা অঙ্গ চেহারা, গৌর বর্ণ, দীর্ঘ শুভ চুল বড় বড় স্তবকে সমস্ত মাথাটির চারিদিক বেড়িয়া দেবতার মাথার জটার শায় শুন্দর দেখাইতেছে, দাঢ়ি-গোপ কামানো ; তাহার মুখে এমন একটি স্নিঙ্ক করুণ অমায়িক ভাব মাথানো আছে যে, তাহা সহজেই লোককে আকৃষ্ট করে। তাহার বেশভূষা সাদাসিধা, কিন্তু পরিপাটি ; সোনার ডিবে হইতে মধ্যে মধ্যে নস্ত লইয়া একখানি রেশমী রূমালে তিনি হাত বাঢ়িয়া ফেলিতেছেন। বিমল মুঝ দৃষ্টিতে তাহার দিকে চাহিয়া আছে দেখিয়া বৃন্দ একটু হাসিয়া জিজ্ঞাসা করিলেন—বাবা, তুমি কোথায় যাবে ?

বিমল অপ্রতিভ হইয়া বলিল—আজ্জে, আমার যাবার কোনো নির্দিষ্ট স্থান নেই। আমি পথিক, পথে-পথেই ঘুরে বেড়াই।

বৃন্দের চোখ ছুটি উজ্জ্বল হইয়া উঠিল ; মুখের হাসিটি করুণ হইয়া গেল, কঢ়ের স্বর বেদনায় আর্জ হইয়া পড়িল। বৃন্দ বলিলেন—বাবা,

বলুন-পুলিনের তিথামী

ভগবান এর মধ্যেই তোমায় পথে বা'র করেছেন। তোমার যে
বাবা বড় কচি বয়েস।

বিমল অপ্রস্তুত হইয়া কৃষ্ণিত মান মুখ নত করিল।

বৃন্দ বলিতে লাগিলেন—বেশ হ'ল বাবা, তোমার সঙ্গে পরিচয়
হ'ল। আমিও ঐ তোমারই মতন বয়েস থেকে পথে বেরিয়েছি,
পথের শেষ পেলাম না বাবা, পরমায়ু কিন্তু শেষ হয়ে এল! আমার
দিনের শেষে তোমায় আমার পথের সঙ্গী পেলাম; আমার একটি
ভার তোমায় দিয়ে যাব, তোমায় নিতে হবে বাবা!

বৃন্দ উঠিয়া আসিয়া ছই হাত চাপিয়া ধরিলেন—ঝাহার চোখ
মিনতিতে সজল হইয়া উঠিয়াছিল।

এই স্বন্দ পরিচয়েই বৃন্দ এমন আত্মীয়তাবে বিমলকে কি অনুরোধ
করিবেন বুঝিতে না পারিয়া বিমল অতিশয় আশ্চর্য, উৎসুক ও
কৃষ্ণিত হইয়া বলিল—বলুন, সাধ্য হলে আপনার ভার আমি গ্রহণ
করব।

বৃন্দ শিথিল হইয়া বিমলের পাশে বসিয়া পড়িলেন। অনেক ক্ষণ
চুপ করিয়া বসিয়া থাকিয়া রেশমী ক্রমালে চোখের জল মুছিয়া দীর্ঘ-
নিশ্বাস ফেলিয়া বৃন্দ বলিলেন—বাবা, তোমারই মতন বয়সে আমি
সর্বস্ব খুইয়ে পথে বেরিয়েছিলাম; নিজের হাতে আমার সর্বস্ব
যার হাতে তুলে দিয়েছিলাম, শুনেছি সে তাকে অনাদর ক'রে ধূলোয়
ফেলে চলে গেছে! আমি সেই হারানো রত্ন পথে-পথে খুঁজে
বেসেছি! খুঁজে পাইনি আজও, দিন কিন্তু ফুরিয়ে এল! আমার
এই কাজটি তোমায় নিতে হবে।

বৃন্দ আবার বিমলের ছই হাত আবেগভরে ছই হাতে চাপিয়া
ধরিলেন। বিমল বৃন্দের কথা স্পষ্ট কিছুই বুঝিতে না পারিয়া বৃন্দের

ধূলা-পুলিনের ভিধারিণী

দিকে অবাক হইয়া চাহিয়া রহিল। বৃক্ষ আবার বলিতে লাগিলেন—
বাবা, পথের নেশা তোমার কেন লেগেছে? তুমিও কি কোন রস্ত
এই পথের ধূলোয় খুঁইয়েছ?

বৃক্ষের জিঞ্জামু দৃষ্টির সম্মুখে লজ্জিত হইয়া বিমল মুখ নত করিল।
বৃক্ষ বলিতে লাগিলেন—যাক বাবা, আমি তোমার গোপন কথা
শুন্তে চাইনে; এইটুকু শুধু জান্তে চেয়েছিলাম যে পথে-পথে
ঘুরে মর্বার তোমার টান কর্তৃকু। এখন আমার কথা বলি শোন—
তারপর আমার কথা শুনে তোমার আমাকে বিশ্বাস আর ইচ্ছে হয়
তোমার কথা শুন্ব।

বৃক্ষ জামার বুক-পকেটের মধ্যে হাত ভরিয়া একটা মখমলের
খাপ বাহির করিলেন। তারপর রেশমী ঝুমালে বেশ করিয়া ছই
হাত ঝড়িয়া মখমলের খাপ খুলিয়া বাহির করিলেন হাতীর দাতের
উপর নানান রঙে আঁকা একটি সুন্দরী তরণীর ছবি!

সেই ছবি দেখিবামাত্রই বিমল ব্যস্ত হইয়া বৃক্ষের ছই হাত চাপিয়া
ধরিয়া ব্যগ্র কঢ়ে কান্না-ভাঙা স্বরে বলিয়া উঠিল—একে যে আমি
চিনি! একেই যে আমি পথে-পথে ঘুরে খুঁজে বেড়াচ্ছি! এর ছবি
আপনি কোথায় পেলেন? এ কে? এর নাম কি? এ এখন
কোথায় আছে?

বৃক্ষ হান হাসি হাসিয়া বলিলেন—এ এখন কোথায় আছে তাই
জানবার জগ্নেই ত' আমি পথে-পথে ঘুরে-ঘুরে মতুয়ার দরজায় এসে
পৌছলুম, তবু ত' সন্ধান পেলুম না। একেই তুমিও খুঁজে বেড়াচ্ছ?
ভুল করুছ বাবা, তুমি ভুল করুছ—এখন ত' সে আর এমন তরণী
নেই, সে এতদিনে আমারই মত স্থবির, আমারই মতন পলিতকেশ
বৃক্ষ হয়ে গেছে। তবু এই ছবির ঝাপের অন্তরাগ যেটুকু তার

অঙ্গে এখনো' আছে, তাই দেখেই তাকে চিন্তে পারবে ব'লে তাৱ
এই ত্ৰিশ বৎসৱ আগেকাৱ এই ছবি তোমাকে দেখাবুম !

বিমল হতাশ হইয়া বলিল—ত্ৰিশ বৎসৱ আগেকাৱ ছবি ! তা
হবে ! কিন্তু আমাৱ মনে হচ্ছে এই ছবি যাৱ নকল আমি তাকে
হ'বৎস আগে এমনি কৃপেই দেখেছি ! হয় ত' আমাৱ ভুল হয়েছে !
আমি ত' তাৱ মুখ দেখিনি, আমি ত' তাকে চিনি না—তবু যে
আমি তাকে খুব চিনি !

বিমলেৰ অসম্ভব কথা শুনিয়া বৃদ্ধ অল্পক্ষণ অবাক্ বিশ্বায়ে তাৰ
মুখেৰ দিকে তাকাইয়া বলিলেন—বাবা, তুমি কি বলছ, আমি ঠিক
বুৰ্বৰ্তে পাৰছি না ; এখন আমি বুৰ্বতেও চাই না । আগে আমাৱ
কথা শোন । এ যাৱ ছবি, সে ত্ৰিশ বৎস আগে এমনি তুলনী ছিল,
এখন নেই । এক প্ৰদীপ থেকে জালা আৱ-এক প্ৰদীপেৰ মতন
এমন উজ্জল, এমনই সুন্দৰ রূপশিখা তুমি যে দেখেছ, সে এৱই
মেয়ে হয়ত ! আমি বৃদ্ধ, আমি অতীত ; তুমি যুবা, তুমি বৰ্তমান ;
এই ছবিৰ অতীত মূৰ্তি যদি বৰ্তমানে আবাৱ আকাৱ পেয়ে থাকে
সে খোঁজ তুমি নিজেৰ গৱেষণাই কৱবে ! অতীত আমাৱ ভাৱ
বৰ্তমান তোমাকে নিজেৰ গৱেষণা বাধ্য হয়েই যখন বইতে হবে
তখন অসক্ষেচে আনন্দিত মনেই আমি তোমাৱ হাতে আমাৱ
অসমাপ্ত কাজ তুলে দিছি । আমাৱ যা বিষয়-সম্পত্তি আছে, তাৱ
দাম প্ৰায় দশ লক্ষ টাকা হবে ; এই বিষয়েৱও ট্ৰান্স্ফোৰ্মেশন হবে তুমি ;
যদি এই ছবিৰ লোকটিকে জীবন্ত পাওয়া যায়, কি তাৱ কোন
সন্তান থাকে, তবে এই সম্পত্তি তুমি তাকে বুঝিয়ে দেবে ;—
তোমাকে আমি কিছু দেব না ; অৰ্থেৱলোভ দেখিয়ে আমি তোমাকে
অপমান কৱব না ; কেবল তাৰেৱ সন্ধানেৰ জন্য তোমাৱ অমণেৰ

ষষ্ঠি-পুলিনের ভিধারিণী

পাথের ব'লে তুমি মোটের উপর দশ হাজার টাকা নেবে। যদি তাদের সকান আর দশ বছরেও না পাওয়া যায়, তবে তুমি আর তোমার নির্বাচিত আর একজন ট্রাষ্ট ছ'জনে মিলে রমণীর শিক্ষা প্রত্যুত্তি তাদের সকল রকম স্থুৎ-স্থুবিধার সাহায্যে ঐ দশ লক্ষ টাকা ব্যয় করবার ব্যবস্থা করবে।

বৃক্ষ বিমলের কাঁধের উপর হাত রাখিয়া ছবির দিকে নিবন্ধনৃষ্টি নীরব নিষ্পন্দ বিমলকে একটা নাড়া দিয়া সচেতন করিয়া বলিলেন—কেমন বাবা, রাজি ?

বিমল উদাস দৃষ্টিতে বৃক্ষের মুখের দিকে চাহিয়া বলিল—রাজি।

—তবে আমার ইতিহাসটা শোন—বলিয়া বৃক্ষ তাহার জীবন-কাহিনী বলিতে আরম্ভ করিলেন।

আমরা লক্ষ্মী শহরের প্রবাসী। অবস্থায় শিক্ষায় সহবতে আমরা সে দেশের রইস ছিলাম। আমি লেখাপড়া করতাম আগ্রায় আমার এক কাকার বাড়ীতে থেকে। কিছুদিন পরে কাকিমার ভাই মারা গেলেন, তাদের আর কেউ ছিল না ব'লে খুড়িমা তার ভাইঝিকে নিজের কাছে আনিয়ে নিলেন—তার নাম লীলা।

আমরা পশ্চিমে-বাঙালী কাঠ-খোটা—রস-কসের ধার বড় ধারতাম না ; 'মোটা মোটা' কড়া কুটি খেতাম আর কুস্তি ক'রে মুশুর ভেঁজে দেহটাকে কড়া করতাম, মনটাও পাথরের মতনই কঠিন ছিল। প্রবাদ আছে যে চন্দ্রকান্তমণি কঠিন শিলা বটে, কিন্তু তাদের আলো লাগলে সেও গলে জল হয়ে যায়। লীলার তাদের মতন সুন্দর চোখ হৃষির জ্যোৎস্না লেগে আমার হৃদয়শিলা গলে উঠল। আমার বয়স তখন পঁচিশ-চারিশ আর লীলার বয়স সতের-আঠারো।

এই সেই লীলার ছবি। লক্ষ্মীর পটু পটুয়ার কাছে শেখা আমার চিত্রবিদ্যা কাজে লেগে গেল ; এক চুলের তুলি দিয়ে এক বছর ধ'রে এই ছবিখানি আমি একেছিলাম ! তখন কি জানি যে এই ছবির ছায়াই আমার সার হবে ? তাগে তখন এই ছবিখানি একে রেখেছিলাম ! নইলে আমার আজ সম্বল কি থাকত ? এই ফিরোজী রঙের ওড়নাখানি সে এমনি ক'রেই ঘুরিয়ে ঘোমটা দিত ; তার মুখে যখন এই হাসিটি খেলে যেত, মনে হ'ত স্বর্গের তোরণ-দ্বার মুক্ত ক'রে স্বুখের ডালি হাতে নিয়ে সোনার পরী গর্ত্যে নেমে এল !

এই যে আমার প্রণয়, সে যেন ছিল কণ্ঠকহীন কমল। আমাদের বাঙালী-সমাজের যে-সমস্ত বিধি-নিষেধ প্রণয়ীদের দূর ক'রে রাখে, জীবনকে ভয়ে ভাবনায় দুর্বহ ক'রে তোলে, ছল-চাতুরীর শরণ নিতে বাধ্য করে, আমাদের সে-সব বালাই ছিল না। আমরা এক-বাড়ীতে অষ্টপ্রহর এক-সঙ্গে থাক্তে পেতাম ; আমার লীলার প্রতি টান খুড়িমার কাছে লুকানো যেত না ; কিন্তু তাতে খুড়িমা বিরুদ্ধ না হয়ে খুশীই হতেন মনে হ'ত ; আমার ল'-এগজামিনটা হয়ে গেলেই আমার সঙ্গে লীলার বিয়ে হবে, এই ব্যবস্থাটা আমাদের সকলের মনেই না বলা-কওয়া ক'রেই কেমন কায়েমি রকম ঠিক হয়ে গিয়েছিল। আমাদের প্রণয় শতদল আনন্দের রশ্মিপাত্রে দিনে দিনে দলের পর দল মেলে বিকশিত হয়ে উঠেছিল ; উভয়ের জীবনের উপর থেকে অপরিচয়ের আবরণ একটাৰ পৰ একটা যেন ঘুচে যাচ্ছিল !

বিমল মাৰখানে বাধা দিয়া বলিয়া উঠিল—কিন্তু এই কি ঠিক ? প্ৰেমের আলো হৃদয়ে ঘদি জলে ওঠে, তবে এক মুহূৰ্তে

যমুনা-পুলিনের ডিখাইশি

যে পরিচয় হ্যায়, সে যে যুগ-যুগান্তের ক্রমশ-পরিচয়েরও বাড়া !
প্রণয়ীদের মিলনের পথে বাধা—সে যেন ঘরে আগুন লাগলে
দেয়ালের বাধার মতন, আগুন যখন প্রবল হয়ে দেয়াল টপ্কাতে
পারে তখন একেবারে যে শিখার প্লাবনে সমস্ত অকস্মাং হেয়ে
ফেলে ! আপনার চেয়ে এ বিষয়ে আমার ভাগ্য ভাল ! আমি
তাকে ক্ষণিকের বেশী কাছে পাইনি, আমি তার ঘোমটা-খোলা
মুখ দেখিনি, তবু আমি তাকে চিনি, তবু তাকে আমি ভালোবাসি !

বৃক্ষ গন্তীরভাবে বলিলেন—তুমি যা বলছ বাবা, তা ঠিক—অমন
মিলনের একটি মুহূর্ত স্বর্গের আলোতেই উন্মাসিত, কিন্তু প্রায়ই তার
পিছনে একটা মিথ্যা মাঝা, একটা কল্পনা জড়িয়ে থাকে ।.....থাক
সে কথা, এখন আগে আমার কথাটাই শেষ করি । আমাকে বাধা
দেবার কিছু বা কেউ না থাকলেও আমার প্রণয় বেগেই প্রবাহিত
হচ্ছিল । লৌলার চোখে যে শিখা জ্বল্জ্বল করত, তার আগুনে আমার
হৃদয় তপ্ত হয়ে ধরে উঠেছিল ; আমি তার কানে যে-সব প্রণয়বাণী
গুপ্তন করতাম, তাতে তার নয়নের শিখা উজ্জ্বলতর হয়েই উঠত !
কিন্তু হায়, তখন কে জানত যে বিধাতা মানুষের হাতে সুখের খেলনা
দিয়ে, কাদিয়ে আবার ছিনিয়ে নিয়ে নিষ্ঠুর হয়ে মজা দেখে ।

এই সময় একটি বাঙালী যুবক হাওয়া বদল করতে আগ্রায় এসে
বাস করতে লাগল । সে একদিন যেচে এসে আমার সঙ্গে আলাপ
করলে—বিদেশে এসে একলা আছে, বাঙালীর সঙ্গ না পেয়ে হাঁপিয়ে
উঠছে, অন্ত সব বাঙালীরা নামেই বাঙালী, বাংলার তারা ধারে ধারে
না, আমার সঙ্গে আলাপ ক'রে সে খুব খুশী হয়েছে, আমি যদি দয়া
ক'রে মাঝে তার বাসায় পায়ের খুলো দিই, তা হলে সে বেচারা
বেঁচে ধায় ;—এমনি সব অনেক কথা ব'লে আমায় নিম্নৰূপ ক'রে গেল ।

যমুনা-পুলিনের শিখারিণী

ছ'জনের বক্ষুত্ত প্রগাঢ় হয়ে উঠল। তখন আমিও তাকে আমাদের বাড়ীতে নিমন্ত্রণ করতে লাগলাম। ক্রমে আমাদের বাড়ীর মেয়েদের সঙ্গেও তার পরিচয় হ'য়ে গেল—আমার প্রেয়সী ভাবী পঞ্জী ব'লে লীলার সঙ্গে তার পরিচয় করিয়ে দিলাম। আমাদের বাড়ীতে এখন তার অবারিত গতি।

এই বাবুটির নাম ললিত বঙ্গী—সুন্দর সুন্ত্রী, গাল ছ'টিতে গোলাপের আভা ; সাজে সজ্জায় ফিটফাট, শুন্ধাম জমিদার—আমাদেরই স্ব-জাত স্ব-ঘর।

ললিত বড় ঘন ঘন লীলার কাছে আস্তে শুরু করলে। আমার মনটা একটু হিংসায় জলে উঠল। কিন্তু আর-একটি বিবাহঘোগ্য সুপাত্রের সঙ্গে তুলনা ক'রে দেখেই যেন লীলা আমার প্রতি অধিকতর আকৃষ্ট হয়ে উঠল, আমার ওপর তার অন্তরের টান ছুতায়-নাতায় বেশী ক'রেই প্রকাশ করতে লাগল। কিন্তু লীলা আগে সন্ধ্যা হলে যখন বাগানে বেড়াতে যেত আমায় ডাকত, আজকাল আর ডাকে না ; একলা বাগানে গিয়ে অনেক রাত্রি ক'রে বাড়ীতে ফেরে ; কোনো দিন আমি সঙ্গে গেলে সে ব্যস্ত হয়ে ওঠে—সমস্ত দিন বাড়ীতে বসে থাকলে অসুখ করবে ; বাইরে ঘোড়ায় চড়ে খানিক বেড়িয়ে আসা ভাল ব'লে আমায় চলে যেতে তাগাদা করে, আমি না শুন্ধে কিংবা দেরী করলে তাড়াতাড়ি আমার হাত ধরে টেনে নিয়ে বাড়ীতে ফেরে, বাগানে আর থাকে না।

সন্ধ্যাবেলা ললিতের বাড়ীতে গেলেও ললিত ব্যস্ত হয়ে পড়ে ; আমাকে সন্ধ্যাবেলা ঘরে থাক্কতে নিষেধ করে, বেড়াতে যেতে বলে ; তার শরীর অসুস্থ, হিম লাগবে ব'লে সে কিন্তু বাইরে বেরিতে চায় না।

যমুনা-পুলিনের ভিধারিণী

অবশ্য তখন আমি এর মধ্যে কোন মতলব সন্দেহ করিনি, পরে
সব ঘূরতে পারলাম।

একদিন বেড়িয়ে সকাল সকাল বাড়ী ফিরেছি। খুড়িমাকে
জিজ্ঞাসা করলাম—লীলা কোথায়? খুড়িমা বললেন—লীলার মাথা
ধরেছে, তাই সে এখনো বাগানে আছে।

লীলার মাথা ধরেছে শুনে আমার মন ব্যস্ত হয়ে উঠল, আমি
ছুটে বাগানে গেলাম; বাগান অঙ্ককার, কোথায় লীলা? জোরে
ডাকলাম—লীলা!—জবাব পেলাম না। এদিক-ওদিক ক'রে কেয়ারিন
ফাঁকে ফাঁকে ঘূরতে-ঘূরতে ডাক্তে লাগলাম—লীলা! লীলা! সাদা
কাপড় মুড়ি দিয়ে একটা লোক দৌড়ে গিয়ে লতাকুঞ্জের পাশে
লুকালো। আমি তার দিকে দৌড়ে যেতে যেতে বললাম—এ
কি ছষ্টামি তোমার লীলা? এই ঘূরঘূটি অঙ্ককারে তোমার
লুকোচুরি খেলা!

এমন সময় আমার পিছন থেকে লীলার ভয়-চকিত শ্বাস-রক্ষ
ডাক শুন্তে পেলাম—তুমি আমায় ডাকছ? আমি ঘুমিয়ে
পড়েছিলাম, আমি যে এই মার্বেলের বেদীতে শুয়ে আছি!

আমি থমকে দাঢ়ালাম। লীলা যদি আমার পিছনে মার্বেলের
বেদীতে শুয়ে আছে, তবে আমার সামনে দিয়ে পালালো ও কে? চোর।

আমি লীলাকে বললাম—লীলা, তুমি বাড়ীতে পালাও, বাগানে
চোর চুকেছে! ভাগিয়স্ক আমি এসে পড়েছি, নইলে ঘূমস্ত তোমার
সব গহনা চুরি ক'রে নিয়ে যেত। আমি ওকে এক্ষণি ধরে ফেলছি।

লীলা অত্যস্ত ভয় পেয়ে চেঁচিয়ে উঠল—না না, তুমি একলা
চোরের কাছে যেওনা, পালিয়ে এস, লক্ষ্মীটি পালিয়ে এস!

আমি আবার থমকে দাঢ়ালাম ; চোরটা তাই দেখে ছুটে বাগানের খিড়কি দরজার দিকে গেল। চোরটা পালায় দেখে আমি লীলার নিষেধ গ্রহণ না ক'রেই তিন লাফে গিয়ে চোরটার গলা টিপে থর্লাম—আমরা পশ্চিমে-বাঙালী, চিরকাল কুস্তি-কসরৎ ক'রে এসেছি, একটা চোরকে কাবু কর্ব তার আবার কথা কি ! আমার কোমর-বন্দে ছোরা ছিল, ছোরাখানা টেনে উচিয়ে বল্লাম—থবরদার !

চোরটা রিভলভার বার ক'রে বল্লে—হ্যাসিয়ার !

আমি চোরটাকে ছেড়ে দিয়ে এক লাফে পিছিয়ে এলাম, সোজা হতেই আমি চেঁচিয়ে ব'লে উঠলাম—এ কি ! ললিত তুমি !

আমাদের উদ্যত অস্ত্রের মাঝখানে লীলা ছুটে এসে দাঢ়িয়ে আমায় বল্লে—অমৃত, অমৃত, আমাকে চিরছঃখিনী কোরো না। ইনি আমার স্বামী, ছেলেবেলা থেকে আমরা ছ'জনে ছ'জনকে ভালো-বাসি ; বাবা মারা যেতে পিসিমা আমায় নিয়ে এলেন, বুরলাম তাঁর ইচ্ছে তোমার সঙ্গে আমার বিয়ে হয়—তাই আমি মিথ্যে ভান ক'রে এতদিন তোমার মন ভুলিয়ে এসেছি, শুধু স্বয়োগের অপেক্ষায়। আমিই চিঠি লিখে ললিতকে এখানে আনিয়েছি। ললিত আমাদের জাত নয়, সমাজে আমাদের মিলন হবার নয়, আমরা ঠিক করে-ছিলাম কালকে আমরা পালিয়ে যাব। আজকে তুমি আমার জীবনের সকল স্মৃথির বুকে ছুরি মেরো না।

লীলা লজ্জায় ভয়ে ছুঁথে থর্ক থর্ক ক'রে কাঁপতে কাঁপতে কেঁদে ফেল্লে। আমি অবাক হয়ে ললিতের দিকে চেয়ে অনেকক্ষণ দাঢ়িয়ে রইলাম।

লীলা মুখ তুলে ক্ষীণ কম্পিত স্বরে জিজ্ঞাসা করলে—কি হবে অমৃত ?

ফমুনা-পুলিনের ডিধারিণী

আমি লীলার কথার উভয়ে ছিরকষ্টে ললিতকে বল্লাম—
দেশ যাবার সমস্ত উদ্দ্যোগ ক'রে কাল এমনি সময় এসো।

ললিত চোরের মতন রিভলবারটি বুকে লুকিয়ে খিড়কি দিয়ে
বেরিয়ে গেল। আমি নিজের হাতে যে রিভলভার নিজের বুকে
দাগ্লাম, তার কাছে ললিতের রিভলভার কৃষ্টিত হয়ে ফিরে
গেল।

লীলা উচ্ছ্বসিত হয়ে কাঁদতে কাঁদতে শুধু বলতে লাগল—
অমৃত, অমৃত, আমায় ক্ষমা কর, আমায় ক্ষমা কর।

আমি কোন কথা বলতে পারলাম না। কী বলব? নৌরবে
লীলাকে ধরে নিয়ে এসে বেদৌতে বসিয়ে রেখে আমি বাড়ীতে
ফিরে এলাম। খুড়িমা জিজেস ক'রলেন—লীলা এল না?

আমি বল্লাম—আসছে।

খুড়িমা বলে উঠলেন—অমর্ত্ত, তোমার কি অসুখ করেছে?
—হ্যা, আমি আজ আর কিছু খাব না—ব'লে নিজের ঘরে
গিয়ে খিল দিলাম। তখন আমার হৃদয়ের খিল খুলে ছঃখের
বস্তা অশ্রুস্রোতে ছুটে বেরিয়ে পড়ল।

তার পরদিন সন্ধ্যাকালে আমি যেমন বেড়াতে বেরুই, তেমনি
বেড়াতে বেরুলাম। লীলার জিনিসপত্র যা তার সঙ্গে নেবার
তা দিনের বেলাই আমি গোপনে ললিতের বাসায় পাঠিয়ে দিয়ে-
ছিলাম। বাড়ীতে লীলার সঙ্গে আর দেখা করতে পারলাম না।
সন্ধ্যা ঘন হয়ে এলে বাগানের খিড়কি দরজার বাইরে এসে
দেখ্লাম, একথানা একায় ললিত আড়ষ্ট হয়ে বসে আছে। আমি
বল্লাম—যাও নিয়ে এস।

কাপুরুষটা একটু ধতমত খেয়ে বললে—তুমিই যাও।

আমি এক লাকে ঘোড়া থেকে নেমে গিয়ে দরজায় টোকা
মার্লাম।

লীলা দরজা খুলে চাপা গলায় জিজ্ঞেস করলে—কে, ললিত ?

আমি বল্লাম—না, আমি অমৃত।

লীলা ভয় পেয়ে পিছিয়ে গেল। তার দোষ নেই; আমি
যে আমার এত বড় ভীষণ সর্বনাশ করতে বসেছি তা সে তখনও
বিশ্বাস করতে পারছিল না, আমিও তখন বুঝতে পরিনি যে আমার
আত্মবলি কত কঠিন, কিন্তু কি সহজে আমি সম্পূর্ণ করছি।

আমি বল্লাম—লীলা, এস, ললিত তোমার জন্যে অপেক্ষা
করছে।

লীলা স্তুতি হয়ে দাঢ়িয়ে রইল। আমি লীলার হাত ধরে টেনে
বাইরে নিয়ে গেলাম। লীলা ললিতকে দেখতে পেয়েই ছুটে
গিয়ে তাকে ছুই হাতে জড়িয়ে ধরলে; সে তখনে আমাকে বিশ্বাস
করতে পারছিল না, সে যেন আমার কাছ থেকে পালিয়ে ললিতের
আশ্রয় নিয়ে বাঁচল। আমি এক লাকে ঘোড়ায় চড়ে বস্লাম।
একার সঙ্গে সঙ্গে ষেশনে গেলাম।

ট্রেণ ছেড়ে দিলে। লীলা চোখের জলের ভিতর দিয়ে
আমার দিকে তাকিয়ে হাত দু'খানি জোড় ক'রে বড় মিনতি জানিয়ে
ব'লে গেল—ভুলে যেয়ো, আমায় ক্ষমা কোরো।

আমি সর্বস্ব নিজের হাতে পরকে বিলিয়ে দিয়ে বাড়ী ফিরে
এলাম।

বিমল বুক্সের বেদনায় আহত হইয়া চোখ মুছিয়া বলিল—এমন
ক'রে নিজের হাতে হৃদয়-গ্রন্থি শিথিল ক'রে দেওয়া বড় কঠিন, বড়
ভয়ানক ! আপনি অসাধ্য-সাধন করেছেন, অমৃতবাবু !

যমুনা-পুলিনের ভিধারিণী

অমৃতবাবু কাতরভাবে ম্লান হাসি হাসিয়া বলিলেন—অসাধ্য কি
কখনে। সাধন করা যায় বাবা ! লীলাকে আমি অতিশয় ভালবেসে-
ছিলাম ব'লেই আমি তাকে সুখী কর্বার জন্যে নিজের সুখ বলি
দেওয়া আমার সাধ্য হয়েছিল !

বিমল জিজ্ঞাসা করল—তারপর কি হ'ল ! আপনার খুড়িমা
জেনে কি করলেন ?

অমৃতবাবু গাড়ীর জানালা দিয়া বাহিরে দেখিতেছিলেন, মুখ
ফিরাইয়া বলিলেন—খুড়িমা যখন জানলেন যে, লীলা বাড়ীতে নেই,
তখন গভীর রাত্রি। আসল ব্যাপার না জানায় ভুল দিকেই খোজ
হতে লাগ্ল ; তার পরদিন যখন জানা গেল যে ললিতও নেই,
তখন ঠারা ব্যাপার কতকটা অমুমান করতে পারলেন ; আর
আমিই যে ললিতকে বাড়ীতে এনে এই সর্বনাশটা ঘটালাম
তার জন্যে আমাকেই দোষী করতে লাগ্লেন। আমি নীরবে
সমস্ত সহ ক'রে রইলাম। আমাদের কলঙ্ক আগ্রা ভরে উঠল।
কাকা চেষ্টা ক'রে বদলি হয়ে একেবারে রাওলপিণ্ডি চলে গেলেন ;
আমি ল'পাশ ক'রে রেঙ্গুন চলে গেলাম। রেঙ্গুনে এডভোকেট
হয়ে অনেক টাকা উপার্জন করেছি, সেইদিকে খোক দিয়েই
লীলাকে ভুলতে চেয়েছি ; লীলা জমিদারের গৃহলক্ষ্মী হয়ে স্বর্খে
আছে মনে ক'রে সাজ্জনা পেতে চেষ্টা করেছি। মৃত্যুর পূর্বে
একবার লীলাকে দেখে মর্বার ইচ্ছা হ'ল ; আমার সারা জীবনের
সক্ষিত অর্থ তারই নামে দেশের কোন কাজে ব্যয় কর্বার ব্যবস্থা
করব বলে দেশে ফিরে এলাম। এসে শুন্লাম আগ্রা থেকে
আসার বছর ছই পরেই ললিত লীলাকে ত্যাগ করেছিল ; ললিত
কিছু টাকা দিতে চেয়েছিল, লীলা তা প্রত্যাখ্যান ক'রে এক কাপড়েই

ললিতের বাড়ী থেকে বেরিয়ে গেছে। ললিতও গেল-বছর মারা গেছে। লীলা কোথায়, বেঁচে আছে না মরে গেছে, কেউ জানে না। আমি সেই অপমানিতা প্রতারিতা প্রত্যাখ্যাতা লীলাকে খুঁজে খুঁজে পথে পথে ঘুরে বেড়াচ্ছি। কালের অমৃত-প্রলেপে হৃদয়ের যে ক্ষত আবৃতমুখ হয়ে এসেছিল তা আবার বিদীর্ণ হয়ে গেছে; মনের মধ্যে যে শোণিতস্রাব হচ্ছে তাতে মনে হচ্ছে আর বেশী দিন বাঁচব না। তাই আমার অনুরোধ, আমার এই ভারটি তোমায় নিতে হবে বাবা। কিন্তু বাবা, আমার মতন বুড়ো মানুষের কৌতুহল প্রকাশ করা শোভা পায় না, তবু কেন যে তুমি এই ছবি দেখে অমন ব্যস্ত হয়ে উঠলে জানতে বড় ইচ্ছে হচ্ছে। কোন্‌ দুর্লক্ষ্য স্মৃত আমাদের দুজনকে ঘনিষ্ঠ ক'রে তুলছে জানাতে কি তোমার আপত্তি আছে?

বিমল লজ্জায় আরভিম হইয়া নম্রস্বরে বলিল—আপনি অসঙ্গে আপনার জীবনের ইতিহাস আমাকে বললেন; আপনার কাছে আমার কিছু গোপন করা উচিত নয়; গোপন করবারও কিছু নেই, বল্বারও বেশী কিছু নেই। এক কথাতেই শেষ হয়ে যাবে—

এমন সময়ে ট্রেণ আসিয়া ছেশনে থামিল। একখানা টেলিগ্রাম আনিয়া ছেশনের লোক আসিয়া জিজ্ঞাসা করিল—এ গাড়ীতে অমৃতবাবু বলে কেউ আছেন কি?

অমৃতবাবু আপনার পরিচয় দিয়া সেই টেলিগ্রাম লইলেন। টেলিগ্রাম পড়িয়াই উঠিয়া দাঢ়াইয়া বলিলেন—বাবা বিমল, আমার বিষয়-সম্পত্তি বিক্রী করবার ব্যবস্থা ক'রে এসেছিলাম, আমার এজেন্ট টেলিগ্রাম করেছে, আমাকে তুরন্ত রেঙ্গুনে যেতে হবে। আমি এই ছেশনেই নামলাম; পরের ট্রেনেই কলকাতা ফিরব। এই রাইল

ঘূনা-পুলিনের ভিধারিণী

আমার নাম-ঠিকানা-লেখা কার্ড। আর রইল তোমার ওপর
লীলাকে খোজার ভার। যদি সন্ধান পাও টেলিগ্রাম কোরো। আমি
যত শিগ্গির পারি ফিরে এসে তোমার কাহিনী শুনব—ঈশ্বর করুন,
যাকে খুঁজছ তার আর তোমার ছ'জনের হাসিমুখ থেকেই শুন্ব।

অমৃতবাবু গাড়ী হইতে মোটমাটিরি লইয়া নামিয়া পড়িলেন।
গাড়ী ছাড়িয়া দিল। বিমল এই অল্প পরিচয়ের বৃক্ষ সঙ্গীটিকে
হারাইয়া অত্যন্ত বিমনা হইয়া পড়িল। তাহার কোলে হাতীর দাতের
উপর আঁকা লীলার ছবিখানি আর বৃক্ষের নাম-ঠিকানা-লেখা কার্ড
পড়িয়া না থাকিলে সমস্ত ব্যাপারটা তাহার স্বপ্ন বলিয়া মনে হইত—
সমস্ত ঘটনাটা এমনই আকস্মিক।

একাকী ভ্রমণ করিতে বিমলের আর ভালো লাগিতেছিল না।
সেও কিছু দূর গিয়াই, বাংলা দেশে ফিরিয়া চলিল—স্থির করিল
তাহার সহপাঠী বন্ধু সোনাতলার জমিদার রাজা ফণীন্দ্রনাথ নাগের
কাছে গিয়া কিছু দিন থাকিবে।

রাজা ফণীন্দ্রনাথ নাগ বিমলের সহপাতী ; একসঙ্গে থাকিতে থাকিতে উভয়ের মধ্যে বন্ধুত্ব জমিয়া গিয়াছিল ; কিন্তু উভয়ের স্বভাব ও মনের ছাঁচ একেবারে উপটা রকমের। ফণী একটু কাটখোড়া ধরণের কর্কশ অভ্যন্তরীণ লোক ; সে কাব্য চিরি প্রভৃতি সুকুমার সামগ্ৰী হৃচক্ষে দেখিতে পারিত না—সে কাজের লোক, স্বপ্নবিলাসী নয় বলিয়া গব করিবার জন্য চেষ্টা করিয়া নৌরস জিনিসেরই পক্ষপাতী সাজিত। সে জমিদার হইয়া জমিয়াছে, তাহার কাব্যকলা লইয়া থাকিলে ত' চলিবে না, তাহাকে কাজের লোক হইতে হইবে। যাহাদের হাতে-কলমে শিখিবার ক্ষেত্ৰে অভাব, তাহারা কেতাব ঘঁটিয়া পৱের কথা মুখস্থ করিয়া মুক্ত, তাহাকে শিখিবার জন্য পৱের অভিজ্ঞতার উপর নির্ভর করিতে হইবে না—মানব-চরিত্র ও কাজের শৃঙ্খলা নথদৰ্পণে জানিয়া লইয়াই তাহার জমিদারের ঘরে জন্ম হইয়াছে। এই আত্মস্মরিতা তাহার মন ভরিয়া রাখিয়াছিল ; সে আপনাকে পৱন্ম বিজ্ঞ ঠাওরাইয়া যথন-তথন যাকে-তাকে শুনুক-না-শুনুক উপদেশ দিতে সদা প্রস্তুত। সে যাহা বুঝে তাহাই ঠিক, এই ধাৰণাৰ জন্য সে নিজেৰ বাড়ীতে ও জমিদারীতে একটি স্বেচ্ছাচারী উপজ্বব হইয়া উঠিয়াছিল এবং যাহাকে মূরুক্বিৰ বলিয়া না মানিতে পারিত, তাহাদেৱ সহিত তাহার বনিত না। তাহার মসিকতা, কথাবাঞ্চা, চালচলন এমন মোটা ও ভোঁতা রকমেৱ যে তাহা মার্জিত ভদ্ৰুণচৰ

বনু-পুলিমের ভিধারিণী

লোকের কাছে অসহ। বিমল শান্তপ্রকৃতির লোক বলিয়া এই লোকটির বর্বর আত্মসম্মতায় আহত ন। হইয়া কৌতুক অনুভব করিত। ফণীর মুখে “আমি ত”—এ আগেই ব'লে রেখেছিলাম” লাগিয়াই আছে। যে ব্যাপার ঘটিবার সম্ভাবনা সে কশ্চিন্কালে স্বপ্নেও ভাবে নাই, তাহাও ঘটিতে দেখিলে সে অমনি বিমলের হাত ধরিয়া আনন্দ-উচ্ছসিত স্বরে বলিয়া উঠিত—“কেমন হে, এমন যে হুব আমি ত” এ একমাস আগেই ব'লে রেখেছিলাম। তুমি যদি তবু আমার পরামর্শ শুনে চল্লতে !” বিমল তাহার এই আত্মগৌরব-ক্ষোষণা সহ করিয়া নীরবে হাসিত এবং ফণীও বিমলকে লম্বা বকুতা লিঙ্গ উৎসাহিত হইয়া উঠিত। কেহ যদি তাহার চোখে আঙুল কিম্বা বজির ও কলিমের সাক্ষীতে জাজল্যমান প্রমাণ করিয়া দেখাইত বে ফণী এখন যাহা বলিতেছে পূর্বে ঠিক ইহার উপটাটাই বলিয়াছিল, তবে সে ভয়ানক চাকিয়া যাইত এবং সে-রকম অভ্যন্তর মিথ্যাবাদী লোকের মনে যে কোনো ভজলোকেরই সম্পর্ক রাখা উচিত নয় ইহা সে মুখ অক্ষকার করিয়া বারবার বিমলকে শুনাইত। বিমলের মতন এমন নীরব সাময় আর কাহারও কাছে পাইত না বলিয়া বিমল তাহার একমাত্র বক্তু যে শেষ পর্যন্ত টিকিয়া ছিল। তাহার কথায় সাময় কিম্বার লোক আরো অনেক ছিল, কিন্তু তাহারা হয় তাহার জমিদারী-ক্ষেত্রের জামিনা, বয় বাড়ীর চাকর, নয় জমিদারীর প্রজা—তাহার প্রাণের দায়ে দুর্দান্ত হজুরের রায়ে সাময় দিয়া চলিত। কিন্তু সমকক্ষ লোক অস্তিত্বের আকাঙ্ক্ষা রাখে না, অথচ তাহার কথা মানিয়া নান, সে একমাত্র বিমল—তাই বিমল তাহার প্রাণের বক্তু।

বিমলের শান্ত লব্যতন্ত্রের সর্বসংস্কার-বর্জিত স্বাধীন-মতের লোকের মনে ধাক্কা। ফণীর কিন্তু যথেষ্ট উপকার হইয়াছিল। বে

কাজের লোক, কাজের স্থিয়া ইয় দেখিয়া সে মেয়েদের লেখাপড়া
শেখা, বেলী বহুসে বিবাহ দেওয়া এবং অবরোধ-পথা রাখিত কর্তৃত
পক্ষপাতী হইয়া উঠিয়াছিল ; কিন্তু সেই জোর মতটির মধ্যে তাহার
একটু জমিদারী চাঙের প্রতিপ্রসব ছিল। সে বলিত—ইঁ, বড় বাসের
লেখাপড়া কাজকর্ম জানা মেয়েকেই বিবাহ করা উচিত বটে, এবং
বিবাহের পর তাহাকে সকল পুরুষের সম্মুখে অবাধে বাহির করাও
যাইতে পারে, কিন্তু তাহাকে সর্বদা কড়া শাসনে রাখিতে হইবে।
তেজী ঘোড়া ছুটিয়া চলে, অথচ জনতার ভিত্তে কাহারো ঘাড়ে পড়ে
না দেখিয়া লোক বিশ্বয় মানে ; তাহারা ভাবিয়া দেখে না যে, উচ্চার
কারণ ঘোড়ার গুণ নয়, ঘোড়ার উপরে যে বলা ধরিয়া বসিয়া আছে
তাহার গুণ। মেয়েদের ছাড়িয়া দিতে হইবে, কিন্তু কড়া রাশ টান
করিয়া রাখিতে হইবে নিজের হাতে। একটু বলা আলগা পাইয়াছে
কি ঘোড়ার মত মেয়েদিগকেও বাগ মানানো মুক্ষিল হইয়া উঠিবে।
ফলী বিমলকে এই উপদেশ দিয়া প্রায়ই বলিত যে,—বিমল যে রকম
অস্ত প্রকৃতির, সে বিবাহ করিয়া জীকে স্বাধীনতা দিলে একটা কিছু
অনর্থ ঘটাইয়া বসিবে ; কিন্তু ফলী বিবাহ করিয়া শেঞ্জারী শ' হইবেই
ন,—নহিলে সেখাইয়া দিত কেমন করিয়া জীকে চালাইতে হয় !

বিমল পথে পথে ঘূরিয়া ঘূরিয়া প্রত্যেক তরঙ্গী তিথারিণীর মুখে
তাহার অদেখা অচেনা ভালবাসার লোকটির মুখের আসল খুঁজিয়া
খুঁজিয়া ক্লান্ত হইয়া ফণীর অহঙ্কার-সদা-সচেতন ‘আমি’-র ধাকায়
সমস্ত ভাবনা-চিন্তাকে কিছুদিনের জন্য চাপিয়া রাখিতে ফণীর বাড়ীতে
যাইতেছিল। বঙ্গের অস্তরদেশে প্রবেশ করিতে করিতে তাহার
ভূমির শ্বামলতা, লোকের সরসতা ও জলের বিচ্ছিন্নতা দেখিয়া
বিমলের মন প্রকৃত্ব ভারমুক্ত হইয়া উঠিতে লাগিল। বিমলের

বন্দুনা-পুলিনের ভিধারিণী

আশা হইতে লাগিল, এই অনুপম সৌন্দর্যের মধ্যে নিরস্তর অবগাহন কর্তৃতা থাকিয়া ফণীর অন্তরের অহঙ্কারের বিষ নিশ্চয় অনেকটা উপর্যুক্ত হইয়া গিয়াছে—এই সরসতার ছেঁয়াচ লাগিয়া তাহার মন সমবেদনার দয়ায় মমতায় নিশ্চয় অভিষিক্ত হইয়া উঠিয়াছে। সে বোধ হয় এখন আর আপনাকে অজ্ঞান যা-বুঝি-সব-ঠিক খরণের লোক বলিয়া মনে করিতে পারে না। বঙ্গদেশের আপন-বিলানো আনন্দ যে নদীর ধারায় অবিরল, পাথীর কর্ণে নিরস্তর, পত্রে-পুষ্পে সুপ্রচুর—ইহার মধ্যে কঠিন উগ্রতার ঠাই যে নাই! ভারতের দিকে দিকে ছুটাছুটি করিয়া বিমলের মনে শুক নগ কঠিন দেশের স্পর্শে যে বিরসতা আসিয়াছিল, বঙ্গের সৌন্দর্যে প্রাণ খুলিয়া অবগাহন করিয়া দূর হইয়া গেল।

সন্ধ্যার সময় বিমলের পানসী ঝুপালি নদী দিয়া আসিয়া সোনা-তলার ঘাটে ভিড়িল। ছোট নদীটি, গভীর খরবেগ; ঠিক নদীর উপরেই প্রকাণ্ড সুসজ্জিত সুরক্ষিত বাগানের মধ্যে ফণীর ছবির মত সুন্দর সদ্য-চুনকাম-করা বাড়ীখানি। বাগানের ছাঁটা ঘাসের চৌরস ক্ষেত্র নদীর ঢালু পাড়ের উপর দিয়া একেবারে জলের কিনারা পর্যন্ত বিস্তৃত, যেন একখানা সবুজ বনাতের বড় ফরাস ছড়াইয়া পাতা হইয়াছে। সেই ঘাসের ক্ষেত্রে মাঝে মাঝে ফুলের কেঁয়ারি, পাতা-বাহারের ঝোপ, লাল কাঁকরফেলা সরু পথের ছাঁধারে এক এক ঝুকম গাছের সারি। সেই বাগানে পথের কত বক্রতা, ঝোপের কত নিবিড়তা, ফুলের কেঁয়ারীর কত জটিলতা, তরুবীথির কত বিচ্ছিন্নতা সন্ধ্যার আলোয় মনোরম হইয়া উঠিয়াছিল। বিমল উজ্জ্বল মুখে পানসী হইতে লাফাইয়া ডাঙায় নামিল; নোকা ভিড়িতে দেখিয়া একজন চাপরাসী দৌড়িয়া আসিল। রাজাবাবু বাগানে আছেন,

চাপরাসী তাহাকে এন্দেলা দিতেছে, তাহার মজি হঠলে সাক্ষাৎ ঘটিতেও পারে ।

চাপরাসী এন্দেলা দিতে যাইতেছিল। বিমল বলিল— এন্দেলা দিবার দরকার নাই, রাজাবাবু তাহার দোষ্ট, বিনা এন্দেলায় যাইলেও রাজাবাবু গোসা হইবেন না ।

চাপরাসী বিমলের কথা সম্পূর্ণ বিশ্বাস করিতে পারিল না, সে বিমলের সঙ্গে সঙ্গে চলিল ।

বিমল একটু আগাইয়া গিয়া পথের একটা মোড় ফিরিতেই একটা বোপের ওপার হইতে ফণীর গলা শুনিতে পাইল। ফণী মালী খাটাইতেছে এবং তিরক্ষার করিতেছে—আঃ বুড়ো মেড়া, মরবার বয়স হ'ল তবু বুদ্ধি হ'ল না? গাছের ডাল বুবি এমনি ক'রে ছাঁটে? বলে ত' কথা শুনবিনি—মনে করিস্ মালীর কাজ করতে করতে বুড়ো হয়ে পেলাম আমি আর কার কথা শুন্ব! ওরে বুড়ো হলেই কি বুদ্ধি হয়? দেখত গাছটাকে একেবারে মুড়ো ক'রে ফেলেছিস— আহাম্মক বুড়ো শূয়ার কাঁহাকা!

বিমল কাছে যাইতেই ফণী ঢট্ট করিয়া ফিরিয়া দাঢ়াইয়া ঝাঁঢ় স্বরে বলিয়া উঠিল—কে? কে আপনি? আপনি ত' ভারী বে-আদৰ, এন্দেলা না দিয়ে একেবারে অন্দরের বাগানে এসে উপস্থিত হয়েছেন! কি চাই আপনার?.....চাপরাসী!

চাপরাসী ভয় পাইয়া ‘হজুর’ বলিয়া সাড়া দিয়া ছুটিয়া সম্মুখে আসিল ।

বিমল হাসিতে হাসিতে বলিল—ফণী, তোমার আবার সদর অন্দর কি হে? আমাকে চিন্তে পারছ না?

আরে বিমল নাকি! বলিয়া ফণী হাসিমুখে তাড়াতাড়ি আগাইয়া

বমুনা-পুলিনের ভিধারিণী

আসিয়া বিমলের হাত চাপিয়া ধরিল। “তুমি? তুমি কোথেকে, কখন এলে? তোমাকে কি আর চেন্বার জো আছে—কি বিশ্রী চেহারা হয়ে গেছে তোমার! চেখ বসে গেছে,—ফ্যাকাসে হয়ে গেছে, রোগ! হয়ে গেছ! ব্যাপার কি হে? নিশ্চয় পড়ে পড়ে এমন দশা করেছ। আমার কথা ত’ তুমি শুন্বে না, আমি কত বার তোমায় বলেছি কেবল লেখাপড়া করলে শরীর থাকে না।

বিমল হাসিয়া বলিল—কিন্তু বন্ধু, তুমি ত’ আমাকে বরাবর বলে এমেছ যে এক লেখাপড়াই তোমায় দিয়ে হবে, তুমি আর কোন কর্মের নও।

কণী উত্তেজিত হইয়া বলিয়া উঠিল—হ্যাঃ! তোমার এমন ভুলো মন, একটা কথা মনে রাখতে পার না। আমি ত’ পয়পয় ক’রে তোমায় বলেছিলাম—

বিমল তাহার সমস্ত কথা না শুনিয়া বলিল—হ্যাঃ, তুমি তাও বলেছিলে বটে, এখন স্মরণ হচ্ছে। কিন্তু আমার কথা এখন থাক্, তোমার কথা শুনি। আছ কেমন?

কণী একখানা বেঝির উপর বিমলকে লইয়া বসিয়া বলিল—আরে ভাই, এ পৃথিবীটা এত বেশী নচ্ছার লোকে ভৱা যে ভালো থাক্বার জো কি! তারা সব-কিছু পণ্ড কর্বার জন্মেই যেন ষড়যন্ত্র ক’রে বসে আছে, আমার বুদ্ধি-বিবেচনার জোরে কোন রকমে টিকে আছি! বুদ্ধির চাষ করো দাদা, বুদ্ধির চাষ করো,—নইলে তোমাদের ঐ গাঁজাখুরী কাব্য কি দার্শনিকতা নিয়ে এই সংসারে একদিনও টিকতে পারবে না।.....তুমি ত’ জানো আমি কাজের লোক, বুদ্ধিটাকে কাজে থাটাতে চাই; কিন্তু যত-সব বোকার পাল্লায় পড়ে বুদ্ধি খোলবার কি জো আছে ছাই! একটা কাজে যেই হাত দেবো, অমনি

পাড়া-পড়শীরা এসে বাগড়া দেবে ; কর্মচারীগুলো টিকটিক করতে ;
এমন কি কুলিমজুরগুলো পর্যন্ত কথা কূবে মা ;—সকলের বিষয়ে
তারা আমার চেয়ে ভালো বোৰে, বেশী জানে ; আৱে তাই যদি
জান্বি তবে তোৱা কেন চাকু-মজুর হলি, আৱ আমিই কা কেন
জমিদারের ঘৰে জমালাম—এই সোজা কথাটা ভেড়াগুলো বুৰবে মা,
আৱ আস্বে বক্বক কৱতে !

ফণী অনৰ্গল বকিয়া বিমলকে ইহাই বুৰাইতে চাহিল যে, তাহিৰ
জীবন শুধু বাধা-বিপত্তি, বিৱোধ-অমিল, বাগড়া-গুগোল ‘ঠেলিয়া
চলিতে চলিতে বড় বিষাদ বিৱক্তিকৰ হইয়া উঠিয়াছে। জমিদারীটা
লইয়াও যে মিশ্চিন্ত থাকা যাইবে তাহারও জো নাই ; শাস্তনগৰৈর
ছুঁদে প্ৰজাৱা ধৰ্মঘট কৱিয়া বসিয়াছে, টাকায় মাত্ৰ চাৱ আমা
বুদ্ধি তাহাও তাহারা দিবে না, এবং চীলহাটিৰ মজুমদারেৱা ফণীৰ
লাঠিয়ালেৰ কাছে হটিয়া গিয়া এখন সীমানা সাব্যস্তেৰ জন্ত মকম্পা
কৱিয়া কাদিয়া জিতিতে চাহিতেছে ! অবশেষে ফণী জিজ্ঞাসা
কৱিল—তুমি এখন কি কৱছ হে—তোমাদেৱ যা ধৰা আছে—সেই
বকেয়া ওকালতি ?

বিমল হাসিয়া বলিল—টো-টো কোম্পানিৰ চাকুৱী নিৱেছি।
দেশ-বিদেশে তৌৰ্থপৰ্যটন ক'ৱে বেড়াচ্ছি।

ফণী দীৰ্ঘনিঃখাস ফেলিয়া বলিল—বেশ আছ দাদা ! দিব্য
নানান দেশ দেখে ঘুৱে বেড়াচ্ছি ! সন্ধ্যাসীঠাকুৱ, তোমাৰ চেলা
হতে পাইলে বেশ হ'ত !

বিমল হাসিয়া উঠিয়া বলিল—আৱে হয়ে পড় মা, বাধা কি ?
চল দিনকতক একসঙ্গে ঘুৱে আসা ঘাক, গাঁজাৰ প্ৰসাদ দেবো !

ফণী হাসিতে চেষ্টা কৱিয়া গভীৰমুখে বলিল—আমাৰ কি

বয়না-পুলিনের ভিধারিণী

ক্ষেত্রাও এক পা নড়বার জো আছে, যে দিকৃটিতে নজর না দেবো
সব বেটা সেটা অমনি পও ক'রে বসে থাকুবে ! আরো, জীবনে একটা
বোকামি ক'রে ফেলেছি—আর নড়বার জো রাখিনি ।

এমন সময় একজন খানসামা সেখানে আসিয়া বলিল—রাণীমা
জিজ্ঞাসা করলেন চা কি এইখানে থাবেন ?

ফণী বিরক্ত হইয়া বলিয়া উঠিল—নাৎ, নাৎ, ওপরের বৈঠকখানা
ঘরে দিতে বল্গে যা ।

বিমল হাসিমুখে জিজ্ঞাসা করিল—কি হে, এই বোকামির কথা
বল্ছিলে বুঝি ? বিয়ে করেছ ? তাইতে অন্দরে পরপুরূষকে ঢুকতে
দেখে তখন অমন ক'রে আঁৎকে উঠেছিলে,—ও ! তুমি ভাই আমাকে
অবাক ক'রে দিয়েছ ! আকাশ ভেঙে মাথায় পড়লেও এমন আশ্র্য
হতাম না ! শেষকালে কিনা তুমি কাজের লোক এমন গাঁজাখুরি
কাব্য ক'রে ফেললে...প্রণয় এবং পরিণয় ।

ফণী অপ্রস্তুত হইয়া বলিল—প্রণয়-ট্রনয় কিছু নয়, সংসারে একটা
লোক নেই, ঘরকল্পা কে দেখেশোনে তাই একটা—

বিমল ফণীর বর্ষরতায় বিষণ্ণ হইল—যাহাকে বিবাহ করিয়াছে
তাহাকে ভালোবাসে বলিতে তাহার কুণ্ঠা ; ঘরকল্পা চালাইবার দাসী
বলিয়া শ্বীকার করিতে দ্বিধা নাই ! বিমল জোর করিয়া হাসিয়া
বলিল—বেশ করেছ ভাই, বেশ করেছ ! তোমার বাড়ীতে যখন
লক্ষ্মীর আবির্ভাব হয়েছে, তখন লক্ষ্মীর সামনে লক্ষ্মীছাড়া বেশে যাব
না, আমি চটপট হাতমুখ ধুয়ে কাপড়টা বদলে নি, তুমি একটু ব্যবস্থা
করিয়ে দাও ।

ফণী চাপরাসীকে হ্রস্ব করিল—এই বাবুকে সঙ্গে নিয়ে যা ।
খানসামাকে বল্গে বাবুর হেকাজত করে ।

বিমল উঠিয়া চলিয়া গেল। ফণীও যাইবে বলিয়া উঠিয়াছে, এমন
সময় একটি তষ্ণী-তরঙ্গী অঙ্গের হিলোলে সমস্ত বাগানে সৌন্দর্য
ছড়াইয়া ফণীর পিছনে আসিয়া উৎসুক ব্যগ্রতায় জিজ্ঞাসা করিল—
ও কে? ও কে তোমার কাছে থেকে “লক্ষ্মীর সামনে লক্ষ্মীছাড়া
বেশে যাব না” বলে উঠে গেল?

ফণী চট্ট কিরিয়া ঝরুটি করিয়া বলিয়া উঠিল—যুধি, আবার তুমি
সন্ধ্যাবেলা বাগানে এসেছ? এ রকম একগুঁয়েমি আমার কাছে
চলবে না...চেলীর কাপড় পরনি যে বড়? এখানে তোমার ঐ
টোড়ের-পনা চলবে না, সোনাতলার রাণী হয়েছ, রাণীর সাজেই
তোমাকে থাক্কতে হবে? তুমি কি কচি খুকি যে, এক কথা তোমায়
বিশ বার বলতে হবে।

যুধিকা ভয় পাইয়া মিনতি করিয়া বলিল—চা জুড়িয়ে
যাচ্ছে, তাই আমি তোমায় ডাকতে এসেছিলাম, আমি জানতাম
না এখানে অপর কেউ আছে।

ফণী একটু উচ্চ কঢ়ে বলিয়া উঠিল—কেউ থাক আর না থাক,
তুমি রাণী, সর্বদা রাণীর মতন সেজে থাক্কতে হবে তোমাকে। অত
সব কাপড়-চোপড় গহনা-পত্তর সব কি বাক্স-বন্দি ক'রে রাখবার
জন্যে তোমায় দিয়েছি। ছেটলোক কিনা, ও সব বাপের জন্মে ত'
অভ্যেস নেই—অনভ্যাসের ফোটায় কপাল চড়চড় করে!

চোখের জল ছক্কুমে ফিরাইয়া বড়, বড় চোখ ছুটিতে কাতর মিনতি
ভরিয়া যুধিকা ক্ষীণ কম্পিত কঢ়ে বলিল—লক্ষ্মীটি, রাগ করো না।
আমি সমস্ত দিন তোমায় দেখতে পাইনি, তুমি মহাল থেকে বরাবর
বাগানে চলে এলে, তাই এখানে এসে তোমায় দেখব বলে বাড়ীতে
বেমন ছিলাম তেমনি চলে এসেছি। আর কখনো সাজ না ক'রে

বঙ্গ-পুলিমের ভিধারিণী

ঘর থেকে বেরুব না। আজ আমাকে কষা করো—আর আমাকে
বোকো না। যুথিকার অঙ্গ আর বায়ু মানিল না, বড় বড় কোটোয়
তাহার বেদনারস্ত গালের উপর দিয়া গড়াইয়া পড়িতে লাগিল।

ফণী কড়া স্বরে বলিয়া উঠিল—আচ্ছা, আচ্ছা, এখন বাড়ীতে
যাও দেখি। এখানে দাঢ়িয়ে দাঢ়িয়ে প্যানপ্যান কোরো না। আচ্ছা
ছিচ্কাছুনে ! পান্সে চোখে জল ঝরতেই আছে ! শুনছ ? যুথি,
শুনছ ! সেই আমার সহপাঠী বিমল—যার কথা তোমার কাছে গল
করেছি—সে এসেছে ! এখনি এসে পড়বে, তোমার কান্না থামাও
বলছি ! যাও, চা ঠিক করগে ; সব যেন ঠিক থাকে—এই সব
হাজারো ঝঙ্গাটের উপর ঘরকল্পার ভারটাও আর আমাকে যেন
নিজের হাতে নিতে না হয়। বৃক্ষে—একটু কিছুর ক্ষতি হলে মজা
টের পাইয়ে দেবো। বিমল যেন নিন্দের কিছু না পায় !

ফণী হনহন করিয়া বাড়ীর দিকে চলিয়া গেল। যুথিকা ধীর মন্ত্র
ক্লান্ত গতিতে বেদনার ভারে শিথিল হইয়া পড়িয়া তাহার পিছনে
পিছনে চলিল ; তাহার ওষ্ঠপুটে একটি কি প্রশ্ন কাপিয়া কাপিয়া
উঠিতে লাগিল। কিন্তু বলিবার বড় আগ্রহেই সে প্রশ্ন তাহার
অন্তর্ম প্রদেশে রূপ্ত হইয়াই রহিয়া গেল।

বিমল যখন কাপড় বদল করিয়া উপরের বৈঠকখানায় প্রবেশ করিল তখন যুথিকা চা-দানি হইতে পেয়ালায় চা ঢালিতেছিল। মুখ তুলিয়া বিমলকে আসিতে দেখিয়াই তাহার হাত একবার এমন করিয়া কাপিয়া উঠিল যে, চা হাতের উপর চলকাইয়া টেবিলে পড়িয়া গেল। ফণী ধরক দিয়া উঠিল—যুধি !

যুথিকা ভয়চকিত দৃষ্টিতে একবার শ্বাসীর দিকে চাহিয়া নতমুখে আবার চা ঢালিতে লাগিল। স্ত্রীর হাতে যে গরম চা পড়িয়া গেল, তাহা গ্রাহের মধ্যে না আনিয়া ফণী গর্জন করিয়া তর্জন করিতে লাগিল—আঃ, অকর্মার টেঁকি ! তোমায় দিয়ে যদি একটা কিছু ভালো ক'রে হবার জো আছে। সাবধানে ঢালতে পার না ! এলাহাৰাদ থেকে আনা অমন টেবিল-কুঠটা দাগী কৱলে !

বিমল ঘরে ঢুকিয়াই অবাক হইয়া দাঢ়াইয়াছিল—এ কি মানবী, না প্রতিমা ! এমন দৌর্ঘ ঝজু সুশোভন শরীর, এমন উবার আভার মতো রং, এমন মিনতিভরা চকিত ম্লান দৃষ্টি, এমন হুইমণ্ডিত ধীতে উজ্জ্বল মুখঙ্গী, সে ত' মানবীর দেখে নাই ! কিন্তু তাহার বিশ্বয়-পুলকের স্বপ্নকুহক ভাঙিয়া গেল ফণীর ভৎসনায়। আহা রে ! এমন দেবী প্রতিমাকেও ভৎসনা করিতে পারে এমন নৱাধমও আছে ! বিমল অগ্রসর হইয়া গিয়া নমস্কার করিয়া যুথিকাকে বলিল—আপনি রাখুন, গরম চা হাতে পড়ে আপনার হাত লাল হয়ে উঠেছে, আমি চা তৈরী ক'রে দিছি !

বনু-পুলিনের ভিধারিণী

যুথিকা ভয়চকিত অপাঙ্গ দৃষ্টিতে স্বামীর দিকে চাহিয়া ক্ষণ অক্ষুট স্বরে বলিল শুধু—না।

ফণী হো হো করিয়া বলিল—না হে না, তুমি বোসো, ওই দিকে। তুমি সেই তেমনি gallant এখনো আছ!

যুথিকার মুখ লাল হইয়া উঠিল। বিমল বিরক্ত হইল! ফণী হাহা করিয়া হসিয়া উঠিল। যুথিকা এইবার বিমলের দিকে এক পেয়ালা চা আগাইয়া দিয়া কণ্ঠস্বরে মিনতি ভরিয়া বলিল—আপনি বসুন।

সেই শুচ অক্ষুট স্বর শুনিয়া বিমল একবার চমকিয়া উঠিয়া তীক্ষ্ণ দৃষ্টিতে যুথিকার মুখের দিকে চাহিল। তারপর যেন যাহা ভাবিয়াছিল তাহা নয় বলিয়া হতাশ হইয়া মাথা নাড়িয়া দীর্ঘ-মিংশাস ফেলিল।

খাওয়া-দাওয়ার পর ফণী যখন বিমলকে শোবার ঘরে পৌছিয়া দিতে গেল, তখন বিমল বন্ধুকে পঞ্জীভাগ্যের জন্য অন্তরিক সম্বর্ধনা না করিয়া থাকিতে পারিল না। সে ফণীর ছহহাত চাপিয়া ধরিয়া নাড়িয়া-নাড়িয়া উৎফুল্প স্বরে বলিল—বাস্তবিক ফণী, ভাগ্যদেবী চিরকাল তোমার ওপর সুপ্রসন্ন—তাঁর চরম প্রসাদ এই পরম লাভে!

ফণী শুক্ষ রুক্ম অগ্রাহের ভাবে বলিল—হাঁ, ও দেখ্তে শুন্তে মেহাত মন নয়। এই হতভাগা পৃথিবীতে মনের মতন নিখুঁত জিনিস ত' পাবার জো নেই, মানুষকে ওরই মধ্যে একটা সামঞ্জস্য ক'রে নিয়ে সয়ে থাকতে হয়।

—বল কি ফণী! সামঞ্জস্য ক'রে সয়ে থাকা এমন একটি অঙ্গুপমা মনোরমার বেলা বলা কি সাজে! এই বয়সে ঢের মেয়ে

দেখেছি—মেঘের খোজেই জীবন সঁপেছি, তোমার গৃহলক্ষ্মীর
মতন ক্লপেগুণে অপরূপ কোথাও দেখিনি। ঐ চোখ ছটিতে
আহা কি করণ ব্যথিত দৃষ্টি ! শুভ্র কপালখানিতে যেন স্বর্গের
আভাস ! কার প্রশংসা বেশী কর—শোভাসুন্দর দেহমন্দিরের,
মা মন্দিরবাসীনী মনোদেবতার !

ফণী রসিকতা করিল—হ্রহ্র ! তুমি যে একেবারে মজে গেছ
হে ! আগে দেখতাম তুমি পড় বেশী, বলো কম ; আজ যে
উচ্চে ব্যাপার ! কিন্তু তায়া, প্রণয়িনী নিয়ে কবিত্ব করা চলে,
গৃহিণী হওয়া চাই কাজের লোক ! ওটা দেখতে মাকাল ফল
—কাজে-কর্মে কিছু না ! তার পরিচয় চাঁচালাতেই পেয়ে এসেছি।
আচ্ছা, এখন নিশ্চিন্ত হয়ে ঘুমোও, দিল্লীর লাড়ু খেয়ে তুমি যে
এখনো পস্তাওনি তার জন্যে তোমায় আমি সম্বর্ধনা করছি। প্রণয়
করতে হয় কোরো, পরিণয়টা যতদিন পার মূলতুবি রেখো। বড়
ল্যাঠা হে, বড় ঝকমারি !

বিমল বিরক্ত হইয়া ফণীর চলিয়া-যাওয়া দেখিতে দেখিতে
ভাবিতে লাগিল—বর্বরটা এখনো তেমনি আছে ! এমন দেবীকে
গৃহে প্রতিষ্ঠা ক'রেও সে চটা মেজাজে নরকের স্থষ্টি করছে। আহা
বেচারি যুথিকা ! এমন স্বামীর হাতে পড়ে সোনার প্রতিমার
খোয়ার হচ্ছে !

বিমলের দৃষ্টি ত' গড়ায় নাই ! যুথিকা যাহা বলিতেছিল বা
করিতেছিল তাহা কত ভয়ে ভয়ে ! স্বামীর চোখের ইসারায় যেন
তাহার মরণ-বাঁচন। যদি কিছু ফণীর মনের মতন না হইতেছিল, অমনি
ফণীর দৃষ্টি কি কঠোর কটমট হইয়া উঠিতেছিল। বিমল দেখিতেছে
না মনে করিয়া ফণী কতবার তাহাকে চোখ রাঙ্গাইয়াছে, দাতে দাত

ষষ্ঠা-পুলিনের জিদ্বারিণী

দিয়া নৌব ডংসনা করিয়াছে, মুখ খিঁচাইয়া বিরক্তি ও ক্ষোধ
শ্রেকাশ করিয়াছে। আর সেই অঙ্গরী কি মধুর ধৈর্যে এই সমস্ত
সত্ত করিয়া থাকিয়াছে। তাহার দীর্ঘ বক্র পক্ষুরাজির নিবিড়তাৰ
পশ্চাতে চকিত তাৰকাৰ কি এক বেদনায় লান কৱণ ভাতি মেঘেৰ
আড়ালে চন্দ্ৰেৰ মতো বড় সুন্দৰ ! তাহার প্ৰচুৰ কালো চুল যেন
বেদনাৰ ছটাৰ স্থায় তাহার মলিন পাঞ্চ মুখখানিকে ঘিরিয়া সৰ্বাঙ্গে
ছড়াইয়া ঢলিয়া পড়িয়াছে। তুলিকাৰ বহু সাধনাৰ ধন তাহার
নাকটি টিকল, গাল ছুটি নিটোল, অধুৰ-গুৰ্জ রক্ত-পন্থেৰ ছথানি
পাপড়ি। সেই ঠোঁট ছথানি অকথিত বেদনায় কুৱিত হইতেছিল,
চোখ-ছুটি অগলিত অঙ্গতে ভৱিয়া আসিতেছিল, আৰ মলিৱ বুক-
খানি নিৰুক্ত আবেগে তাড়িয়া পড়িতে চাহিতেছিল। তাহার
অঙ্গৰার স্থায় সুন্দৰ, রাণীৰ স্থায় মহিমমৱ, স্বপ্নেৰ স্থায় অপূৱাপ,
ফুলেৰ স্থায় পেলেৰ ভুলখানি ঘৱেৱ মধ্যে যেন ময়তাৰ মতন হাওয়ায়
ভাসিয়া ফিরিতেছিল, তাহা যেন মাটি স্পৰ্শ কৱিতেছিল না। এ কি
সন্দৰ যে এ মহীয়সী রমণী কণীৰ মতন বৰৱকে ভালবাসে ! না এই
সন্দৰ যে,—এই অঙ্গৰার চোখেৰ পাতাৰ সাম্রজ ছায়ায় যে সুবিস্তৃত
স্বপ্নলোক পলে পলে রচিত হয় তাহার সন্ধান কণীৰ মতন লোকে
পায় ! এই ভুলুমবাজ ক্ষুদ্র নবাবটিৰ পীড়নে কি অমূল্য একটি প্ৰাণ
নষ্ট হইতে বসিয়াছে ! আহা বেচাৰী !

যুধিকাৰ সৌন্দৰ্য ও নত্ৰ কোমল ব্যবহাৱেৰ মোহ বিমলেৰ মন
ক্ৰমশ আচ্ছন্ন কৱিয়া ফেলিতেছিল। সে হঠাৎ সচেতন হইয়া
তাড়াতাড়ি আপনাৰ বুক-পকেট হইতে বৃক্ষ অযুতবাৰুৱ দেওয়া ছবিৰ
মৰমল-থাপটি টানিয়া বাহিৰ কৱিল এবং ছবিখানি বাহিৰ কৱিতে
কৱিতে ভাৰিতে লাগিল—এ আমি কৱিতেছি কি ! যে অদেখা-

অচেনা মূখ্যানিকে আজ তিনি বৎসর ধরিয়া ক্রমাগত থুঁজিয়া ফিরিতেছি, তাহার কাছে অপরাধী হইতেছি, বন্ধুর স্তুর চিন্তার মধ্য হইয়া বন্ধুর কাছে অবিশ্বাসী হইতেছি। এ আমার কি অধঃপতন !

বিষ্ণু ছবি বাহির করিয়া বাতির আলোর সামনে ধরিয়া চমকিয়া উঠিল—এ যে ঘূর্থিকার ছবি ! এ ছবি অমৃতবাবু বলিয়াহেন লীলার, আমার মন বলিয়াহে আমার অচেনা হারানো প্রিয়তমার ; কিন্তু আমি যে দেখিতেছি ইহা কাহারো নয়, ইহা ঘূর্থিকার ! এ কি সমস্তা ! এই ত' সেই নাক, সেই মুখ, সেই চিবুক ; গ্রীবাতঙ্গিটি পর্যন্ত ত' অবিকল ! এ ছবি কার ? ঘূর্থিকার ? ঘূর্থিকা তবে কে ? ঘূর্থিকার কণ্ঠস্বরও যেন ক্ষণে ক্ষণে আমাকে আমার সেই অল্প-দেখা হারানো তরুণীর কথাই মনে করাইয়া দিতেছিল। ক্ষণিকের মিলনে সে যখন আমার বুকের মধ্যে বাসা করিত, আমি আমার শাল দিয়া তাহাকে জড়াইয়া ধরিতাম, তখন ত' অমুভব করিতাম তাহার দেহখানি ঘূর্থিকার মতনই তরুণ ও কোমল, ঝজু ও দীর্ঘ। ঘূর্থিকাও ত' আজ কতবার ঘন-ঘন চুরি করিয়া আমাকে দিকে চকিত করুণ দৃষ্টিপাত করিয়াছে ! তবে সে কি আমাকে চিনিয়াছে ? তবে কি ঘূর্থিকাই সেই আমার সকল-জীবন-ব্যৰ্থকরা সকল-প্রাণ-ধন্ত্ব-করা হারানো রস্ত ! অসম্ভব—আমি মৃত্যু, উত্তিতে হস্ত রস্তত প্রম করিতেছি। ফণীর মতন আভিজ্ঞাত্য-গবিন্ত স্তু-চরিত্রে সন্দিহান থুঁথুঁতে লোক একটা অজ্ঞান অচেনা ভিখারিণী মেয়েকে বিবাহ করিয়াছে, এও কি কখনো সম্ভব !

বিষ্ণু জীবন-মরণের আগ্রহ দিয়া ছবিখানি দেখিতে লাগিল —একবার মনে হয় সেই এই, আবার দ্বিতীয়ে ! তাহার নিজের উপর রাগ হইতে লাগিল, নিজের নিস্তেজ শুন্তির উপর সে ধিক্কার

যমুনা-পুলিনের ভিধারিণী

দিল ; মনে করিল, হয়ত এই ছবির সামান্য আদল হইতে কল্পনায় সে নিজের মনে যে ছবি গড়িয়া তুলিয়াছে তাহা ক্রমশ এই ছবির সঙ্গে একাকার হইয়া উঠিয়াছে, এবং এখন আবার যুথিকার মধ্যে সেই আদল দেখিয়া তিনিকে এক করিয়া গুণগোল করিতেছে। ছবি খাপে ভরিয়া সে বিছানায় ঝুটাইয়া পড়িল—ঘুমের ঘোরে স্বপ্ন তাহার মনের ছবি ঝুটাইয়া তুলিবে এই ছুরাশায়।

পরদিন প্রভাতে উঠিয়া বিমল যখন কিছুই মীমাংসা করিতে না পারিয়া ফণীকে সমস্ত জিজ্ঞাসা করিবে শ্চির করিয়া বাহিরে আসিল, তখন খানসামার কাছে শুনিল যে, রাজাবাবু ভোরে উঠিয়া মহাল তদারকে বাহির হইয়া গিয়াছেন।

বিমল জিজ্ঞাস করিল—আর তোমাদের রাণীমা ? তিনি উঠেছেন ?

তিনি ঘণ্টাখানেক আগে বাগানে তরকারী-তোলা তদারক করিতে গিয়াছেন।

বৈঠকখানায় অল্পক্ষণ পায়চারি করিতে-করিতে কাল রাতের ভাবনার কথা মনে করিয়া বিমলের হাসি পাইল। রাতের অন্ধকারে যে কল্পকুহক রচিত হয়, তাহা দিনের অলো লাগিলেই মিলাইয়া যায় ; তখন মরীচিকার ভ্রমে দিক্বুল করিয়া পরে লজ্জিত হইতে হয়। মাঝুষ দূর হইতে প্রথম দৃষ্টিতে কত রকম ভুল করিয়া বসে।—আপাত-দৃষ্টিতে ফণীকে মনে হইতে পারে নিষ্ঠুর, কিন্তু তাহার সঙ্গে ঘর করিলেই বুঝা যায়, তাহার রকমটা একটু খাপছাড়া ও কর্কশ হইলেও বাস্তবিক সে লোক খারাপ নহে—একটু খেয়ালি একটু গেঁ থরিয়া চলে ; কিন্তু অসহ বলা চলে না। সুতরাং যুথিকার দৃষ্টিতে বা মুখের ভাবে যে ছঃখ-ছায়ার আভাস সে দেখিয়াছে মনে

করিতেছিল তাহা কলনা ছাড়া আর কিছু নয় ; তাহার নব্রতাকে ব্যথিতের অবসাদ বলিয়া ভুল হইয়া থাকিবে। সর্দি হইয়া নাক-চোখ মুছিতে দেখিয়া এ যেন কান্না বলিয়া মনে করা ! বিমল এমনি করিয়া আপনার মনের সন্দেহটাকে বিজ্ঞপ্তের ফুঁয়ে ফুঁকিয়া দিবার জন্য নানাবিধ উন্ট উপমায় আপনার মনের ভাবটাকে হাস্তাস্পদ করিয়া তুলিতে লাগিল। বেড়াইতে বেড়াইতে একটি টেবিল-আয়নার উপর একখানা বই-এর দিকে নজর পড়িল ; অনুমনক্ষত্বাবে বইখানি তুলিয়া মলাট উল্টাইতেই চোখে পড়িল তাহার উপর মেয়েলি হাতে লেখা আছে—“যুথিকা বঙ্গীকে সাদুর উপহার।”

বঙ্গী ! বিমলের মনে চমক লাগিল—অমৃতবাবু বলিয়াছিলেন তাহার ভালবাসার লীলাকে হরণ করিয়াছিল—ললিত বঙ্গী ! যদি যুথিকা সেই লীলার কণ্ঠা হয় ! তাই কি মায়ের ছবির সঙ্গে মেয়ের আদলের অমন মিল ! যদি তাই হয়. তবে অমৃতবাবু কত খুশী হইবেন ! বিমল এত সহজে তাহার হারানো নিধির সঙ্কান পাইল কি ? বিমল তাড়াতাড়ি বইখানি রাখিয়া দিল, কাহার পায়ের শব্দ শোনা যাইতেছে। যুথিকা একটি অপূর্ব মাধুর্যের হিল্লোলের মতো আসিয়া ঘরে প্রবেশ করিল। সন্ধ্যার বাতির আলোতে দেখার চেয়ে প্রভাতের আলোতে তাহাকে সুন্দর দেখাইতেছিল। প্রাতঃস্নানে সিঙ্গ কেশরাশি আপনার প্রাচুর্যে কোমলতায় যুথিকার কমনীয় দেহলতার উপর ঝাপিয়া পড়িয়াছে ; খোলা হাওয়ায় বেড়াইয়া আসাতে সত্ত্বাতার মুখখানি উজ্জ্বল আরক্ষ হইয়া উঠিয়াছে ; অতিথিকে সেই মুখের হাসি দিয়া সন্তানণ করিয়া অকুষ্ঠিতা তরুণী যখন বিমলের সম্মুখে আসিয়া দাঢ়াইল, বিমলের কেন কেবলি মনে হইতে লাগিল সে হাসি বড় বিষণ্ণ, অক্ষিপল্লব তাহার অঙ্গতে যেন

বিমল-পুলিনের ভিধারিণী

তখনো ভিজা ! বিমল আপনার কল্পনা-প্রবণ মনকে শত ধিকার দিস,
তবু তাহার ধারণার বদল হইতে চাহিল না ।

ঘুমের ঘোরে ভোরের বেলা দূরের বাঁশীতে ভৈরবী আলাপ
যেমন লাগে, তেমনি মিঠা মিহি সুরে ঘৃথিকা অতিথিকে আহ্বান
করিল—আপনি জল খাবেন আসুন । উনি ভোরে মহাল তদারকে
বেরিয়ে গেছেন, ফিরতে বেলা হবে ; আমাকে বলে গেছেন অতিথির
সেবা করতে !

বিমল এই অপরিচিত সুন্দরীর কাছে একাকী থাকিতে কৃষ্টিত
হইয়া জিজ্ঞাসা করিল—ফণীর আজ না গেলে কি চলতো না ?

—না । উনি কাজের লোক, সব কাজ নিজের চোখে দেখে না
করালে মনঃপূত হয় না, রোজই ঠাকে কোথাও না কোথাও যেতে
হয় । দিনের বেলা মহালেই খাওয়া-দাওয়া করেন, কোনো দিন বা
সন্ধ্যাকালে বাড়ী ফেরেন, কোনো দিন বা তাও ফেরেন না ।

বিমল ব্যথিত হইয়া বলিয়া ফেলিল—আহা ! একলাটি তবে ত'
আপনার বড় কষ্ট হয় !

ঘৃথিকা আয়নার টেবিলের উপর ঝুঁকিয়া এটা-ওটা গুছাইয়া
রাখিতে রাখিতে কম্পিত মৃচ্ছরে বলিল—একলা ? না একলার সাথী
হাজার দিনের অতীত স্মৃতি ! আর এত বড় জমিদারের ঘরণীর
কাজেরই কি কমি আছে ? একলা হবার জো নেই,—রাণীর কথনও
মুখ ভার করতে নেই !

বিমল দেখিল আয়নার ছায়াতে ঘৃথিকার অধর শুরিত
হইতেছে । “একলা হবার জো নেই—রাণীর কথনে মুখ ভার
করতে নেই !”—আহা ! একি দাঙ্গ বিলাপ-বাণী তোমার মুখে,
হে সুন্দরী ! যে অতীত হাজার দিনের মোহন স্মৃতি তোমার ভিড়

করিয়া জমে, তাহাদিগকে তোমার হৃদয়ই দূরে রাখিতে চায়, না তোমার নির্দিয় স্বামী তাহাদের কাছে তোমার হৃদয়কেই ভিড়িবার অবসর দেয় না ?—কিসে তোমার এমন ছঃখ ? তোমার কষ্টের স্বর যে তোমার মুখের হাসিকে মিথ্যাবাদী করিতেছে !

বিমল নিজের মনের ভাবনা ও যুথিকার কথা অন্তদিকে ফিরাইয়া দিবার জন্য বলিল—গৃহই ত' গৃহলক্ষ্মীর ক্ষেত্র—আবহমান কাল তাঁরা অনুঃপুরে একলা থেকেই এসেছেন।

যুথিকা ফিরিয়া দাঢ়াইয়া বিমলের মুখের উপর অকুণ্ঠিত তীক্ষ্ণ দৃষ্টিতে চাহিয়া বলিল—এমন কথা আপনার মতন শিক্ষিত লোকের কাছে শুনব আশা করিনি। মেঘেরা যে অবরোধে রূপ্ত্ব থাকে সেটা কি স্বেচ্ছাস্মুখে ? কে তাদের বন্ধ রাখে ?

বিমল লজ্জিত হাস্তে বলিল—পুরুষেরা নিজেদের লজ্জা বাঁচাবার জন্যে অশিক্ষিত, অজ্ঞান, কথা-বল্তে-অক্ষম গৃহিণীদের গৃহে বন্ধ রাখতে বাধ্য হয়, নইলে তাঁরা খেলো হয়ে যায় যে !

যুথিকা তাচ্ছিল্যের হাসিতে ধারালো কথায় শান দিয়া বলিল—পুরুষেরা নিজের অপরাধের জন্যে অপরকে এমনি করেও দোষী করতে পারে !

তাহার এই তাচ্ছিল্যের ও বিজ্ঞপের ভাবে তাহাকে এমন সুন্দর দেখাইল ! আবেগে তাহার গালে গোলাপ ফুটিল, চোখে বিহ্যৎ ঝলিল, হাসিতে জ্যোৎস্না ঝরিল ! তাহার মুখে এমন একটি তীক্ষ্ণ বুদ্ধির দীপ্তি উজ্জ্বল হইয়া উঠিল যে বিমুক্ত বিমল ভাবিতে লাগিল—যুথিকার দেহ, না মন,—কোন্টা বেশী সুন্দর !

হঠাৎ জ্যোৎস্না-রাতে মেঘ হওয়ার মতন একটি মলিন বিষণ্ণতা যুথিকার প্রফুল্লতার উপর ছড়াইয়া পড়িল। বিমল অপ্রস্তুত হইয়া

বমুলা-পুলিনের ভিধারিণী

গেল। যুথিকা অশ্রীয় প্রসঙ্গ অন্তদিকে ফিরাইয়া দিবার জন্ম
বলিল—ওর কাছে আপনার কথা আমি অনেকবার শুনেছি।
আপনাকে ভারি দেখতে ইচ্ছা হ'ত। আপনি ত' আমাদের দেখতে
আসেন নি।

বিমল বলিল—আমি জ্ঞানতাম না ফণী বিয়ে করেছে। মাত্র
কাল সন্ধ্যাবেলা এখানে এসে টের পেলাম। আপনার পিতৃপদবী
ছিল বস্ত্রী ?

যুথিকা হাসিয়া বলিল—হ্যা, সেই অধ্যাত পদবী ত্যাগ ক'রে
এখন নাগিনী হয়েছি !

—হ্যা, সোনাতলার নাগ-বংশ প্রসিদ্ধ বটে, কিন্তু শ্রীপুরের
বস্ত্রী-বংশও অধ্যাত নয়।

যুথিকার মুখ লাল হইয়া উঠিল। বলিল—হ্যা, মায়ের কাছে
শুনেছি বটে, শ্রীপুরের বস্ত্রী-বংশ বনেদি জমিদার।

—আপনার বাবার নাম ত' ললিত বস্ত্রী ? তিনি ত' শ্রীপুরের
বড় শরিক !

যুথিকা আশ্চর্য হইয়া বিমলের দিকে চাহিল, তারপর কৃষ্ণিত
মৃদু স্বরে বলিল—আমি কখনো বাবাকে দেখিনি, মায়ের মুখে
শুনেছিলাম।

আপনার মায়ের নাম ছিল লীলা, তাঁর বাপের বাড়ী ছিল
পশ্চিমে ?

যুথিকার মুখ একেবারে পাঞ্চাশ হইয়া গেল, সে থর্থুর্থু করিয়া
কাপিতে লাগিল। বলিয়া উঠিল—আপনি যে আমাদের সব পরিচয়
জানেন দেখছি ! মা বল্তেন বটে, তাঁরা পশ্চিমের বাসিন্দা ছিলেন।

—মা বল্তেন ? তিনি কি তবে মারা গেছেন ?

—হঁ, আজ তিনি বৎসর।

বিমল মিনতি করিয়া বলিল—মাপ করবেন, আমি আর একটা প্রশ্ন করব।... বিমল কেমন করিয়া প্রশ্নটা করিবে এই ভাবিয়া ইতস্তত করিতে করিতে বলিয়া ফেলিল—আপনার বাবা আপনার মায়ের সঙ্গে বেশ ভালো ব্যবহার করেন নি ?

যুথিকা অত্যন্ত আশ্চর্য হইয়া বলিয়া উঠিল—আপনি কি আমার বাবাকে কি মাকে চিনতেন নাকি ?

বিমল বুকের ভিতর হইতে লীলার ছবিখানি বাহির করিয়া যুথিকার সামনে পাতিয়া ধরিয়া বলিল—এই ইনি আপনার মা ?

যুথিকা মোহগ্রন্থের মতন অবাক হইয়া বিমলের দিকে চাহিয়া থর্থর করিয়া কাঁপিতে লাগিল।

বিমল তখন বলিতে লাগিল—আপনি আশ্চর্য হচ্ছেন, আশ্চর্য হবারই কথা। ঘটনাটা আগাগোড়াই আশ্চর্য ! আমি আপনার বাবা বা মায়ের সঙ্গে বা তাঁদের বংশের সঙ্গেও পরিচিত নই। আমি আমার একটি নিরুদ্দেশ বন্ধুকে দেশে দেশে খুঁজে খুঁজে বেড়াছিলাম ; পথে ট্রেনে এক বুড়ো ভদ্রলোকের সঙ্গে হঠাতে পরিচয় হয়ে গেল। তিনি আপনার মায়ের আঢ়ীয়। তিনিও আপনার মায়েরই খোঁজে বেরিয়েছিলেন।

বিমল অতি সম্পর্কে যুথিকার মনে একটুও আঘাত না লাগে এমন সাবধানে বাঁচাইয়া ভাষা যথাসন্তুষ্ট প্রচলন ও কোমল করিয়া অমৃতবাবুর সহিত লীলার প্রণয় হইতে ললিতের সঙ্গে লীলার পলায়ন এবং অবশেষে ললিতের লীলাকে পরিত্যাগ করা পর্যন্ত সমস্ত কাহিনী ধীরে ধীরে যুথিকাকে শুনাইল। তারপর বলিল—আহা, অমৃতবাবু আপনার খবর পেলে কত খুশীই হবেন !

ষষ্ঠুনা-পুলিলের ডিখারিনী

যুথিকার চোখ দিয়া বড় বড় কোটায় জল ঝরিয়া পড়িতেছিল।

বিমল বিব্রত হইয়া বলিয়া উঠিল—ওকি ! আপনাকে শেষে আমি কাঁদালাম ? আমাকে মাপ করবেন, আমি মন্দ ভেবে কিছু বলিনি।

যুথিকা অঙ্গ মুছিবার চেষ্টা করিতে করিতে ত্রুণন-কম্পিত কর্ণে বলিল—না, না, আপনি কোনো অন্তায় করেন নি।

বিমল ক্ষুঙ্কচিত্তে ঘরের এদিক-ওদিক পায়চারি করিতে লাগিল। যুথিকা চোখ মুছিয়া বলিতে লাগিল—এ জগতে আমার আপনার বলতে কেউ নেই মনে করতাম।

যুথিকা কেউ কথাটির উপর জোর দিয়া বলিয়া আবার কাঁদিয়া ফেলিল। তখনি আবার আপনাকে সম্মত করিয়া বলিতে লাগিল—আমি পিতার পরিত্যক্ত মায়ের একমাত্র সন্তান ; মা স্বামীর অবহেলার অপমানে মর্মাহত হয়ে অজ্ঞাতবাসে ছিলেন—কখনো কোনো আভীয়ের মুখ আমি জন্মে দেখিনি। তিনিই আমার পিতা মাতা বন্ধু শিক্ষক সবই ছিলেন ; আমি লেখাপড়া কাজকর্ম শিল্পকলা যা একটু শিখতে পেরেছি, কেবল তাঁরই একার যত্নে—মা আমার এমনি গুণবত্তী ছিলেন ! আমি বড় হয়ে উঠলে যখন জ্ঞান হ'ল, তখন দেখলাম যে মা আমার কী সয়েছেন—তাঁর শরীর মন একেবারে ভেঙে গেছে। তাঁর ইতিহাস তিনি ইচ্ছে ক'রে যতটুকু আমায় বলেছিলেন, তার বেশী আমি জিজ্ঞাসা করিনি, জানিও নি। তাই তিনি যখন স্বর্গে গেলেন আমি সংসারে একেবারে তখন একলা, কাউকে চিনতাম না যে তার কাছে গিয়ে বল্ব—ওগো আমার মা নেই, তুমই আমার মা বাবা ভাই বোন !

যুথিকা চেয়ারে বসিয়া টেবিলের উপর মাথা রাখিয়া আঁচলে মুখ চাকিয়া ফুলিয়া ফুলিয়া কাঁদিতে লাগিল।

বিমল বলিল—আর আপনি নির্বাঙ্কব নন। স্নেহপ্রাণ অমৃতবাবু আপনাকে পিতার অধিক যত্ন করবেন। তার মতন আঞ্চীয় পেয়ে ফণীও খুব খুশী হবে।

যুথিকা অঙ্গপ্রাবিত মুখ তুলিয়া বুক-ভাঙ্ডা নিরাশার স্বরে বলিয়া উঠিল—উনি ? উনি খুশী হবেন ?—যুথিকা আঁচলে মুখ ঢাকিয়া উচ্ছসিত হইয়া কাদিতে লাগিল।

বিমল অবাক হইয়া ভাবিতে লাগিল, অমৃতবাবুর শ্বায় অমায়িক ও ধনী আঞ্চীয় লাভ করিয়া ফণী খুশী না হইবে কেন ? অমৃতবাবু বিবাহ করেন নাই ; তাহার অতুল সম্পত্তি ত' যুথিকাই পাইবে।

যুথিকা ব্যাকুল হইয়া বলিতে লাগিল—আপনি আপনার বন্ধুকে কিছু চেনেন না। অসাধারণ কিছু ঘটা, বা তিনি নিজের মনে যা এঁচে বসে আছেন তার উল্টো কিছু ঘটা উনি মোটেই বরদাস্ত করতে পারেন না। যুথিকা স্বামীর প্রতি কিছুমাত্র দ্বিরাগ প্রকাশ না করিয়া কোম্বল স্বরে সহজভাবেই বলিতে লাগিল—আমি নির্বাঙ্কব গরিবের মেয়ে বলেই উনি আমায় বিয়ে করেছিলেন ; একজন অঙ্গাতকুলশীল অনাথ মেয়েকে তিনি যে গ্রহণ করেছেন এ তার বিশেষ উদারতা আর দয়া বলেই আমি চিরকাল মান্ব। উনি ত' আমাকে প্রতিদিনই স্মরণ করিয়ে ছান—আমি ছোটলোকের মেয়ে, তার হাতে পড়ে রাণী হয়েছি। তিনি অমুক রাজাৰ মেয়ে কি অমুক রাজাৰ বোনকে ত' বিয়ে করতে পারতেন ! করেননি, সে ত' আমারই সৌভাগ্য !

যুথিকার অঙ্গধারা খরস্ত্রোত্তে বহিতে লাগিল।

বিমলের মন সেই করুণ বর্ষার বিষণ্ণতায় ছাইয়া গেল। বিমল ভাবিতে লাগিল—হায় হায় ! আমি সাক্ষনা খুঁজিতে এ কোন্-

বনু-পুলিনের ভিধারিণী

বিবাদ-পূরীতে আসিয়া পড়িলাম। এ বিবাহ ত' স্বর্থের নয়, দম্পতির মধ্যে ত' প্রণয়ের লেশমাত্র নাই। যুথিকা অনাধি নিরাশ্রয় হইয়া আশ্রয় পাইবে বলিয়া ফণীকে স্বামী বলিয়া স্বীকার করিয়াছে, আর ফণী যুথিকাকে বিবাহ করিয়াছে।—যুথিকা সুন্দরী, শিঙ্গিতা, বয়সে ডাগর আর গৃহস্থালী তদারকে ঘোগ্য বলিয়া ! কি ছুর্ভাগ্য যুথিকার ! বর্বরটা স্ত্রীর বংশমর্যাদার অভাব তুলিয়া খেঁটা ছায়, আর সে যে বিবাহ করিয়া তাহাকে কতখানি অনুগ্রহ করিয়াছে তাহাও জানাইতে লজ্জা বোধ করে না ! বিমলের মন বন্ধুর প্রতি বিরক্তিতে ও তাহার সুন্দরী তৃঃখিনী স্ত্রীর প্রতি মমতা ও শ্রদ্ধায় ভরিয়া উঠিল। বিমল খুব ঘনিষ্ঠতা দেখাইয়া যুথিকাকে সাস্তনা দিয়া বলিল—এসব কথা তবে আপনার আর আমার মনের মধ্যেই গোপন থাক ; ফণী এর এক বর্ণও শুনতে পাবে না ।

যুথিকা মুখ তুলিয়া বিমলের মুখের দিকে সোজা তাকাইল। বিশ্ফারিত উজ্জ্বল চক্ষু হইতে অঙ্গধারা শুক হইয়া গেল, তাহার সুন্দর মুখে একটা আস্তদমনের কঠোর ভাব ফুটিয়া উঠিল। যুথিকা হঠাৎ চেয়ার টেলিয়া টেবিলের সামনে উঠিয়া দাঢ়াইল—সে কৌ দৃশ্য ভঙ্গি, যেন তাহার দীর্ঘ ঝজু দেহখানি আরো ঝজু, আরো দীর্ঘ হইয়া উঠিল ! যুথিকা বিস্তি বিমলকে বলিল—দেখুন বিমলবাবু, আপনি যা বলেন তাই আপনার মনের ইচ্ছে,—এ বিশ্বাস করতে আমার প্রয়ত্নি হচ্ছে না ! আপনি কি ভেবেছেন যে সোনাতলার রাজাৰ রাণী আপনার কাছে কোন কথা শুনে, তা স্বামীৰ কাছে থেকে গোপন ক'রে রাখ'বে ?

যুথিকা গর্বভরে আপনার চারিদিকে তাচ্ছিল্য ছড়াইয়া আর কোনদিকে দৃক্পাত না করিয়া ঘর হইতে বাহির হইয়া চলিয়া

গেল। বিমল বুঝিতে পারিতেছিল না যে সে এমন কি বলিয়াছে যাহার জন্য যুথিকার এত রাগ হইতে পারে! তথাপি সে ক্ষমা চাহিবে মনে করিয়াছিল, কিন্তু বিশ্বিত ও অপ্রস্তুত বিমল ভৎসনার প্রথম ধাক্কা সাম্লাইয়া চেয়ার ছাড়িয়া উঠিবার আগেই যুথিকা একবারে অদৃশ্য হইয়া গিয়াছে।

বিমল বিরক্ত হইয়া জলখাবারের কথা তুলিয়া বাগানে বাহির হইয়া পড়িল। সে নিজের অসাবধানতা, না যুথিকার ফুলের ঘায়ে মূর্ছা যাওয়ার উপর বেশী রাগ করিবে, ঠিক করিতে পারিতেছিল না। খানিকক্ষণ বেড়াইতে বেড়াইতে রক্ত একটু ঠাণ্ডা হইলে বিমল দেখিল যুথিকার একটুও দোষ নাই। বিমল তাহাকে তাহার জন্ম-কাহিনী শুনাইয়া উভেজিত করিয়া তুলিয়াছিল, তাহার ফলে সে নিজের মন যতটুকু বিমলের কাছে খুলিয়া ফেলিয়াছিল তাহার জন্মই সে লজ্জিত ও প্রতুধর্মী স্বামীর ভয়ে ভীত হইয়া উঠিয়াছিল। ইহার উপর বিমলের কথা গোপন রাখার প্রস্তাবে সম্মত হইলে যুথিকাকে একবারে বিমলের মুঠির মধ্যে গিয়া পড়িতে হইত। এই প্রস্তাবে অমন দৃপ্তভাবে তৎক্ষণাত্মে প্রত্যাখ্যান করিয়া চলিয়া যাওয়াতে বিমলের মন যুথিকার প্রতি শ্রদ্ধায় সম্মে ভরিয়া উঠিল— এই উনিশ বৎসরের তরুণীর মনের এতখানি শক্তি, এমন বিবেচনা, এমন উচিত-অনুচিতের সূক্ষ্ম অনুভূতি, এমন বিশুদ্ধ শুচিতা বিমলকে মুগ্ধ করিয়া ফেলিল। সে জীবনে এই প্রথম অনুভব করিল শিক্ষিত ভব্য মহিলার মনে এমন একটি প্রকৃতিগত সূক্ষ্ম শুচিতা ও আত্মজয়ের শক্তি জমে যে, তাহা আশ্চর্য রকমের অবোধ্য, তাহা অতিবড় আত্মস্তরী পুরুষেরও অসাধ্য ও অনায়াস।

সমস্ত দিন বিমল যুথিকার দেখা পাইল না ; থানসামাদের হামেহাল যন্মে তাহার আতিথ্যেরও কোনো ক্রটি হইল না ।

সন্ধ্যার সময় ফণী বাড়ীতে ফিরিল । যুথিকা স্বামীর সাড়া পাইয়া তাহার স্বাভাবিক মাধুর্যে আজ অধিক আগ্রহ ও মমতা মিশাইয়া তাহাকে অভ্যর্থনা করিতে গেল ।

ফণী স্ত্রীকে সরাইয়া দিয়া বিরক্তি-কর্কশ স্বরে বলিয়া উঠিল—আঃ সরো ! সমস্ত দিন হটৱানি আৱ হয়বানিৰ পৱ শ্বাকামি ভালো লাগে না.....জ্বালাতন ! খাবাৰ হয়েছে ? খাবাৰ দাওগে বাণ...

ফণী মুখ ভাৱ কৰিয়া থাইতে বসিল । বিমলেৰ কোন কথা বলিবাৰ প্ৰয়োগ ছিল না । যুথিকা ম্লান বিবৰ্ণ মুখে কলেৱ পুতুলেৱ মতন তাহাদিগকে নীৱেৰে পৱিষ্ঠেশন কৰিতেছিল । হঠাৎ ফণী স্ত্রীৰ সামনেই অশ্লীল গালাগালি দিয়া বলিয়া উঠিল—বুঝেছ বিমল, পাগলাচৰেৱ সমস্ত প্ৰজা একজোট হয়ে চীলহাটিৰ মজুমদাৰদেৱ খাজনা দিতে শুৱ কৰেছে—মজুমদাৱেৱা বিনা খাজনায় ওদেৱ দাখিলা কেটে দিচ্ছে, ইচ্ছেটা যে শেষে প্ৰমাণ কৰবে পাগলাচৰ মৌজাটা ওদেৱই জমিদাৱীৰ সামান্যভূক্ত ! দেখেছ শালাদেৱ কি রকম পেজোমি !

তাহার পৱ ফণী তাহার প্ৰজা ও প্ৰতিষ্ঠানী জমিদাৱদেৱ যে সব বাক্যে অভিহিত কৰিতে লাগিল তাহা ভদ্ৰসমাজে বলিবাৰ নয় । যুথিকার যেন দম ঘন্ষ হইবাৰ উপক্ৰম হইতেছিল ; বিমলেৰ গলা

দিয়া খাবার নামিতে চাহিতেছিল না, সে কাহারও দিকে চাহিতে পারিতেছিল না ।

হঠাৎ যুথিকা আপনাকে সোজা করিয়া তুলিয়া ধানসামাদের সেখান হইতে চলিয়া যাইতে ইসারা করিল এবং আপনাকে প্রফুল্ল করিয়া তুলিয়া বলিয়া উঠিল—দেখ, আজ সকাল বেলা বিমলবাবু একটা মজাৰ খবৰ শুনিয়েছেন । আমাৰ মামাৰ বাড়ীৰ কি বাপেৰ বাড়ীৰ সম্পর্কে কেউ কোথাও নেই বলে আমৱা প্ৰায়ই দৃঢ় কৰতাম । বিমলবাবু আমাৰ মামাৰ বাড়ীৰ সম্পর্কেৰ এক আড়ীয়েৰ অস্তিত্ব আবিষ্কাৰ কৰেছেন !

ফণী বন্ধুৰ দিকে জিজ্ঞাসু দৃষ্টিতে চাহিল । বিমল থতমত খাইয়া গেল । কাৰণ এই বিষয়টি খুব ঘুৱাইয়া যুথিকাৰ মান ও মন বাঁচাইয়া ফণীৰ কাছে বলিতে হইবে । বিমল অমৃতবাবুৰ সঙ্গে তাহাৰ পৱিচয়েৰ গল্প ও তাহাৰ সহিত যুথিকাৰ মায়েৰ সম্পর্ক এবং তাহাৰ পতিকুলেৰ পৱিচয় মাত্ৰ ফণীকে শুনাইল—অমৃতবাবুৰ সহিত লীলাৰ প্ৰণয় বা ললিতেৰ সহিত লীলাৰ পলায়ন-ব্যাপারেৰ উল্লেখ কৱিল না ।

যুথিকা ও বিমলেৰ আন্দাজ ও আশঙ্কা ভুল প্ৰমাণ কৱিয়া দিয়া ফণী খুব খুশী হইয়া বলিয়া উঠিল—বা রে মজা ! মাইরি যুথি, তুমি বুড়ো অমৃতবাবুৰ অনেক টাকা মাৰ্বে দেখছি !

যুথিকা স্বামীৰ এই চাষাড়ে মোটা রসিকতায় অতিথিৰ সামনে কুষ্টিত হইয়া পড়িল ; তথাপি তাহাৰ বুক হইতে একটা ভাৱী বোৰা নামিয়া গেল । ফণী উৎসাহিত হইয়া যুথিকাৰ দিকে লক্ষ্য না কৱিয়াই বলিতে লাগিল—দেখ বিমল, তুমি আজই সেই বুড়োটাকে একটা টেলিগ্রাম ক'ৱে দাও যে তাৰ হাৱানিধি পাওয়া গেছে—তাৰ

যমুনা-পুলিনের তিথারিণী

টাকাগুলো চট্টপট্ট দেবার ব্যবস্থা করুক ।...আচ্ছা বিমল, বুড়োটার কত টাকা আছে কিছু আন্দাজ করতে পেরেছিলে ? লিখে দিয়ো, বুড়োটা যেন কোম্পানির কাগজ ক'রে টাকাগুলো শীগ্‌গির পাঠিয়ে দেয়, কিন্তু নিজে যেন জালাতে না আসে। আচ্ছা, খুড়ীর ভাইবির ওপর তার এত দরদ কেন, বল দেখি ? তেতরে কিছু ছিল-ঢিল না কি ?

যুথিকা পরিবেশনের থালা মাটিতে ফেলিয়া ঘর হইতে বাতির হইয়া চলিয়া গেল। বিমলও অত্যন্ত অস্বস্তি বোধ করিতে লাগিল ; সে বুঝিতে পারিতেছিল না যে ফণী কেমন করিয়া তাহার ঐ নম্র ভবা সুশিক্ষিতা স্ত্রীর কাছে এমন অভিয বর্বরতা প্রকাশ করিতে পারে ! একজন অল্পপরিচিত অতিথির সামনে তাহার মাকে লক্ষ্য করিয়া বর্বর রকমের ভৌতা রসিকতাটা যে যুথিকার প্রাণে কতখানি ক্লাচ্চাবে গিয়া বাজিয়াছে তাহা অনুভব করিয়া ব্যথিত বিরক্ত হইয়া বিমল বলিল—দেখ ফণী, তুমি এই পাড়াগাঁয়ে থেকে থেকে একবারে চাষাড়ে অসভ্য হয়ে গেছ ? তুমি কি মনে কর যে আমি একজন ভজলোকের সঙ্গে আলাপ হতেই তোমাদের পাড়াগাঁয়েদের মতন অভজ্জ প্রশ্ন ক'রে জিজ্ঞাসা করেছি—মশায়ের ব্যাতন ?

ফণী হো হো করিয়া হাসিয়া উঠিয়া বলিল—তুমি এতদিনেও একটুও বদলাওনি ! আরে কার কত টাকা আছে না জানলে তার কদর কতখানি জানব কি করে ? তোমাদের মত হচ্ছে লোকটা যদি কথাবার্তায় সাম্লে-সুম্লে চলে ত' সে গরীব হলেও ভজলোক। আরে ! টাকা নেই বলেই ত' সে অমন মিন্মিন্ক করছে ; আশুক তার হাতে টাকা, তখন দেখবে তার বুকে ছব হয়েছে, মুখে কথাও

ফুটেছে, মন যা চায় তাই করবার সাহসও হয়েছে। টাকাই সব হে !
আমার পিসতুত ভাই যে অমর, তাদের বাড়ীতে যখন প্রথম আমি
যুথিকাকে দেখি, তখনই ঐ কুড়ুনি ছুঁড়ির তেজ দেখে আমি
ঠাউরেছিলাম ও লক্ষ্মীর বরপাত্র না হয়ে যায় না ; যার অত
তেজ তার কেউ না কেউ টাকাওয়ালা আপনার লোক আছে,
একদিন না একদিন ও টাকার মুখ দেখেছে, আবার দেখবে ! তবে
না আমি ওকে বিয়ে করেছিলুম, নইলে পথের একটা কুড়ুনি
ছুঁড়িকে কি আমি বিয়ে করি হে ! দেখেছ হে, শর্মা কি রকম লোক
চেনে !

রঁধুনি আসিয়া পরিবেশন করিতে লাগিল । ফণী চোখ পাকাইয়া
ধমকাইয়া উঠিল—তুমি কি করতে এলে ? তোমাদের রাণী কোথায়
গেলেন ?

রঁধুনি থতমত খাইয়া গেল—আজ্জে...তিনি...ঐ...

বিমল তাড়াতাড়ি বলিল—তিনি এখন ওদিকেই থাকুন ; তোমার
কাছ থেকে তোমাদের বিয়ের গল্লটা শুনে নিই ।

ফণী হো হো করিয়া হাসিয়া উঠিয়া বলিল—সে ভারী মজা হে !
ঐ চীলহাটির মজুমদারেরা এইজন্মেই ত' আমার ওপর এত থাঙ্গা !
তাদের একটা মেয়ে আমায় গছাবে বলে ঝুলোঝুলি, আমি মতও
দিয়েছিলাম । কারণ মজুমদারের এক ছেলে আর এক মেয়ে ;
ছেলেটা যদি চাঁপট টেঁসে যায় তা হ'লে সমস্ত জমিদারীটা মেয়েরই
হবে, সেই এঁচেই আমি মত দিয়েছিলাম । এমন সময় গেলাম
পিসিমাদের নেমন্তন্ত্র করতে যে চীলহাটির মজুমদারের মেয়ের সঙ্গে
আমার বিয়ে । আর প্রজাপতির এমনি মারপঁজাচ, পড়বি ত' পড়
যুথিকার সামনে ! ঝুপ-টুপের তোয়াকা রাখিনে যদিচ, তবু আচমকা

ବୁନ୍ଦା-ପୁଲିମେର ଭିଥାରିଣୀ

ଥମକେ ଗେଲାମ । ଅମରକେ ଜିଜ୍ଞାସା କ'ରେ ଜାନଳାମ, ପିସିମା ତିଥି, କରତେ ଗିଯେ ଓକେ ପଥ ଥେକେ କୁଡ଼ିଯେ ଏନେହେନ । ଭଜଲୋକେର ମେଯେ, ଓର ମା ମରବାର ସମୟ ଓକେ ପିସିମାର ହାତେ ସଂପେ ଦିଯେ ଗେଛେ, ନା ଅମନି ଏକଟା କିଛୁ । ପିସିମାଓ ବଲମେନ ସେ ତିନି ଜିଜ୍ଞାସା କ'ରେ ଜେନେହେନ ଓରା ଭଜ କାର୍ଯ୍ୟ, ଏକକାଳେ ମେଯେର ଏକଜନ ବାପ ଓ ଛିଲ । ଜାନ ତ' ଆମାକେ, ଆମି ଚିରକାଳ କାଜେର ଲୋକ—ଚାରିଦିକ ହିସେବ କ'ରେ ଚଲି, ତୋମାଦେର ପ୍ରେମ-ପ୍ରଣୟ *sentiment emotion* କବିତା କୋନ ବାଲାଇ-ଏର ଧାର ଧାରିନେ । ଆମି ଦେଖିଲାମ ଆମାର ବାଡ଼ୀତେ ଲୋକଜନ ଗିନ୍ଧି-ବାନ୍ଧି କେଉ ନେଇ ! ମଜୁମଦାରଦେର ପ୍ରୟାନପେନେ ଖୁକଟୀ ଏସେ ଆମାଯ ଜାଲିଯେଇ ମାରବେ ! ତାର ଚେଯେ ଏହି ଚଟପଟେ ସକଳ କର୍ମେ ପଟ୍ଟ, ଶୁଙ୍କ, ସବଳ, ପରିଶ୍ରମୀ, ଲେଖାପଡ଼ା-ଜାନା, ଡାଗର ମେଯେଟାକେ ଯଦି ଆମାର ବାଡ଼ୀତେ ନିଯେ ଗିଯେ ରାଖିତେ ପାରି ତା ହଲେ ଓକେ ଦିଯେ ଘୁଁଟେ କୁଡ଼ୋନୋ ଥେକେ କେରାଣୀଗିରି ପର୍ଯ୍ୟନ୍ତ ସରକନ୍ମାର ସବ କାଜଇ ଚଲବେ—ଆର କୋନ କାଜ କରତେ ଓର ଅପମାନ ବୋଧ ହବେ ନା । ଅଧିକଷ୍ଟ ଆମି ଓକେ ପଥେର ଧୂଲୋ ଥେକେ ତୁଲେ ରାଣୀର ସିଂହାସନେ ବସିଯେ ଦିଲେ ଓ ଚିର ଜୀବନ ଆମାର କେନା ଦାସୀ ହେଇ ଥାକବେ, ଆର ଭୟେ ଭୟେ ଥାକବେ ପାହେ ଏକଟୁ କ୍ରଟି ହ'ଲେ ଆମି ଆବାର ଓକେ ରାଣୀର ଆସନ ଥେକେ ନାହିଁଯେ ପଥେ ଦୀଢ଼ କରିଯେ ଦି ! ଶାସନେ ସାମଳେ ନା ରାଖଲେ ମେଯେ ମାନୁଷ ଜାତଟାକେ ତ' ଏକ କଡ଼ାର ବିଶ୍ୱାସ ନେଇ—କିନ୍ତୁ ତୋମରା ଭାବୁକ ମାନୁଷ, ବଲବେ ନାରୀ ହଲେନ ଦେବୀ ପରୀ ଅଞ୍ଚରୀ ଆରୋ କତ କି ! ଯାକ୍ ମେ କଥା । ତାରପର ବଲି ଶୋନ । ଆମି ଓର ସଙ୍ଗେ ଭାବ କରବାର ଚେଷ୍ଟା କରିଲାମ, ଓ ଅମନି ଏକଟୁତେଇ ଫୋସ କ'ରେ ଉଠିତେ ଲାଗଲ । ଓକେ ଆମାର ଦେଶେ ନିଯେ ଏସେ ରାଖିତେ ଚାଇଲାମ, ଓ ଫରକେ ରାଗ କ'ରେ ଚଲେ ଗେଲ । ତଥନ ଅଗତ୍ୟା କି କରି, ବିଯେଇ କରିବ ଠିକ କରିଲାମ ।

আমি পিসিমাকে বল্লাম ওকেই আমি বিয়ে করব। পিসিমা কপালে চোখ তুললেন, অম্রা পিঠে চাপড় মারলে, আর যুথিকা কেঁদে ফেললে। পিসিমা বল্লেন—পাগল ছেলে, এও কি একটা কথা! যুথির বিয়ের সম্বন্ধ পাকা হয়ে গেছে—আমাদের গোমস্তা গুরু-দয়ালের বৌ মারা গেছে, তাকে ধিতু করাও হবে, যুথিরও একটা হিল্লে লাগবে। গুরুদয়াল লোকটা, জানো বিমল, বাহাতুর বছরের বুড়ো! তার সঙ্গে যুথির বিয়ে দেওয়াটা অম্রার চাল, বুঝলে কিনা! গুরুদয়ালকে সামনে শিখগুী খাড়া ক'রে আড়াল থেকে উনিই বাণ মারবেন ঠাউরেছিলেন। অম্রার সব মতলব ঝাঁসিয়ে দিয়ে আমি বল্লাম—তা বেশ হয়েছে, গুরুদয়াল তবে আমার কনে মজুমদারের মেয়েকে বিয়ে করুক, আমি তার কনে যুথিকাকে বিয়ে করি। পিসিমা ভয় দেখালেন, মজুমদারেরা চটে অনিষ্ট করবে; অম্রা ভয় দেখালে, অচেনা-অজানা মেয়েকে বিয়ে করলে, জ্ঞাত-কুটুম্ব কেউ আমার বাড়ী পাত পাড়বে না। আমার রোখ চেপে উঠল; যুথিকার মৌন সম্মতির লক্ষণ জেনে, আমি তাকে নিয়ে একেবারে জেলায় চলে গেলাম আর জ্ঞাত-কুটুম্ব গুরু-পুরোহিতকে কলা দেখিয়ে ম্যাজিস্ট্রেটের কাছে civil marriage আইন অনুসারে রেজেস্টারী ক'রে বিয়ে হয়ে গেল। আমার এই চালের মধ্যে গৃঢ় আর একটু যে জমিদারী বুদ্ধি খেলিয়েছি, তা তোমরা সাধারণ লোকে চট ক'রে বুঝতে পারবে না—রেজেস্টারী ক'রে চুক্তির বিয়ের স্ববিধাটা এই যে, যখন খুশী ওকে ত্যাগ করতে পারব। হিন্দু বিয়েতেও সে স্ববিধা ছিল, কিন্তু তাতে সেই ত্যাগটা একতরফা বলে মনের মধ্যে moral binding-এর একটা খোঁচ চিরজীবন খচ খচ করতে থাকে। এ চুক্তির বিয়ে, কারখত হয়ে গেলে তুমিও খালাস, আমিও খালাস—ব্যস! কেমন,

ফনু-পুশিনের ভিধারিণী

তালো বুদ্ধি খেলিয়েছি কি না !—বলিয়া ফণী গর্বভরে হো হো
করিয়া হাসিয়া উঠিল ।

বিমল ফণীর হৃদয়হীন বর্বরতা দেখিয়া সন্তুষ্ট হইয়া গিয়াছিল ।
সে ব্যথিত হইয়া জিজ্ঞাসা করিল—এখন তোমার স্ত্রীর হৃদয়-মনের
পরিচয় পেয়ে নিশ্চয় তুমি খুব সন্তুষ্ট হয়েছ ?

ফণী বলিল—তা এক রূকম । কিন্তু মাঝে মাঝে ওর লেখা-
পড়ার ঝৌকটা বড় জ্বালায়—ঘরকম্বার কাজে গাফিলতি আমি
বরদাস্ত করতে পারিনে ।

—তা ছ-চারটে ঝি-চাকর-রঁধুনি রাখলেই ত' পার ; সব কাজ
ঐ একটা মামুষকে দিয়ে করানো কি ঠিক !

—ঝি-চাকর ! রামঃ ! তোমার কবে সাংসারিক জ্ঞান হবে হে ?
তাড়া করা লোক দিয়ে কখনো কাজ হয় ? তারা চুরি করেই ছদিনে
ফতুর ক'রে ছেড়ে দেবে । কিন্তু যুথিকাকে নিয়ে পারবাৰ জো নেই,
একটা রঁধুনি রেখেছে—বাইরের লোকজন এলে তাকে খেতে দেবাৰ
একজন লোক চাই ব'লে আমি ও বেশী আপত্তি কৰিনি । রঁধুনীৰ
মাইনে আৱ চুরিৰ ক্ষতিটা তোমার অমৃতবাবুৰ কোম্পানিৰ কাগজ-
গুলো সুদসুন্দৰ পুঁষিয়ে দিতে পাৰবৈ বোধ হয়, কি বল হে ? .

বিমলের অস্তর ও ভব্যতা এমন আহত হইয়া উঠিয়াছিল যে সে
আৱ কোনো কথা না বলিয়া উঠিয়া পড়িল এবং তাড়াতাড়ি নিজেৰ
নির্দিষ্ট শুইবাৰ ঘৰে লুকাইয়া হাঁফ ছাড়িয়া বাঁচিল ।

প্রতূরে উঠিয়া ফণী মহাল তদারকে যাইবার উদ্দোগ করিতেছে,
বিমল আসিয়া তাহার সঙ্গী হইতে চাহিল। সে আজ যুথিকার কাছ
হইতে আপনাকে লুকাইয়া রাখিতে চায়।

উভয়ে ঘোড়ায় চড়িয়া রওনা হইল। বিমল একবার পিছন
ফিরিয়া বাড়ীর দিকে তাকাইতেই দেখিল, যুথিকা উপরের একটা
জান্মায় দাঢ়াইয়া আছে। বিমলের বোধ হইল যেন যুথিকা একবার
চোখ মুছিল। বিমল ফণীকে বলিল—ওহে, তোমার বৌ তোমার
বিরহে কাঁদচে—এ দেখ। আজ আর না হয় নাই গেলে ?

বিমল তাহাকে দেখিতেছে বুঝিয়া যুথিকা জান্মা হইতে সরিয়া
চলিয়া গেল।

ফণী জান্মার দিকে একবার ফিরিয়া না তাকাইয়া মুখে একটা
চুরুট চাপিয়া দেশলাঈ বাহির করিতে করিতে চাপা ঠোঁটে বলিল—
ফোঃ ! তুমি কি মনে কর ভাবুকতা করবার আমার সময় বা শখ
আছে ! আমরা কাজের লোক, কারুর সঙ্গে যদি কিছু সম্পর্ক
থাকে ত' সে কাজের সম্পর্ক ! চোখের জল, নাকের জল, দীর্ঘশ্বাস,
হাত্তাশ আমার স্ত্রীরও আমি বরদান্ত করব তুমি মনে কর ?
পুরুষেরা আস্কারা দিয়েই ত' মেয়েদের মাথা খায় ; আমি সবদা
স্ত্রীকে কড়া শাসনে রাখি। যদি কখনো বিয়ে কর, আমার মতন
রাশ ভারি রেখো, স্বুখে থাকবে। কোথাও যেতে হবে, ঠিক যাবার
সময়টিতে গাড়ীর মাথায় মোটমাটিরি সমস্ত চাপিয়ে তারপর স্ত্রীকে

বনুন্না-পুলিনের ভিধারিণী

বলবে—চলাম। প্রথম প্রথম সে কপালে চোখ তুলবে, কিন্তু শিগ্গির টিট হয়ে যাবে। ফোস-ফোসানি জক্ষেপ কোরো না, দেখবে স্ত্রী কি রকম খাতির ক'রে চলবে—জানো ত' স্ত্রীলোক জুন
বাল টক্ক খুব খর হওয়া ভালোবাসে; স্বামীটি একেবারে পাস্তা
হলে ওরা পেয়ে বসে, তাই স্বামীরও খুব গরম হওয়া চাই !

ফণী এই সতৃপদেশ দিয়া চুরুট ধরাইয়া ঘোড়ার পিঠে ঢাবুক
কষাইল। বিমল অবাক হইয়া ঘোড়ার পিঠে বসিয়াই রহিল। সে
যে গেল না ফণী তাহাতে জক্ষেপও করিল না। ফণী অদৃশ্য হইয়া
গেলে বিমল ঘোড়া হইতে নামিয়া বাড়ীতে ফিরিল। বিমল ভাবিতে
লাগিল—আহা যুথিকা ! সে স্বামীর সকল অসভ্যতা অত্যাচার
অবহেলা কি সহিষ্ণুভাবে সহ করে—মুখে একটি রা নেই। এ কি
স্বামীর প্রতি গভীর ভালোবাসা থেকে ? অমন অঙ্গরার মতন মেয়ে
এমন দৈত্যের মতন স্বামীকে কি ভালোবাসতে পারে ঠিক ? আহা
এই ছুল'ভ রঞ্জ যদি কোন জহুরীর হাতে পড়ত !

বিমল উপরে উঠিয়া বৈঠকখানা ঘরে ঢুকিতেই দেখিল, যুথিকা
কাব্য-গ্রন্থাবলী পড়িতেছে। নিজের প্রিয় কবিয়ে যুথিকারও প্রিয়
ইহা দেখিয়া বিমলের মন আনন্দে পূর্ণ হইয়া উঠিল ;—যুথিকা চিরটা
কাল ছঃখের মধ্যে পালিত হইয়া আসিয়াছে, বিবাহের পর সে
ফণীন্দ্রনাথ নাগের শ্বায় অসাহিত্যিক জমিদারের গৃহিণী হইয়াছে ;
তাহার মধ্যে সে কেমন করিয়া শ্রেষ্ঠ সাহিত্যের রসের আস্থাদ পাইয়া
তাহার অমুরঙ্গ হইয়া উঠিয়াছে, তাহা বিমল বুঝিতে পারিল না।
যুথিকার রসবোধ ও সৎসাহিত্যের প্রতি অমুরাগের মধ্যে বিমল
যুথিকার উচ্চ মনের নৃতন পরিচয় পাইয়া আনন্দিত হইল।

যুথিকা মনে করিয়াছিল বিমল ফণীর সঙ্গে মহালে চলিয়া

গিয়াছে। হঠাৎ বিমলের অপ্রত্যাশিত আগমনে ব্যস্ত হইয়া উঠিয়া দাঢ়াইয়া ঘেন কোনো অপকর্মের মধ্যে ধৰা পড়িয়াছে এমনি কৃষ্টার সহিত বইখানি লুকাইয়া লজ্জিত দৃষ্টিতে বিমলের দিকে চাহিল। বিমল বুঝিল এ বাড়ীতে যুথিকাকে লুকাইয়া লুকাইয়া ছুরি করিয়া সেখাপড়া করিতে হয়। বিমল হাসিয়া বলিল, আপনি যে কবিটির রচনা পড়ছিলেন, তাঁর রচনার অর্থ নেই বলে তাঁর অধ্যাতি আছে; আপনি সেই ছবোধ কবির সমাদর করেন দেখে আমি অবাক হয়ে গেছি।

যুথিকা মৃছ কোমল স্বরে বলিল, এই কবির কাব্য যে ভাবের খনি ! মানুষের সুখ-দুঃখ আশা-আনন্দ প্রণয়-পরিতাপ যত রকমের হতে পারে তা ইনি সব খোলসা ক'রে আমাদের সামনে বিশ্লেষণ ক'রে ধরেছেন ! পাঠকের অন্তরে যখন যে ভাবটি প্রবল থাকে, ঠিক সেই ভাবটির মূর্তিমান প্রকাশ যে এই কাব্যগ্রন্থের পত্রে-পত্রে ছত্রে-ছত্রে পেয়ে তাঁর মন আপনাকেই প্রকাশ ক'রে বাঁচে। ইনি যেন অপটু বোবা পাঠকদের উকিল—তাদের জবানী তাদের মনের কথা টেনে বার ক'রে লিখে গেছেন ! ফুলের সুগন্ধ আমরা উপভোগ করি, ইনি সেইসঙ্গে তাঁর অন্তরের বাহিরের গোপন রূপও প্রকাশ ক'রে আমাদের সামনে ধরতে পারেন। এইখানেই এই মহাকবির কৃতিত্ব—ইনি শুধু ভাবের চিত্রকর নন, ইনি ভাবের বিশ্লেষণে সিদ্ধহস্ত ! ভাষার তীক্ষ্ণ ছুরিতে প্রত্যেক তস্ত চিরে চিরে উপমা-রূপকের অণুবীক্ষণে চোখের সামনে তাদের বড় ক'রে ধরে দিয়ে ইনি মানবের অন্তরের ব্যবচ্ছেদ করেন, তাতে মানবাঞ্চার যে-গোপনপুরে ভাবের পরে ভাবের চেউ দোল থায়, যেখানে শতেক ভাবের ফুল কোটে, যেখানে হাঙ্গার ভাবের নক্ষত্র জলে, সেই অপূর্ব কল্পলোকের স্বপ্ন-কুহরে পাঠকের

বয়না-পুলিনের ভিধারিণী

দৃষ্টি পৌছাই ; সে অবাক আনন্দে স্মৃতি হয়ে চেয়ে থাকে, এই অনুপম সৃষ্টিবৈচিত্রে সে অস্পন্দন বিশ্বায়ে দৃষ্টি হতে প্রশংসা বর্ষণ করে। এর মধ্যে শুধু রচনার কৌশল নয়, সৃষ্টির আনন্দও পুঁজিত হয়ে আছে—তাই এই কবির কাব্য কখনো পুরানো হয় না।

যুথিকার বোধশক্তি, বলিবার বচনবিশ্বাস ও হৃদয়ের ভাবপ্রাচুর্য দেখিয়া বিমল আশৰ্থ ও আনন্দিত হইল। বিমল বলিল—ঠিক বলেছেন আপনি, আমাদের কবি যে গানের কবি ! আমরা তাঁর স্বরের মোহে এমন তন্ময় হয়ে যাই যে কথার দিকে আর খেয়াল থাকে না ; তিনি স্বপ্নের জাল বুনে তার ফাঁকে ফাঁকে আমাদের চোখে আনন্দের স্বর্গপুরের আভাস দিয়ে যান ; তাই আমরা ঠিক ক'রে তাঁর সব কথার মানের খুঁটিনাটি ধরতে না পেরে তাঁর অতি-গ্রিশ্যের জন্যে তাঁকে গালি দিই—তোমার কবিতা হেঁয়ালি, কিছু বোঝা যায় না ! আমার বয়ে নিয়ে যাবার সাধ্যের অতিরিক্ত দান পেয়ে আমি যদি দাতাকে গালি দি, সে যেমন এও তেমনি ! দোষ কি দাতার প্রচুর দানের, না আমার বহনের অক্ষমতার ?

যুথিকা চক্ষে অশ্রু ভরিয়া বলিল, এ'র কাছে যে আমার হৃদয় কতখানি খণ্ডি তা বলতে পারিনে। অমৃত-প্রলেপের মতন এ'র সাম্মনা আমার সকল দৃঃখের জ্বালাকে স্লিঙ্ক শীতল আবরণে ঢেকে রেখেছে। এই কবির সাক্ষাৎ না পেলে আমি হয়ত এতদিন বাঁচতাম না।

বিমল বিশ্বিত হইয়া বলিল—এত কি দৃঃখ আপনার ! আপনি রাজরাণী। বাপ-মা ত' লোকের চিরকাল থাকে না, তাঁদের জন্য শোক কি !

যুথিকা ব্যথিত হইয়া বলিল—আপনারা পুরুষমানুষ ; সাপের

খোলস ছাড়ার মত এক একটা ছঃখকে পিছে ফেলে আপনারা
অনায়াসে এগিয়ে যেতে পারেন। আমরা মেয়েমাঝুষ ; গুটিপোকার
মতন আমরা ছঃখের জালেই নিজেদের জড়িয়ে অবরুদ্ধ ক'রে রাখি।

বিমল গ্লান হাসি হাসিয়া বলিল—উপমাটা আপনার ঠিক হ'ল
না। গুটিপোকা গুটি কেটে প্রজাপতি হয়ে রঙিন পাখা মেলে উড়ে
যায় ; আর সাপ খোলস ছেড়ে মুষড়ে পড়ে থাকে কুঞ্জী ছৰ্বল হয়ে।
অন্তত সাপের মতন খোলস ছাড়াও যদি সন্তুষ্ট হ'ত, আমাকে তা
হলে এমন ক'রে ছুটে ছুটে পথে পথে বেড়াতে হ'ত না, কোন একটি
অচেনা অজানা লোকের সঙ্গানে ! তাকে সে ক'দিন কতটুকু
দেখেছিলাম, কিন্তু তার সঙ্গানে ছুটে মরা ত' আমার এখনও শেষ
হ'ল না !

যুথিকা পাংশুমুখে ভয়চকিত দৃষ্টিতে বিমলের দিকে চাহিয়া
কেমন এক ব্যাকুলস্বরে বলিয়া উঠিল, আপনি তাহলে কাউকে
খুঁজে বেড়াচ্ছেন ?

বিমল বিমর্শ হইয়া বলিল—হ্যাঁ, সে আজ তিনি বচ্ছৱ অবিশ্রাম !

যুথিকা হাসিতে চেষ্টা করিয়া লঘুভাবে বলিল, সেই ভাগ্যবতীটি
কে বলুন না, আমরা ঘটকালি করি।

বিমলের মনে হইল যুথিকা কথাটা লঘুভাবে বলিতে চাহিলেও
তাহার স্বর যেন কাঁপিয়া গেল।

বিমল দীর্ঘনিঃশ্঵াস ফেলিয়া বলিল—আমি ছর্ভাগা, যাকে আমি
খুঁজে মরছি তাকে আমি চিনি না, তবু তাকেই শুধু আমি চাই।
দিন কয়েক শুধু তাকে ঘোমটায় ঢাকা দেখেছি, তার মুখ দেখিনি,
পরিচয় পাইনি, কে সে—কোথায় থাকে জানি না, তবু তাকেই
খুঁজে ছুটে বেড়াচ্ছি !

ষষ্ঠা-পুস্তিলের ভিধারিণী

যুথিকা অবাক হইয়া বিমলের দিকে তাকাইয়া বলিল—আশ্র্য !
নতুন রকমের প্রণয়-ব্যাপার বটে ! যার জন্যে আপনি শরীর
মন সময় নষ্ট করছেন, জানেন কি সে আপনাকে ভালোবাসে কি
না, সে আপনার প্রতি এখনও অহুরক্ত কি না ?

বিমল গন্তীর ধীর স্বরে উচ্ছিত বেদনাকে দমন করিয়া বলিল—
আমি কিছু জানিনে। শুধু এই জানি যে যদি তাকে কোনদিন
'আমার' বলতে পারি, তবে আমার স্বর্থের অন্ত থাকবে না !
কিন্তু এও যেন বুঝতে পারছি আমার ভাগ্য তাকে পাওয়া নেই,
তার আশা আমায় ত্যাগ করতে হবে ।

বিমলের অঙ্গ রোধ করা কঠিন হইয়া উঠিল। বুকের পাকেটে
ছবিখানিকে চাপিয়া তাড়াতাড়ি সেখান হইতে সে চলিয়া গেল।

যুথিকার কোমল মন এই নবাগত স্বল্পপরিচিত অতিথির ব্যথায়
মধিত হইয়া উঠিল—সমবেদনার অঙ্গ তাহার দীর্ঘ বক্র পঙ্কজাঙ্গি
বহিয়া বড় বড় ফেঁটায় ঝরিয়া ঝরিয়া পড়িতে লাগিল। হঠাৎ এক
কেঁটা জল টপ করিয়া হাতের উপর পড়িতেই যুথিকার চমক
ভাঙ্গিল ; যেন গোপন অপকর্মে ধরা পড়িয়া সে লজ্জায় আরক্ষ হইয়া
উঠিল, এবং তাড়াতাড়ি চোখ মুছিয়া আপনার দুর্বলতা গোপন
করিয়া গৃহকর্ম দেখিতে চলিয়া গেল ।

যতদিন না অমৃতবাবুর কোনো সংবাদ আসে ততদিন বিমলকে থাকিয়া যাইবার জন্য ফণী পীড়াপীড়ি করিয়া ধরিয়াছে। যুথিকার দৃষ্টিতেও উৎসুক অনুরোধের আভাস পাইয়া বিমল সম্মত হইয়াছে।

ফণী বন্ধুর খাতিরে যুথিকার সহিত একটু সদয় ব্যবহার করিতেছে। যুথিকার খাটুনিও এখন একটু কম হইয়াছে—একজন দাসী রাখা হইয়াছে। যুথিকা এখন দ্বিপ্রহরে সন্ধ্যায় পড়িবার অবসর পায়; স্বামী মহাল তদারকে গেলে স্বামীর বন্ধুর সহিত সে গল্প করে, দুজনে মিলিয়া পড়ে। দেখিতে দেখিতে ছদ্মনেই যুথিকার মধ্যে যেন নবজীবনের সঞ্চার হইল। তাহার সেই ভয়ে ভয়ে থাকার ভাব কাটিয়া গেল ; তাহার মুখের হাসি এখন আর ধার করিয়া জোর করিয়া আনিতে হয় না, বসন্তের পুষ্পমঞ্জরীর মতো এখন তাহা আপনার আনন্দেই ফুটিয়া উঠে ; তাহার কুণ্ঠিত পদক্ষেপ দৃঢ় হইয়াছে, তাহার সর্বাঙ্গে ঘৌবনের চঞ্চলতা স্ফূর্তি পাইয়াছে।

কিন্তু বিমল দিন দিন বড় ম্লান ও বিমৰ্শ হইয়া পড়িতেছিল। যুথিকার মনের উপরকার বাধা-বন্ধ মোচনের সঙ্গে সঙ্গে তাহার স্বাভাবিক প্রকৃতির স্ফুরণ বিমলকে বড় ঘন ঘন আর একজনের কথা মনে করাইয়া দিতেছিল। যুথিকার অকারণ আনন্দে উন্নেল চঞ্চলতা দেখিয়া বিমলের মনে হইত এমনি ভাব সে আর-একজনের দেখিয়াছে ! যুথিকার আনন্দমুখের কষ্টস্বরে চমকিত হইয়া বিমল ভাবিত, এই স্বরই

ষষ্ঠী-পুলিনের ভিধারিণী

সে আগেও শুনিয়াছে ; যে আদল দেখিয়া বিমল যুথিকার মা জীলার ছবি আগ্রহে প্রেরণ করিয়াছিল, সেই আদল সে যুথিকার অধরে ও চিবুকে উন্নাসিত হইয়া উঠিতে দেখিয়া ক্ষণে ক্ষণে চকিত চমকিত হইয়া উঠে। বিমল আপনার কাছে স্পষ্ট স্বীকার না করিলেও যুথিকার আত্মিদ্যের যত্ন, বন্ধুদের আত্মীয়তা তাহাকে অল্পে অল্পে মুক্ত করিতেছিল। প্রত্যেক সকাল ও সন্ধ্যা যেন উৎসবের নবীন বেশে তাহাদের ঢুজনের মধ্যে অবতীর্ণ হইত ; যুথিকা নিজের হাতে আসন পাতিয়া ঠাই করিয়া পরিবেশন করিয়া বিমলকে খাওয়াইত—সেই আহার কোনো দিন বা নদীর উপরে বারান্দায় বসিয়া সমুখে সবুজ ধানের ক্ষেত্রে স্থিতার অঙ্গনে চোখ জুড়াইয়া, কোনো দিন বা বাগানের দিকের ঘরে বসিয়া বাগানের মনোরম সৌন্দর্যে মন ভুলাইয়া। কোনো দিন প্রভাতে যুথিকা অতিথিকে লইয়া নদীর কোলে একটি পুস্পিত লতার কুঞ্জের মধ্যে গিয়া বসিত—সেখানে প্রভাতের স্নিফ সমীরণ, গোলাপের কেঘারির জমাট গন্ধ, নবারংণের গোলাপী আভা এবং পাথীর কলকাকলি ছাড়া আর কেহ তাহাদের বিশ্রান্ত-আলাপে বিন্ন ঘটাইতে আসিত না। যুথিকা প্রতিদিন যেন নব নব বিশ্বয়ের আনন্দে অতিথির অভ্যর্থনা করিতে চাহিতেছে ! মুক্ত বিমল যখন অবাকৃ-দৃষ্টিতে তাহার আনন্দময়ী মূর্তির দিকে তাকাইয়া কি বলিবে খুঁজিয়া পাইত না, তখন কী সহজে যুথিকা কথা আরম্ভ করিত—এবং রঙ-রসিকতায় উজ্জ্বল সরস বাকের ফোয়ারা তুলিয়া তাহার চারিদিক ঝলমল করিয়া তুলিত। যখন যুথিকা নিজের হাতে বিমলের উচ্চিষ্ট খাদ্যের পাত্র সরাইয়া রাখিয়া আসিয়া বিমলের হাতে একখানি বই তুলিয়া দিয়া আপনি তাহার পাশে সেলাই লইয়া বসিত, তখন বিমলের নিকটে বিশ্ব-চরাচর জুপ্ত হইয়া

যাইত—মূহূর্তের জন্য তাহার অম হইত সে যেন উপজ্ঞাসের শুধী
স্বামী, তাহার প্রণয়িণী পঙ্কীর পার্শ্বে বসিয়া আনন্দ-স্বপ্নের কৃহকজাল
বয়ন করিতেছে।

এই সময় অমৃতবাবুর টেলিগ্রাম আসিল। তিনি সমস্ত বিষয়ের
বিলি-ব্যবস্থা করিয়া তুলিয়াছেন; শীর্খই বর্মা হইতে রণনা হইবেন।
যুথিকা ও ফণী আনন্দিত হইল, অমৃতবাবু না আসা পর্যন্ত বিমলকেও
থাকিতে হইবে।

কিন্তু যুথিকা ও বিমলের একান্ত বিশ্রামের বিষ্ণু ঘটাইয়া ফণীর
পিস্তুত ভাই অমর ও তাহার স্ত্রী এবং অমরের ভগী ও ভগীপতি
আসিয়া উপস্থিত হইল। ফণী বলিল—আজ অমৃতবাবুর খবরের
সঙ্গে সঙ্গে কুটুম্বরা এসেছে, আজ উৎসব হোক। আজ বন-ভোজন!

ফণী তাড়া দিয়া দিয়া যুথিকাকে ব্যতিব্যস্ত করিয়া তুলিল। এক
সঙ্গে হাজার ফরমাস করিতেছে এবং তৎক্ষণাত্মে সে-সমস্ত সম্পন্ন
হইতেছে না বলিয়া কষ্ট হইতেছে এবং যাহাও সম্পন্ন হইতেছে তাহাও
তাহার মনের মতন হইতেছে না বলিয়া যুথিকাকে তিরঙ্কার
করিতেছে। বাগানের কোন্জায়গাটায় বনভোজন হইবে, যুথিকা
তাহা ঠিক করিতে পারিতেছে না কেন? যে জায়গাটায় উনন খোঁড়া
হইল তাহাতে নৃতন লিচু গাছটায় তাত লাগিবে যে, যুথিকা ইহাও
একটু দেখাইয়া দিতে পারে নাই? এখনো ভঁড়ার খুলিয়া সিধা
বাহির করিয়া দেওয়া হইল না? আঃ! আজ বাড়ীতে কুটুম্ব
আসিয়াছে, যুথিকা নৃতন বেনারসী শাড়ীখানা এখনো পরে নাই
কেন? রেশমী শাড়ী পরিয়াছে, তাহাতে কিসের দাগ লাগাইয়াছে?
নৃতন হীরার ক্রচটা কি বাঙ্গের মধ্যে রাখিয়া ধোঁয়া দিবার জন্য কেনা
হইয়াছিল? কুটুম্বদের জলখাবার দিয়া কাছে বসিয়া যুথিকা

যমুনা-গুলিনের ভিধারিণী

থাক্কাইল না কেন, রাজ্ঞা ত' রঁধুনিতে চড়াইয়াছে, সেখানে যুথিকার থাকবার এমন কি প্রয়োজন ? চাকর-দাসীর হাতে সব ছাড়িয়া দিয়া পুরুষদের গাঁ ঘেঁসিয়া বসিয়া থাকিলে ত' চলিবে না, রাজ্ঞার তদারক কর গিয়া, নিজেরা না করিলে বনভোজনের মজা কি ? যুথিকা বাগানে গিয়া থাকিলেই চলিবে না, তাহাকে নবাগত অতিথিদের পান-চুরুট দিয়া আদর-আপ্যায়ন করিতে হইবে না ! এমনি বিরক্ত রকমের শত ফরমাসের ধারা-বর্ষণ যুথিকা হাসিমুখে প্রশান্তভাবেই সহ্য করিতেছিল এবং একা একশ' হইয়া বাড়ী হইতে বাগান ও বাগান হইতে বাড়ীতে লঘু-ক্ষিপ্র পদে ছুটাছুটি করিতেছিল ।

যুথিকার প্রতি এই অত্যাচার বিমলের দৃষ্টি এড়াইতে পারিতেছিল না । সে ইহাতে বিরক্ত ও বিষণ্ন হইয়া চুপ করিয়া একপাশে বসিয়া-ছিল । ফণী ও অমর তাহাদের ভগ্নীপতির ভগ্নীর উদ্দেশ্যে এবং উহাদের ভগ্নীপতি ইহাদের ভগ্নী ও পঞ্জীদের লইয়া সকলের সমক্ষে নিলজ্জ রসিকতা জুড়িয়া যে হট্টগোল করিতেছিল তাহা বিমলের ন্যায় ভব্য ও মার্জিত-রুচির লোকের কাছে অত্যন্ত অশুচি ও কর্ণপীড়াদায়ক বোধ হইতেছিল ।

বিমল যে অস্তি বোধ করিতেছে তাহা যুথিকা একবার ঘরে ঢুকিয়াই বুঝিতে পারিল । সে যেন বিমলকে ডাকিতেই ঘরে ঢুকিয়াছে এমনিভাবে বলিয়া উঠিল—বিমলবাবু, আপনি এখানে বসে বসে কি করছেন ? আপনি আমার সঙ্গে বাগানে চলুন । আজকের দিনে কুটুম্বৰ মত চুপ ক'রে বসে থাকলে চল'বে না, কাজ করতে হবে ।

অমর হাসিয়া বলিল—বলি বৌদি, এতটা পক্ষপাত কি ভালো ! কুটুম্বৰ বসে আছে ব'লে কৈটাও দিলে, আবার ডাক পড়ল শুধু

বিমলবাবুকে। কি কাজ করতে হবে হস্তুম কর; আমরাও কাজ করতে পারি।

যুথিকা আয়নায়-পড়া রৌদ্রের মত আপনার চারিদিকে হাসি ঠিকঠাইয়া বলিল—আপনারা আজকের নতুন প্রধান অতিথি! বিমলবাবু পুরানো হয়েছেন, আজকে তিনি বাড়ীর লোকের সামিল।

অমরের ভগ্নীপতি বলিল—বাড়ীর লোকটিকে খারিজ ক'রে একা বিমলবাবুকে নিয়ে বাগানে যাওয়াটা ফণী প্রাণে সইবে না বোঠাকৃণ। তাই বলছিলাম আমরাও না হয় সঙ্গে থাকি।

যুথিকার মুখ লজ্জায় ঘৃণায় বিরক্তিতে লাল হইয়া উঠিল! যুথিকা কাহারো দিকে না তাকাইয়া বিরক্তিভরা স্বরে বলিয়া গেল—বিমলবাবু, আপনি আশুন।

বিমলও বিরক্ত হইয়া উঠিয়া গেল!

তাহাদের পশ্চাতে কুটুম্ব-কুটুম্বিনীদের হাসি-টিটকারি অট্টরোল করিয়া উঠিল।

বাগানে গিয়া অসংখ্য ফরমাস করিয়া, নানা কাজে খাটাইয়া, কৃত-কর্মের ভুল ধরিয়া যুথিকা এক দণ্ডের মধ্যে বিমলকে প্রফুল্ল করিয়া তুলিল। যুথিকা যে তাহাকে বন্ধু ভাবিয়া অতিথিদের চমৎকৃত করিবার বিবিধ আয়োজনের গোপনতার মধ্যে তাহাকেই কেবল ডাকিয়া আনিয়াছে, ইহা ভাবিয়া বিমলের আনন্দের অবধি রহিল না। আহারের সমস্ত আয়োজন ছজনে সম্পূর্ণ করিয়া যুথিকা অভ্যাগতদের আহ্বান করিতে গেল।

অভ্যাগতদের বিশ্বিত মুক্ষ করিবার প্রচুর আয়োজন হইয়াছিল। ফুলের টব সিঁড়ির মত থাক থাক করিয়া সাজাইয়া একটি মন্দির করা হইয়াছিল; সেই বৃক্ষ-মন্দিরের ভিতর একটি জরির কাজ-করা

বয়না-পুলিনের তিথারিণী

কার্পেটের তাঁবু খাটানো হইয়াছিল ; খাওয়ার ঠাই বিরিয়া পুষ্পিতা
লতার কুঞ্জ ; তাহার মধ্যে-মধ্যে বুলবুল-মুনিয়া-ক্যানারী-দোরেস
পাখী পুপ-মণ্ডিত দণ্ডে বসিয়া কুঞ্জে করিতেছে, শিশ দিতেছে ;
বসিবার আসনের পাশে ক্ষীণা স্বোতন্ত্রিনী পাথরের ছুড়ির
গায়ে হোচ্চ খাইতে উচ্চলিয়া কলনিঃস্বনে বহিয়া চলিয়াছে।
অভ্যাগতরা খাইতে বসিবামাত্র কোন् কুঞ্জান্তরাল হইতে বীণা ও
সেতার সঙ্গীতের মূর্ছনায় বাস্তুত হইয়া উঠিল। খাওয়া শেষ করিয়া
স্বোতন্ত্রিনীর জলে হাতমুখ ধুইয়া নিমন্ত্রিতরা উঠিয়া দাঢ়াইবামাত্র
বীণা ও সেতার থামিয়া গেল ; কুঞ্জান্তরাল হইতে বাহির হইয়া
যুথিকা ও বিমল হাসিমুখে তাঁবুর ছুট ধারে সোনার বাটায় পান
লইয়া দাঢ়াইল—পুরুষদিগের যুথিকা ও মেয়েদের বিমল পান দিল।
তারপর পুস্পান্তীর্ণ কার্পেট-বিছানো পথ দিয়া তরুবীথির আকা-বাঁকা
চক্রবৃহৎ ভেদ করিয়া বিমল ও যুথিকা আগে আগে পথ দেখাইয়া
তাহাদিগকে পাশের কামরায় লইয়া গেল। পাশের কামরায়
নীল মথমলের উপর জরির-বুটি-দেওয়া ঠাঁদোয়া খাটানো ও সবুজ
কিংখাবের ফরাস বিছানো আছে—যেন সবুজ ক্ষেত্রের উপর নীল
আকাশ তারকাখচিত। অভ্যাগতরা ফরাসে বসিবামাত্র বিমল ও
যুথিকা ছইদিক হইতে ছইটি রেশমী দড়ি ধরিয়া টানিল আর অম্নি
মাথার উপরকার চন্দ্রাতপ মাঝখানে ফাঁক হইয়া অভ্যাগতদের
মাথায় চন্দনলিপ্ত পুস্পবৃষ্টি করিল, আর বাহিরে নহবত বাজিতে
লাগিল।

ফণী স্ত্রীর কৃতিত্বে গর্বে উৎফুল্ল হইয়া উঠিয়াছিল। তাহারও
বিশ্বায় আনন্দের অবধি ছিল না। যুথিকা যে কত গাছ কাটিয়াছে,
পাতা ভাঙিয়াছে আজ সে তাহার জন্য তাহাকে দোষী করিল না,

ভৎসনা করিল না ; মুক্ত স্থিতি দৃষ্টিতে তাহার দিকে চাহিয়া রহিল ।
অমর ফণীকে বলিল—দেখ দাদা, তোমার বৌটি একটি ঝুঁত !

ফণী হাসিয়া উঠিয়া গবিতভাবে বলিল—তোমার মনে হচ্ছে,
—আহা, কি ঝুঁতই আমার হাত ফঙ্কে গেল ! কিন্তু তা নয় হে, তা
নয় । তোমরা যখন ওকে তীর্থের পথ থেকে কুড়িয়ে এনেছিলে
তখন কি ওর কিছু গুণপনা ছিল, না তোমাদের গোমস্তা হুরদয়ালৈর
হাতে পড়লে ও এই সব শিখতে পারত ? ও আমার হাতে পাড়ে
রাজরাণী হয়ে আমার কাছ থেকেই এ সব শিখেছে ! মেঘেকে
আঙ্কারা না দিয়ে শাসনে রাখলে কি চমৎকার ফল ইয় দেখছ ত' !
এসব আমারই শিক্ষায় ! এসব আমারই শিক্ষার গুণ হে, আমারই
শিক্ষার ফল !

কথা তুলিতে যা দেরী ছিল । অমনি সকলে যুথিকার দরিদ্র
ঘরে জন্ম ও পরে রাজরাণী হওয়া লইয়া নানাকৃপ শ্লেষ ইঙ্গিত আরম্ভ
করিল । যুথিকা প্রাণপণে হাসিমুখ করিয়া দাঢ়াইয়া দাঢ়াইয়া তাহা
গুনিতে লাগিল ।

বিমল আর সহ করিতে না পারিয়া যুথিকাকে বাঁচাইবার জন্ম
বলিয়া উঠিল—আস্তুন অমরবাবু, খানিক তাস খেলা যাক ।

ফণীর আজ দিল দরিয়া খোস মেজাজ, সকল তাতেই তাহার
উৎসাহ । সে খুশী হইয়া বলিয়া উঠিল—বেশ ! বাজি রেখে খেলতে
হবে—যে হারবে তাকে জীবনের একটা কাহিনী বলতে হবে ।

সকলেই উৎসাহিত হইয়া সায় দিল । বিমল ভালো তাস
খেলিতে না জানিলেও কেবল যুথিকাকে বর্বরদের নিষ্ঠুর আক্রমণ
হইতে বাঁচাইবার জন্ম খেলিতে বসিল । ফণী ও অমর একদিকে এবং
অমরের তত্ত্বাপত্তি ও বিমল অপর দিকে হইল ।

যমুনা-পুলিনের ভিখারিণী

যাহা হইবার তাহাই হইল, আনাড়ি বিমলের পক্ষের হার হইল। ফণী উল্লাসে অধীর হইয়া অট্টহাস্ত করিয়া বিমলের পিঠ চাপড়াইয়া বলিয়া উঠিল—এইবার বিমল, তোমাকে তোমার নিজের জীবনের কাহিনীটি বলতে হবে—সেই তোমার যমুনা-পুলিনের ভিখারিণীর গল্প।

বিমলের মুখ লাল হইয়া উঠিল, সে জ্ঞানুটি করিয়া ফণীর দিকে তাকাইয়া তাহাকে ক্ষাস্ত হইবার ইঙ্গিত করিল। বিমলের রকম দেখিয়া অপর সকলে অত্যন্ত কৌতুক অনুভব করিল—না জানি এই গল্পটায় কত মজাই আছে মনে করিয়া সকলেই সমন্বয়ে অনুরোধ করিতে লাগিল—হাঁ, হাঁ, সেই যমুনা-পুলিনের ভিখারিণীর গল্প! সেইটেই—তা ছাড়া অন্ত কিছু নয়।

বিমল স্তুক হইয়া বসিয়া রহিল—যেন পবিত্র দেবমন্দির অশুচি হইবার সন্তাননা ঘটিয়াছে, পরম সমাদরের গোপন বেদনা নির্মল নিষ্ঠুরতায় অপমানিত হইবে।

ফণী তাহার অপ্রতিভ ভাব দেখিয়া অধিকতর কৌতুকে হো হো করিয়া হাসিয়া বলিয়া উঠিল, কি হে, তুমি বলবে? না, আমি আরম্ভ ক'রে লজ্জাটা ভেঙে দেবো?

ফণী পাছে তাহার বেদনার কাহিনী বিকৃত করিয়া কল্পিত অপমানিত করে এই ভয়ে তাড়াতাড়ি মানমুখে বিষণ্ণকাতর কর্ণে বিমল বলিল, আমিই বলছি.....

ফণী সকলকে আশ্বাস দিল যে বিমল যদি কিছু লুকাইতে চায় তাহা হইলে সে তাহা ফাঁস করিয়া দিবে, সে বিষয়ে শ্রোতারা নিশ্চিন্ত থাকিতে পারেন।

বিমল জীবনের মর্মকথা ব্যক্ত করিতে আরম্ভ করিল—

সে আজ প্রায় আড়াই বৎসরের কথা। আমাদের এম. এ. এগ্জামিনের আগে ফণী আর আমি পরামর্শ কর্তৃলাভ যে কলকাতা থেকে বাইরে কোথাও গিয়ে থাকা যাক, মনটা নতুন জায়গায় গিয়ে খুশী থাকবে, পড়াও ডাল হবে। আমরা দুজনে ঢেলাহাবাদে শহরের বাইরে যমুনার ধারে একটা বাংলো ভাড়া ক'রে গিয়ে থাক্লাম। ত্রিবেণী ঘাটের যে রাস্তাটি কেল্লার কোল দিয়ে যমুনার পুলের দিকে এসেছে তাকে ওখানকার লোকেরা বলে ‘ঠাণ্ডী সড়ক’। চওড়া নির্জন রাস্তা, তার দুধারে নিমের গাছের সারি; দিনের বেলাতেও সেই পথটি ছায়াশীতল মনোরম। আমরা সকাল-বিকেল এই পথ ধরে চলতে চলতে যমুনার পুল পার হয়ে বরাবর ওপারে চলে যেতাম; জ্যোৎস্না রাত্রে আমরা গভীর রাত্রি পর্যন্ত এই রকম পথে পথে হট্টে বেড়াতাম। একদিন আমরা বেড়াতে বেড়াতে একেবারে নইনী চলে গিয়েছিলাম; ফিরতে অনেক রাত হয়েছে—প্রায় এগারটা। কন্কনে শীত পড়েছে, ডিসেম্বর মাস। আমরা দুজনে আলংকার কোটে নিজেদের মুড়ে হন্হন্হ ক'রে হেঁটে আসছি—তবু রক্ত গরম হতে চায় না! যমুনার পুলের ওপর আস্তেই জোলো হাওয়া কন্কনে ঝাপটা মেরে আমাদের হাড়ের ভিতর পর্যন্ত কাঁপুনি জাগিয়ে তুলতে লাগল। আমরা হি-হি ক'রে কাঁপতে কাঁপতে নীরবে পুল পার হয়ে ডানদিকে মোড় ফিরেছি, হঠাৎ ধূমকে দোড়লাম।

ষমুনা-পুলিনের ভিখারিণী

অত রাত্রে সেই শীতে একটা নিমগাছের গায়ে দাঢ়িয়ে আছে একটি তরুণী মেয়ে—তার দেহখানি ছিপছিপে, নতুন চারা গাছের মত পাতলা দীর্ঘ বাহ্যিক্যবর্জিত ; তার পরণে একখানি নীল রঙের চুম্বুরী শাড়ী, আর নিবিড় ঘোমটায় মুখ টেকে সর্বাঙ্গ ঘিরে আছে একখানি সবুজ ওড়না । হাওয়ার ঝাপটায় তার কাপড়-ওড়না তার গায়ে লিপ্ত হয়ে যাওয়াতে তার শরীরের গড়নের ছন্দ আর রেখার সৌন্দর্য স্পষ্ট হয়ে ফুটে বেরিয়েছিল ; সর্বাঙ্গ আবৃত ক'রেও সে লুকাতে পারেনি তার তন্তুর সৌকুমার্য ; তার ঘোবনের তরুণতা । একখানি ছোট শুভ্র হাত পেতে সে সেই নিজিন পথে অত রাত্রে কার কাছে কি চাইবার প্রতীক্ষায় নীরব নিষ্পন্দ হয়ে দাঢ়িয়ে আছে ! তার সামনে একটা চৌকোণা লঠনের মধ্যে একটা কেরোসিনের ডিবে তারই প্রাণের মতে। নিরাশার ধোঁয়ায় আচ্ছন্ন হয়ে হিমকাতর বাতাসের ঘায়ে ক্ষণে ক্ষণে তার শিখাটিকে কাঁপিয়ে তুলছে—শিখাটি লুটোপুটি খেয়ে থেকে থেকে নিবু-নিবু হয়ে পড়ছে ! শিখার অঙ্গুলি-সঙ্কেতে নীচের দিকে তাকিয়ে দেখলাম দুখানি সুন্দর পায়ের ওপর চাঁদের আলো আর শিখার আলো লুটোপুটি থাক্কে ।

আমার দেখেই মনে হ'ল লক্ষ্মী যেন ভিক্ষায় বেরিয়েছেন ! কোনো বড় ঘরের মেয়ে দৈনন্দিন্যের পড়ে লোকের কাছে হাত পাততে বাধ্য হয়েছে, কিন্তু লজ্জায় সে এমন পথে দাঢ়িয়ে হাত পেতেছে যেখানে একটি লোকেরও সমাগম নেই । তার প্রসারিত হাত-খানি লঠনের শিখার চেয়েও বেশী কাঁপছিল ; শীতল হিম হাওয়া আর কম্পিত হাতের ওপর নিজের দুঃখ জানাবার ভার দিয়ে নীরব নতনেত্রে সে দাঢ়িয়েই রইল ;—অনেক অপেক্ষার পর যে দুটি মাত্র পথিকের সে দেখা পেয়েছে, তাদের কাছেও মুখ ফুটে কিছু চাইতে

পারলে না। আমি তাড়াতাড়ি আমার এ-পকেট সে-পকেট হাতড়ে দেখলাম, কোন পকেটে একটা পয়সা, কি আনি, কি ছয়ানি নেই; আছে মাত্র একখানা নেট। আমি ফণীর দিকে কিরে তার কাছে কিছু পয়সা ঢাইলাম। ফণীকে এত রাত্রে ঠাণ্ডা হাওয়ার মুখে দাঢ় করিয়ে রেখেছি ব'লে সে আমার উপর চটে উঠেছিল; ব'লে উঠল—তুমি চলে এস হে চলে এস, ও তোমার পয়সার ভিখারিণী নয়!...আমি ফণীকে.....

ফণী বাধা দিয়া হো হো করিয়া হাসিয়া বলিল—ছেড়ে যাচ্ছ! সবটুকু বল।

বিমল তাহার কথা না শুনিয়া আবার বলিতে গেল—আমি ফণীকে বললাম.....

ফণী আবার বাধা দিয়া বলিল—কুচি বাগীশের মুখে বাধছে বুঝি! আমিই তবে বাকি কথাটুকু ব'লে দিই। আমি বিমলকে বললাম—তুমি চলে এস হে, চলে এস, ও তোমার পয়সার ভিখারিণী নয়, ও রসের ভিখারিণী!—ঘূনা-পুলিনে বসে কাঁদে রাধাবিনোদিনী! কাঁদে রাধা বিরহিণী, তব প্রেম-ভিখারিণী!

ফণী মোটা গলায় সুর করিয়া গাহিয়া হো হো করিয়া হাসিয়া উঠিল।

বিমল যেন ফণীর কথা শুনিতেই পায় নাই, এমনি ভাবে বলিতে লাগিল—তবুও আমি ফণীর কাছে মিনতি ক'রে পয়সা ঢাইলাম; ফণী আমার জামা ধরে হিড়হিড় ক'রে আমায় টেনে নিয়ে ঘেতে লাগল।

তখন সেই অবগুষ্ঠিতা ডরঙী কম্পিত মধুর সঙ্গীতের শ্রায় পরিষ্কার বাংলায় বললে—‘বাবু, আপনারা বাঙালী; অনাথ বিশ্ব বাঙালীর মেয়েকে দয়া ক'রে কিছু দিয়ে যান।’ সেই স্বর, সেই কথা;

বনুনা-গুলিনের ভিখারিণী

আর বিদেশে ভিখারিণীর 'কষ্টে' আমারই মাতৃভাষা বাংলা একত্র মিশে আমার মনকে এমন স্পর্শ করলে যে আমি ফণীর ব্যঙ্গ উপেক্ষা ক'রে আবার তার কাছে পয়সা চাইলাম। ফণী সেই নিষ্ঠক পথবীথি কল্পিত ক'রে হেসে উঠে বলে—'মরেছে। এই নাও ছুটো টাকা, তোমার পথ নিষ্কটক হোক, আমি চললাম। ফণীর কাছ থেকে টাকা নিতে আমার আর হাত সরল না ; ফণী আমার হাতে টাকা ছুটো শুঁজে দিয়ে হাস্তে হাস্তে এগিয়ে চলে গেল। আমি কি কর্ব ঠিক কর্তে না পেরে অবাক নিষ্পন্দ অপ্রতিভ হয়ে দাঢ়িয়ে রাইলাম, মেয়েটি ফণীর কথা ত' শুন্তে পেয়েছে, সে আমাকে না-জানি কি বর্বর ছব্ব'ত ঠাওরেছে ! তার দরিদ্রতার অভিমান আমার ব্যবহারে একটুতেই আঘাত পাবে, অল্লেই শক্তি হয়ে উঠবে। অমি ইত্ততঃ কর্তে কর্তে একটু অগ্রসর হয়ে দয়ার্জ মিষ্ট স্বরে বললাম—তুমি ভিক্ষার জায়গা ত ভাল ঠাওরাওনি। 'চকের' দিকে গেলে অনেক লোকের দেখা পেতে। এই পথে দিনেই লোক চলে না, ত' এত রাত্রে কার দেখা পাবে ?

ভিখারিণী অল্লক্ষণ কোন কথা না ব'লে চুপ ক'রে রাইল, তারপর স্পষ্ট মার্জিত ভাষায় অতি মৃচ মধুর স্বরে ডং'সনাভরে বললে— যাদের দেখা পেয়েছি তাদেরও যদি বিপন্ন দরিদ্রের ওপর একটু দয়া থাকৃত !

তার এই কুষ্টিত অথচ তীব্র তিরক্ষার, আর তার দৃশ্য অভিমানের ভঙ্গী দেখে আমি আশ্চর্য হয়ে গেলাম ; স্পষ্ট পরিচয় পেলাম সে নিরুক্ষর সাধারণ স্ত্রীলোক নয়। আমি বললাম, আমি তোমার স্বদেশী ; একজন পথিকের কাছ থেকে যতটুকু সাহায্য পাওয়া যাব তার বেশী আরও কিছু আমি কর্তে পেলে সুখী হব।

সে বোধ হয় আমায় একটু বিশ্বাস ক'রে একটু স্পষ্ট ক'রে
বললে—আমরা গরীব, আমার মা মুণ্ডপন্থ পীড়িত, আমাদের
ভিক্ষা ছাড়া এখন আর কোনো উপায় নেই।

আমি এই অপরিচিতা তরঙ্গীর বিপদে মমতা বোধ ক'রে তাকে
বললাম—আমাকে তোমার মায়ের কাছে নিয়ে চল।

সে অবাক হয়ে ঘোমটা ঢাকা মুখ তুলে আমার দিকে চেয়ে
রইল, আমার প্রস্তাবটা বোধ হয় তার কাছে কেমন ঠেকছিল।

আমি তার ভাব বুঝে বললাম—আমাকে বিশ্বাস কর,
তোমাদের সাহায্য করার ইচ্ছা ছাড়া আমার আর কোনো
কু-অভিপ্রায় নেই।

অবগুণ্ঠিতা ভিখারিণী বললে—তবে আসুন। সে র্ঘনটি তুলে
ঘোমটাটি আরো একটু টেনে দিয়ে ওড়নাখানিকে ভালো ক'রে গায়ে
জড়িয়ে নিয়ে আগে আগে রওনা হ'ল!

সেই ভিখারিণী-লক্ষ্মীর চৱণপদ্ম পড়বে ব'লে চাঁদ যেন আপনার
জ্যোৎস্না দিয়ে নিষ্পব্বীথির পল্লবপুঞ্জের ফাঁকে ফাঁকে পথের পরে
আলপনা এঁকে দিয়েছিল। আমি মুঝ হয়ে নিঃশব্দে তার পিছনে
পিছনে চলতে লাগলাম।

বিমল একটু ধামিল। অমনি অসহিষ্ণু ফণী বলিয়া উঠিল—কি
হে! এবারও সেবারের মতন তার পরের ঘটনা গোপন রাখবে
নাকি? এ পর্যন্ত সব কথা ও ঠিক ঠিক বলেছে—এর আমি সাক্ষী।
বিমল মনে করেছিল আমি বুঝি ওকে টাকা দিয়ে সত্য সত্যই
চলে গেছি; আমি তা মোটেই যাইনি। একটা নিমগ্নাহের
আড়ালে দাঙ্গিয়ে সব দেখছিলাম। ওরা যখন চলে গেল তখন
কেবল শীতের ভয়ে বন্ধুর অভিসারে গোয়েন্দাগিরি করতে ইচ্ছে

ঘূনা-পুলিনের ভিধারিণী

হ'ল না। তবে এ আমি জ্বোর ক'রে বাজি রেখে বলতে পারি
বিমলচন্দ্ৰ গিয়ে ভিধারিণীৰ পীড়িত মা-ফা কিছুট দেখতে পাননি—
ওৱ ঘূনা-পুলিনের ভিধারিণী আগ্রিকালেৱ পুৱালো পান শুধু নতুন
স্বৰে গেয়ে শুনিয়েছিল মাত্ৰ।

ফণী আপনাৰ অভজ্ঞ রসিকতায় খুশী হইয়া হাসিয়া উঠিল এবং
অপৰ পুৰুষ চূজনও তাহাৰ কক্ষ হাসিৰ সঙ্গে সমান বৰ্বৱতাৰ
তাল লাখিয়া ঘোগ দিল এবং মেয়েৱো লজ্জায় অধোবদন হইয়া
গেলেও তাহাদেৱ চাপা হাসিতে যে কৌতুকচ্ছটা চক্ৰক্ কৱিতেছিল
তাহাতে বুৰা যাইতেছিল যে তাহাৱাও ফণীৰ রসিকতায় আনন্দই
উপভোগ কৱিতেছে; কিন্তু যুথিকা যেন অত্যন্ত বিৱৰণ ব্যথিত
হইতেছে বোধ হইতে লাগিল; কাৰণ সে মৃত্যুৰ মতন শাদা হইয়া
গিয়া ছই হাতে পানেৱ বাটাটি চাপিয়া ধৰিয়া বসিয়াছিল এবং
তাহাতে বাটাৰ উপৱকাৱ বাটিখুলি থৰথৰ কৱিয়া কাপিতে কাপিতে
টুনটুন শব্দ কৱিতেছিল। যুথিকা মান কুষ্টিত দৃষ্টিতে একবাৰ
বিমলেৱ মুখেৱ দিকে চাহিল।

বিমল ফণীদেৱ হাসিতে বাধা দিয়া অকুষ্টিত দৃশ্টি স্বৰে বলিতে
লাগিল—আমাৰ হারেৱ বাজিৰ দেনা বোধ হয় শোধ কৱেছি।
কিন্তু আমাৰ আৱ সেই ঘূনা-পুলিনেৱ ভিধারিণীৰ চৱিত্ৰেৰ বিৱৰণকে
আমাৰ বন্ধুৰ ইঙ্গিত আমাকে পৱেৱ ঘটনাও বলতে বাধ্য কৱছে।
আমি শপথ ক'ৱে বলছি, যা বলব তাৱ এক বৰ্ণও মিথ্যা, বানালো
বা অসম্পূৰ্ণ গোপন রাখা নয়—আমি তাৱ নাম জানিনে, পৱেও
জান্তে পারিনি, আমি তাকে ফণীৰ ঠাট্টা কৱা থেকেই ঘূনা-পুলিনেৱ
ভিধারিণী ব'লেই ডাক্তাম, এবং সংক্ষেপে বোৰোবাৱ জন্মে তাকে
.পুলিনা বলব! সেই মেয়েটি আমাকে পথ দেখিয়ে আগে আগে

চলল। আমি তার পতির ভঙ্গী, হাঁটার লীলা আর অঙ্গের হিলোলের মধ্যে নববৰ্ষের সাবণ্য মাধুর্য প্রাণময়তা অনুভব কর্তৃছিলাম—সে পদক্ষেপ কি লভ্য, কি ক্ষিপ্র, কি আনন্দচপল। আমি তার ঘোমটার ফাঁক দিয়ে উকি মেরে তার মুখ দেখবার আশায় তাড়াতাড়ি তার পাশে পাশে চলতে চলতে জিজ্ঞাসা কর্তৃলাম ‘তোমার মা কি অনেক দিন থেকে পীড়িত?’ সে দীর্ঘনিঃখাস ফেলে বলে, ‘হাঁ, ছ’ বছর! কিন্তু আটদিন থেকে বড় বেলী বাড়াবাড়ি হয়েছে।’ ‘তুমি কি রোজগাঁও ওখানে দাঢ়াও?’ ‘না, আজ এই প্রথম বাড়ী থেকে বাইরে বেরিয়েছি।’ ‘তোমার ঐ নির্জন জায়গায় দাঢ়ানো ত ঠিক হয়নি, তার চেয়ে চকের দিকে গেলে—বলতে গিয়েই কথা বেধে গেল, বুরতে পারলাম কথাটা বলা ভালো হ’ল না, ও হয়ত দৃশ্য ভাবতে পারে। যমুনা-পুলিনের ভিখারিণী অঙ্গুলক স্বরে বললে—‘আমি যে এখানে নিতান্ত অজ্ঞানা, শহরের কোন্দিকে কি কিছুই জানিনে, আর লোকের ভিড়ের সামনে বেরুতেও যে লজ্জা করে।’ কৌ দাক্ষণ হৃঃখ-দৈশ্য এই সুন্দরী তরুণীকে ভিক্ষায় বার করেছে! ছ-একবার ফণীর ইঙ্গিটা আমার মনেও যে উকি মারেনি তা নয়, কিন্তু পুলিনার সরল ভজ্জ কথাবার্তায় সে ভাব শীঝই কেটে গেল। যদি সে অষ্ট-চরিত্রের হ’ত, তবে সে এমন সংযত সন্ত্বান্ত আচরণ বরাবর বজায় রাখতে পারত না। না,—নির্দোষ দরিদ্রতার যে লজ্জিত দৃশ্য কুণ্ঠিত অভিমান তার চলায় বলায় প্রকাশ পেয়ে অধিকতর মর্মস্পর্শ হচ্ছিল, তা কখনো ছলনা হতে পারে না।

আমি অল্পক্ষণ চুপ ক’রে থেকে জিজ্ঞাসা কর্তৃলাম—তোমাকে মাকে কোন ডাঙ্গার দেখছেন?

—একজন দেখছিলেন। কিন্তু আমরা তার কি জোগাতে না

কুলা-পুলিনের ভিধারিণী

পারাতে তিনি মাকে হাসপাতালে পাঠাতে প্রয়োগ দিলেন। আমি
তা পৌরব না, আমি তা দেখতে পারব না যে আমার মা হাসপাতালে
যাবে।

সেই দরিদ্রার কথাতে দাঙ্গ বেদনা বেজে উঠল। সে কেঁদে
ফেললে। তার এক হাতে লণ্ঠন, আর হাত দিয়ে সে চোখের জল
মুছছিল। হঠাতে দমকা হাওয়ায় তার অসম্ভৃত ঘোমটাটা ক্ষণেকের
জন্য অল্প অপস্থিত হয়ে গেল, তাড়াতাড়ি সে আবার মুখ ঢাকলে।
চকিতে মুখের ঘেটুকু আবহায়া দেখতে পেলাম, তাতে মনে ই'ল
সে অনুপমা অপরূপ শুন্দরী! আমি তার অস্ত বেশবাস থেকে
অলিত ভূলুষিত ওড়না গুটিয়ে তুলে দিতে গেলাম, তার হাতে হাত
ঠেকল—সে কী কোমল, কী মস্তণ!

হঠাতে দাঁড়িয়ে পুলিনা বললে সে পথ ভুলেছে। আমি ও
ত' এখানে নতুন, আমি ও ত' পথ চিনি না। এত রাত্রে কাকে পথ
জিজ্ঞাসা করব ভাবছি। পুলিনা শীতে ও ভয়ে থর থর ক'রে কাপছে।
আমি এদিক ওদিক চেয়ে দেখি একটা কালোয়ারের দোকানে আলো
জলছে—কতকগুলো লোক বসে মদ খাচ্ছে। আমি পুলিনাকে
দাঁড়াতে ব'লে সেই গুঁড়ির দোকানে পথের উদ্দেশ জিজ্ঞাসা করতে
গেলাম। তারা আমাকে পথ ব'লে দিল। আমি ফিরে আসছি, দূর
থেকে একটা ধন্তাধন্তির অস্পষ্ট শব্দ শুন্তে পেলাম; তাড়াতাড়ি
এগিয়ে এসে দেখতে পেলাম একটা লোক এক হাতে পুলিনার
কোমর জড়িয়ে আর এক হাতে পুলিনার উৎক্ষিণ হাত চেপে ধরে
তাকে টানছে—আর একটা লোক পিছন থেকে ঠেলতে ঠেলতে
বলছে—‘আরে পিয়ারী, নারাজ কেও, চলো চলো দিলসাদ!’ সেই
হই মাতালের আক্রমণ থেকে মুক্তি পাবার জন্যে পুলিনা ছটকট

করছে। আমি ছুটে এসেই সঙ্গেরে মার্লাম এক ঘূরি যে লোকটা পুলিনাকে জাপ্টে ধরেছিল তার নাকে। যে-লোকটা পুলিনাকে ঠেলছিল সে উদ্ধৃথাসে দৌড় দিতে দিতে চীৎকার ক'রে সঙ্গীকে ডেকে গেল—‘আরে রামাইয়া ভাগৱে ভাগ, বাঙালীন্কা বাঙালী আয়া, আভি বোম্ মারেগা।’ সে লোকটা নাকের উপর যে বায়না পেয়েছিল তারই চোটে পুলিনাকে ছেড়ে দিয়ে বন্ধুর উপদেশ ক'রে শিরোধার্ঘ তারই পদাঙ্ক অনুসরণ করলে। ছাড়া পেয়েই পুলিনা ছুটে এসে আমাকে জড়িয়ে ধরলে। সে ব্যাকুল হয়ে কাদ্ছিল। আমি তাকে বাহুবেষ্টনে আগলিয়ে ধরে অগ্রসর হতে লাগলাম, সে তখনো ভয়ে অভিভূত হয়ে থরথর করে কাপছিল, তার মুখে কথা সর্ছিল না, আমি ধরে না থাকলে সে হয়ত মাটিতে পড়ে যেত, তারদেহ এমনি শিথিল অবশ হয়ে পড়েছিল।

আমি তাকে সাহস দেবার জন্যে বললাম—ভয় কি? আমরা ত তোমার বাসার কাছে এসে পড়েছি।

আমার কথায় চেতনা পেয়ে সে এক ঝটকায় আপনাকে আমার বাহুবেষ্টন থেকে মুক্ত ক'রে দৃঢ় হয়ে দাঁড়িয়ে দৃশ্য স্বরে বললে—‘আপনাকে আর আমার সঙ্গে আস্তে হবে না।’ আমি বিরক্ত হয়ে বললাম—‘তবে আমাকে এতটা পথ টেনে নিয়ে এলে কেন?’ তারপরেই মিষ্ট ঘূর্ছ স্বরে সাম্রাজ্য দিয়ে বললাম—‘আমাকে বিশ্বাস কর, আমার কোনো কু-মতলব নেই, সব পুরুষ এক রকম নয়।’ আমি আমার অজ্ঞাতসারে তার হাত চেপে ধরলাম। সে তৎক্ষণাত্মে ছিনিয়ে নিয়ে বললে—‘আমাকে মাপ করুন, আপনাকে কষ্ট দিয়ে এতটা পথ অনর্থক ঘূরিয়ে আন্লাম; আমি মিনতি করছি, আপনি চলে যান, আমাকে ছেড়ে দিন।’

যমুনা পুলিনের জিবারিণী

একটু আগেই হজন বর্ষর পুরুষ তার উপর যে অত্যাচার করতে উচ্ছত হয়েছিল তাতেই ভয় পেয়ে সে আমাকেও আর বিশ্বাস করতে পারছে না বুঝতে পারলেও তার অবিশ্বাসে আমার মনে আঘাত লাগল। ফণীর দেওয়া টাকা ছটি নিয়ে তাকে দিতে যেতেই মনে পড়ল এই সামাজ্য সাহায্যে ওর কিট বা হবে? আমার কাছে যে নোটখানা ছিল, তাইতে মুড়ে টাকা ছটি পুলিনার হাতে দিলাম; পুলিনা নোটখানাকে মনে করলে কাগজ—তবু তাই নিতে তার হাত কেঁপে উঠল, তার গলা কেঁপে গেল, সে অস্পষ্ট মৃচ্ছ স্বরে আমাকে কৃতজ্ঞতা জানিয়ে কি বললে শুন্তে পেলাম না! সে চলে যাচ্ছিল, আমি তাকে ডেকে বললাম—‘আর একটা কথা; তোমার মা ভালো হয়ে উঠবেন, কিন্তু আরো কিছুদিন কিছু দরকার হতে পারে; রোজ রোজ পথে পথে কেরা তোমার সাজে না; তুমি যদি দয়া ক’রে হপ্তায় হপ্তায় এই বারে সন্ধ্যার সময় যমুনার পুলের ধারে আস, তাহলে আমি তোমার মায়ের তত্ত্ব জেনে যেতে পারি। কেমন আসবে? সে কি বলবে কিছুক্ষণ স্থির করতে পারছিল না। শেষে অনেক ভেবে বললে—‘আচ্ছা।’ আমি খুশী হয়ে আবার কি বলতে যাচ্ছিলাম। সে তা শোন্বার অপেক্ষা না ক’রে একটা গলির অঙ্ককারে মিলিয়ে গেল।

মুম ভেঙে সকাল বেলা উঠে মনে হ’ল রাত্রের সমস্ত ব্যাপারটা স্মরণ। কিন্তু ফলী এসে তার বন্ধুত্বসূলভ উপস্থিতি বিজ্ঞপ ক’রে আমার সকল সন্দেহ মোচন করলে। রাত্রের ঘটনা এমনি আরব্য উপন্থাস ঘৰ্ষণ যে সকল-কথায়-সন্দিহান আমার বন্ধুকে সে-সকল ব্যাপার বলতে আমার মন সরল না। আজকাল আমরা এত অতিরিক্ত সভ্য হয়ে উঠেছি যে পাছে লোকে বোকা হুর্বল ভাবে এই ভয়ে অসৎ

কাজের সফলতার মিথ্যা গব কর্তৃতেও আমাদের বাধে না। কাল
রাতে বে আমি নিষ্ফল হয়ে ফিরেছি এই লজ্জা বে শুধু ফণীর বিজ্ঞপ্তেই
আমাকে আচ্ছন্ন করেছিল তা নয়, আমার অন্তরেও কেমন একটা
ধিক্কার ধ্বনিত হচ্ছিল—হায় হায় ! একটি বার তার মুখখানাও দেখে
নিতে পারলাম না ! এই সাধুপনা, এই নিশ্চেষ্ট সংযমের ফল কি !
যাকে বারো-বারেটা টাকা অঙ্কেশে দিয়ে এলাম তার মুখখানা
দেখতে চাওয়ার অধিকার আমার বর্তেছিল বৈ কি। কিন্তু যখন আবার
সেই তরুণী ভিখারিণীর সমস্ত আচরণ মনে ক'রে দেখলাম যে সে কৌ
ত্ত্ব, তার সর্ব-কার্য কৌ মহিমাময়, তার কথা কৌ মার্জিত, তখন
আমার নিজের সংযমের ওপর রাগ অনেকটা কমে গেল। মাঝুরের
কণ্ঠস্বরে তার বংশ-শিক্ষা-সহবতের পরিচয় স্পষ্ট পাওয়া যায় ; এই
তরুণী ভিখারিণী তার মিষ্ট স্পষ্ট স্বল্পবাকে তার সৎ বংশ, সুশিক্ষা
আৱ ভবা সঙ্গের পরিচয় দিয়ে গেছে—সে কখনো নীচ শ্রেণীর
স্ত্রীলোক হতে পারে না। তার অতি সাধারণ মোটা অথচ পরিষ্কার-
পরিচ্ছন্ন পরিপাটি পোষাকে একেবারে আচ্ছন্ন-ক'রে-ঢাকা মৃত্তিখানি
সমস্ত দিন আমার মন জুড়ে রইল।

পরদিন আমার নির্বাচিতার জন্যে আমার নিজেকে ঢ়াতে ইচ্ছে
হতে লাগল—তার নাম জানি না, পরিচয় জানি না, ঠিকানা জানি না ;
সে যদি আবার নিজে দয়া ক'রে ঘূর্নার পুলের ধারে আসে তবে তার
দেখা পাব, আৱ তাৱ সেই সাত দিন পৰে। এই সাত-সাতটা দিনে
যে ১৬৮ ঘণ্টা, ১০ হাজার ৮০ মিনিট, ৬ লক্ষ ৪ হাজার ৮শ সেকেণ্ড !
আমি আসছে শুক্রবার পর্যন্ত নিমেষ গুণতে লাগলাম ; আমার মনে
হতে লাগল বিশ্বব্রহ্মাণ্ডে একমাত্র ধ্যেয় আরাধ্য বস্তু সেই ঘূর্না-
পুলিনের ভিখারিণী !

যমুনা-পুলীনের ভিধারিণী

অবশ্যে, অনেক অপেক্ষার পর, শুক্রবার এল। আমি কত রকম ছল ক'রে সঙ্ক্ষ্যাবেলায় ফণী ও অন্ত্যান্ত আলাপীদের কবল থেকে আমাকে মুক্ত ক'রে সেই অপরিচিতার সাক্ষাতের জন্যে রওনা হলাম। অবৈধের ব্যগ্রতায় জোরে হেঁটে অক্ষকার হৰার আগেই যমুনার পুলের কাছে গিয়ে পৌছলাম। তখনো সে আসেনি দেখে মন বিরস বিরস্ত হয়ে উঠল। অস্ত্র হয়ে চঞ্চল পদে ঠাণ্ডী সড়কে বেড়াতে লাগলাম। আমি মনে মনে সঙ্কল্প আটলাম যে আজ যেমন ক'রে হোক তার মুখ দেখতে হবে। মনে হতে লাগল আজ তার যথার্থ পরিচয় পাওয়া যাবে, তবু ঘরের ভজ মেয়ে কি না আজ ঠিক বোকা যাবে। হাজার বার ঘড়ি দেখার পর আটটা বাজল—আটটা'র সময় তার আস্বার কথা। আমি চক্ষু বিষ্ফারিত ক'রে তার আসার পথের দিকে চেয়ে রইলাম, সে-পথে একটি লোকেরও সমাগম নেই; সেই সবুজ ওড়নার আভাসও দূরে দূরান্তে দেখা যাচ্ছে না। অপেক্ষার মুহূর্তগুলি অনন্ত যন্ত্রণার। তেমনি কষ্টকর মুহূর্ত জুড়ে জুড়ে সাড়ে আটটা বেজে গেল। তখন আমার মন অধীর নিরাশ হয়ে পড়ছে, ভাবনা হচ্ছে ‘আচ্ছা বোকা ত’ আমি! বারো-বারোটা টাকা পেয়ে গেছে সে, আর কি সে এ পথ মাড়াবে! সে হয়ত এতক্ষণ আমার দয়ালুতার বোকামি নিয়ে কত হাসিই হাসছে।’ হঠাৎ পথের আলোর নীচে একটা সবুজ রং চলে আসতে দেখা গেল। বুকটা নেচে উঠল, নিঃশ্বাস উতলা হয়ে উঠল, শরীর বিম্বিম্ব ক'রে উঠল। আমি ছুটে চললাম—সেই, সেই ঐ!

হাত বাঢ়িয়ে আমি ঝুঁক্তি নিঃশ্বাসে বললাম—তুমি এসেছ? আমি মনে করেছিলাম তুমি আর এলে না।

সে আমার হাতের আগ্রহ থেকে নিজেকে সরিয়ে নিয়ে নমস্কার

করলে। মনে হ'ল আমার ব্যগ্রতায় তার সহয় ব্যধিত মুঝ হয়ে উঠেছে। সে ভাবগদ্গদ কোমল স্বরে বললে—আমি উপকারী বন্ধুকে শুধু কৃতজ্ঞতা জানাতে এসেছি, আজ আর তার সহয় দয়ার উপর জুলুম করতে আসিন। আপনি যে অমূল্য দান সেদিন দিয়েছেন তাই আমাদের আশাতীত। কঢ় মায়ের প্রার্থনা আর আশীর্বাদ, আর কৃতজ্ঞ মেয়ের আন্তরিক ধন্তবাদ আপনাকে জানিয়ে যেতে এসেছি !

আমি বললাম—ওসব কথা শুন্তে চাইনে। তোমার মা কেমন আছেন বল শুনি।

সে উৎফুল্ল হয়ে বললে—আশা হয়েছে, মন নিচ্ছে, তিনি এ ঘারে বেঁচে উঠবেন। ডাঙ্গার এখনো ঠিক কিছু বলতে পারছেন না, কিন্তু মাকে আমি শুধু পথ্য দিতে পেরেছি, তিনি একটু বল পেয়েছেন; জগতে এখনো দয়ালু ভালো লোক আছেন জেনে তার প্রাণে বল এসেছে। আপনিই আমার মাকে বাঁচালেন। আমরা আপনার দয়ায় চিরখণ্ণী !

আমি জিজ্ঞাসা করলাম—সেদিন তুমি বাড়ী গেলে তোমার মাকী বললেন ?

পুলিনা লজ্জিতা হয়ে বলতে লাগল—‘আমার দেরী দেখে মা বড় ভাবছিলেন, হাজার রকম বিপদের আশঙ্কা ক’রে আকুল হচ্ছিলেন—তিনি ত’ আমাকে সহজে একলা বাড়ীর বার হতে দিতে চান্নি। আমি তাকে সব ব’লে আঁচল খুলে দেখালাম আমি কি পেয়েছি—নোট আর টাকা ! দেখে তিনি অবাক হয়ে—’

পুলিনা আম্তা আম্তা ক’রে থেমে গেল, কথা শেষ করতে পারলে না।

ঘূন-পুলিনের ডিখাইশী

আমি বল্লাম—মা কিছু মন্দ ভেবেছিলেন বুঝি ?

পুলিনা সরলভাবে পরিষ্কার কথায় বললে—না, তিনি জানেন আমি ত' খারাপ নই, তিনি কিছু মন্দ ভাববেন কেন ? মা অবাক হয়ে থেকে বললেন—যে বাবুটি এত দিয়েছেন তিনি দেবতা !

আমি হেসে বল্লাম—মোটেই না। কিন্তু যা দিয়েছিলাম তাতে ক'দিন চলল, আর কি আছে ?

সে উৎফুল্ল হয়ে ব'লে উঠল—আছে, আছে, এখনো আছে। কিন্তু তার প্রফুল্লতা ছাপিয়ে একটা দীর্ঘনিঃশ্বাস পড়ল।

আমি সঠিক জানবার জন্যে জেদ ক'রে জিজ্ঞাসা করলাম—কিন্তু কত আছে ?

সে বললে—মায়ের ওষুধ পথ্য কিনেছি, এক মাসের ঘরভাড়া দিয়েছি, তবু এখনো কিছু আছে।

আহা ! এদের ব্যয় কত স্বল্প ! বারো টাকা থেকে ওষুধের দাম দিয়েছে, মায়ের পথ্য কিনেছে, এক মাসের ঘরভাড়া শুধেছে, সাতদিনের খোরাকী চলেছে, এবং তারপরও কিছু আছে !

আমি বল্লাম—আমি ঠিক জান্তে চাই, তোমার হাতে কত আছে ?

সে মনে আঘাত পেয়ে বিরক্ত হয়ে এক পা পিছিয়ে গিয়ে বল্লে—
দেখুন মশায়, আমি আপনার মন গলিয়ে টাকা আদায় করতে আসিনি।

আমি তার কাছে সরে গিয়ে নম্ব স্লেহার্ড স্বরে বল্লাম—তুমি
আমাকে ভুল বুঝছ। তোমার মন এখন অভিমানে এমন চড়া হয়ে
আছে যে তুমি একটুতেই অপমান বোধ করুচ। কিন্তু আমি বাস্তবিক
জান্তে চাই যে যখন তোমার হাতের শেষ পয়সাটিও খরচ হয়ে
যাবে, তখন কি আর কারো কাছে সাহায্য পাবার সম্ভাবনা আছে ?

সে ভয়ার্ত কোমল স্বরে বল্লে—না গো না, কিছু না।

—তবে! তোমার মায়ের অবস্থা মনে কর। আমার শক্তিতে যতটুকু কুশোয় আমাকে তাঁর সাহায্য করতে বাধা দিয়ো না।—এই ব'লে আমি তার দিকে হাত বাড়িয়ে দিলাম। সে একটু সরে দাঢ়িয়ে দুই হাত জোড় ক'রে নত মাথায় ঠেকিয়ে আমাকে প্রণাম করলে।

সে আমার অযাচিত দানের স্নিফ প্রস্তাবে একেবারে মুক্ষ অভিভূত হয়ে পড়েছিল, তাঁর আর কৃতজ্ঞতা প্রকাশের পথ সে পাওছিল না।

আমি সন্মেহে বল্লাম—তবে তুমি আমার সঙ্গে আমার বাসায় চল, তোমার মায়ের জন্যে আমি কিছু গরম কাপড়-চোপড় আর খাবার দেবো।

আমি তার হাত ধর্লাম ; সে হাত ছাড়িয়ে নিলে, কিন্তু আমার সঙ্গে নির্বাপভিত্তে চলল। তখন আমার অত্যন্ত খারাপ লাগতে লাগল যে এই তরুণী একজন অপরিচিত পুরুষের বাড়ীতে এত সহজে যেতে রাজি হ'ল। কিন্তু আমার মন খুশী ক'রে তুলে সে হঠাতে কেঁদে ফেলে ব'লে উঠল—না, না, আমি যেতে পারব না।

আমি আশ্র্য হয়ে জিজ্ঞাসা কর্লাম—অকস্মাত তোমার এ হ'ল কি?

সে তেমনি আবেগের সঙ্গেই আবার বল্লে—না না, আমি যাব না, আমি যেতে পারব না।

আমি কপট ক্রোধ প্রকাশ ক'রে বল্লাম—আঃ, তুমি একজন অস্ত্রলোককে এইটুকুও বিশ্বাস করতে পার না! তোমার মায়ের জন্যে, নইলে আমি এক্ষনি চলে যেতাম। তোমার আচরণ আমাকে আঘাত করছে, অপমান করছে।

বনুলা-পুলিমের ভিধারিণী

সে হই হাতে আমার হাত জড়িয়ে ধরে ব্যাকুল হয়ে ব'লে
উঠল—আমি আপনাকে কষ্ট দিলাম। ভগবান জানেন আমি
আপনাকে অপমান করতে পারি না। আমি গৱীব, আমি অঙ্গ,
আমি কথা বলতে জানি না, আমাকে ক্ষমা করুন। আপনি এমন
দয়াজু, আপনাকে কি আমি অপমান করতে পারি ?

তখন আমি তাকে একটু আকর্ষণ ক'রে বল্লাম—তবে চল।
রাত হয়ে যাচ্ছে, অনেকখানি পথ যেয়ে ফিরতে হবে।

সে অটল হয়ে দাঢ়িয়ে তেমনিভাবেই কাদতে কাদতে বল্লে—
না, না, আমি কিছুতেই যেতে পারব না।

আমি সাক্ষনা ও সাহস দেবার জন্যে বল্লাম—তোমার ভয় কাকে ?
এখানে তোমায় কেউ চেনে না, কেউ দেখবে না, তবে আপত্তি কিসে ?

সে মিনতি ক'রে বল্লে—দোহাই ভগবানের, আমি আপনাকে
মিনতি করছি, আমাকে ছেড়ে দিন, আমি যেতে পারব না, আমাকে
যেতে অনুরোধ করবেন না।

সে থরথর ক'রে কাপছিল। আমি তার মায়ের অবস্থা স্মরণ
করিয়ে আর একটু পীড়াপীড়ি করলে সে হয়ত আমার সঙ্গে অগত্যা
যেত, কিন্তু তার অবস্থা দেখে আমার দয়া হ'ল। আমি বল্লাম—
তবে কি হবে ? আমি ত' সঙ্গে বেশী কিছু আন্তে পারিনি।

সে অল্পক্ষণ চুপ ক'রে থেকে চোখের জল মুছে আপনাকে একটু
সামলে নিয়ে বল্লে—গৱীবের ওপর আপনার অসীম দয়া, তাই
একটো অনুরোধ করতে সাহস করছি—আমাদের আপ্ত বন্ধু আর
কেউ নেই !

তার মিনতিতে ব্যথিত হয়ে বল্লাম—কি বল্বে বল, আমাকে
তোমাদের বন্ধু ক'রে নাও।

সে কৃষ্টিত হয়ে বললে—আমাকে যদি খানিকটা লংকুধ কিনে
এনে ঢান, তাহলে আমি ঝমাল তৈরী ক'রে বেচতে পারি।

আমি খুশী হয়ে বল্লাম—বেশ, আমি কালই এনে দেবো।

সে আঁচল থেকে খুলে একটি আমার টাকা আমার হাতে দিতে
এল।

আমি বল্লাম—টাকা ! টাকা কি করুব ?

সে কৃষ্টিত হয়ে বললে—কাপড়ের দাম, এ আপনারই দেওয়া
টাকা।

আমি ব্যথিত বিরক্ত মুঝ হয়ে বল্লাম—ও টাকা তোমার কাছে
থাক, আমি কিনে এনে দেব।

সে অধিকতর কৃষ্টিত হয়ে মিনতি ক'রে বললে—আপনার দয়া
অসীম, কিন্তু আমাদের নেবার ক্ষমতা অল্প। আপনাকে এই টাকাটি
নিতে হবে।

আমি অত্যন্ত প্রীত হয়ে তার সেই অতি-ছঃখের টাকাটি গ্রহণ
কর্লাম। জিজ্ঞাসা করলাম—তোমার মায়ের ওমুধ পথ্য চলবে
কিসে ?

সে ঘৃহ স্বরে বললে—আপনি যদি কাল কাপড় কিনে এনে দ্যান,
পরঙ্গই ঝমাল হয়ে যাবে। তরঙ্গ আপনি দয়া ক'রে কোনো
দোকানে বেচে এনে দিতে পারবেন কি ? তাহলে এ তিনি দিন
কোন রকমে চলে যাবে।

আমি জিজ্ঞাসা করলাম—তারপর ?

—তারপর ? ঝমাল বেচে যে লাভ হবে তাই দিয়ে আবার
খানিকটা কাপড় কিনে এনে দেবেন। এমনি ক'রে একদিন
অন্তর এক ডজন ঝমাল বেচতে পারব। মা ভালো হয়ে উঠলে

যমুনা-পুলিনের ভিধারিণী

আহুরা হৃজনে মিলে থাটিতে পারব, তখন আর কোনো ভাবনা থাকবে না।

এই দারুণ দৈন্যদশাতেও তার আত্মনির্ভরতা আর আত্মসম্মান-বোধ আমাকে মুঝ ক'রে ফেললে। আমি আমার পকেট থেকে সুতোর ফুলে আমার নাম লেখা একখানা খুব ভালো কাজ-করা ঝুমাল বার ক'রে বললাম—এমন ঝুমাল তৈরী করতে পার?

সে ব্যগ্র হয়ে ঝুমালখানি হাতে ক'রে নিয়ে রাস্তার লংঠনের আলোর নীচে ধরে দেখে বললে—এর চেয়ে ভালো পারি। এটা কি আপনার নামের আদ্য অঙ্কর?

আমি হেসে বললাম—হ্যা, আমার নাম বিমল। আমার ঝুমাল ফুরিয়ে গেছে; এমন ঝুমাল কলকাতা ছাড়া পাওয়া যায় না; তুমি আমাকেই খানকতক ঝুমাল আগে তৈরী ক'রে দেবে, নমুনাটা তোমার কাছেই থাকুক।

সে খুশী হয়ে ছাই হাতে সেই ঝুমালখানি ধরে মাথায় ঠেকিয়ে নমস্কার ক'রে বিদায় নিতে উঞ্চত হ'ল। আমি তার হাত ধরে থামিয়ে বললাম—তোমাকে আমার জন্যে আর একটু কাজ করতে হবে।

সে আনন্দিত হয়ে বললে—আপনার কোনো কাজ করতে পেলে আমি ধন্য হব। বলুন, কি করতে হবে!

আমি হেসে বললাম—কাঁকি দিয়ে ত' আমার নামটি তুমি জেনে নিয়েছ, এখন তোমার নামটি বল। আমার এই যমুনা-পুলিনের ভিধারিণীটিকে আমি কি ব'লে ডাকব?

সে খুশীর দ্বিধায় চঞ্চল হয়ে উঠে বললে—আপনি আমাকে যে নাম দিলেন তার চেয়ে মিষ্টি নাম আমার মা আমাকে দিতে পারেননি। আমি আপনার কাছে ‘যমুনা-পুলিনের ভিধারিণী’ হয়েই থাকব।

আমি সঙ্কোচের সহিত মৃছ স্বরে বললাম—নাম ত' বললে না,
তবে রাহুর মতন তোমার ঐ ঘোমটাটি মোচন ক'রে তোমার
মুখখানি একটিবার আমায় দেখতে দাও ! তোমার মুখের হাসির
আগুন সাঙ্গী ক'রে আমাদের বন্ধুত্ব পাকা হোক ! আজকের সন্ধ্যাটি
শ্বরণীয় হোক ।

আমি তার ঘোমটা খুলে দিতে গেলাম । সে আমার বিস্তারিত
ব্যাপ্তি হাত এড়িয়ে ঘোমটা চেপে ধরে সরে দাঢ়াল । সে যেন নিজের
ইচ্ছার উপর জোর ক'রে ইচ্ছাকে দাবিয়ে রেখে বললে—আপনার
দয়ার বাঁধনেই আমাদের বন্ধুত্ব পাকা হয়ে গেছে ; আপনার
অহেতুকী দয়া আজকের সন্ধ্যাটিকে চিরশ্বরণীয় ক'রে রাখবে ।
আপনার একটি অনুরোধও আমি রাখতে পারলাম না ব'লে ছঃখিত
হচ্ছি ; যে দয়া আপনার হস্তের অধিষ্ঠাত্রী, তিনিই আপনাকে এই
অক্ষমাকে ক্ষমা করতে বলবেন । মা আমাকে ঘোমটা খুলতে দিয়ি
দিয়ে বারণ করেছেন । আমার মুখ দেখবার মতন নয় । কালো
কুঁসিত । আপনি দেখতে চাইবেন না ।

তার এই মধুর বচনবিদ্যাস, ইচ্ছাগর্ভ অনিচ্ছা, তার এই তঙ্গুর
বাধা আমার মনকে পাগল ক'রে তুললে । সত্যই যে মেয়ে কুঁসিত
সে কখনো এমন ক'রে নিজের কদর্যতা বর্ণনা করতে পারত না ।
আমি ক্ষিপ্তের মত তার ঘোমটা ধরতে গেলাম । সে ফস্ক'রে পাশ
কাটিয়ে চক্ষে প্রজাপতির মত ওড়না উড়িয়ে হাওয়ার ওপর দিয়ে
যেন ভেসে চলে গেল—দূর থেকে ব'লে গেল—কাল আসবেন ।

আমি আবার স্তম্ভিত হয়ে দাঢ়িয়ে রইলাম । আমার সর্বাঙ্গে
তখন রক্তকণার ঝুঁমুঁমি বাজছে ! সে পঞ্চাশ কদম এগিয়ে গিয়ে
ঘাড় ঘুরিয়ে আমায় দেখলে । আমি নিষ্পন্দ হয়ে দাঢ়িয়ে রয়েছি

যমুনা-পুলিনের ভিখারিণী

দেখে সে হাত নেড়ে ব'লে গেল—যান যান, রাত হ'ল বাড়ী যান ;
কাল সন্ধ্যাবেলা আসবেন।

সমস্ত রাতদিন আমি তারই ভাবনা ভাবতে লাগলাম—সে কোন্
শ্বেণীর লোক ? যতই তার সুশিক্ষিত মহিলার শ্বায় কথাবার্তা, ভজ
ঘরণীর মত চাল-চলন মনে পড়তে লাগল ততই তাকে বড় ঘরের
লেখাপড়া-জানা মেয়ে ব'লে ধারণা বন্ধুল হতে লাগল। অন্তত তার
বংশের পরিচয়টাও জানতে হবে, এ সন্ধল দৃঢ় করলাম ; এবার তার
ঘোষণার মত এ পরিচয়টিও অনুদ্ঘাটিত থাকতে দেব না।

সন্ধ্যা হয়ে এল। তোমার মনে থাকতে পারে ফণী, সেদিন
আমরা আলফ্রেড পাকে বেড়াতে পিয়েছিলাম। আমি ফেরবার
জন্মে উত্তমা হয়ে উঠলাম ; তুমি কিছুতেই তখন ফিরবে না। আমি
যত জেদ করি তোমার গো তত বেড়ে গেল ; তুমি কিছুতেই
এলে না, আমি তোমার তিরক্ষার শুন্তে শুন্তে একলাই চলে এলাম—
তুমি মনে করেছিলে আমি পড়ব ব'লে তাড়াতাড়ি বাড়ী ফিরছি, তাই
তুমি আমাকে ভালো ছেলে, বুক-ওয়ার্ম ব'লে ঠাট্টা করতে লাগলে,
আমি মনে মনে হাস্তে হাস্তে চলে গেলাম—পড়তে নয়, সেই
আমার যমুনা-পুলিনের ভিখারিণীর সঙ্গে দেখা করতে। সে যেন
আমাকে নেশার মত আকর্ষণ করছিল। সে আমাকে কাপড়
কিনতে একটা টাকা দিয়েছিল ; আমি চক্ক থেকে পাঁচ টাকার কাপড়
কিনে নিলাম। আজ সে আমার ঘাবার আগেষ্ঠ এসে দাঢ়িয়েছিল।
আমি আসিনি দেখে সে ব্যস্ত হয়ে উঠেছিল ; আমাকে আসতে
দেখেই ছেলেমানুষের মতন উল্লসিত হয়ে উঠল ; সে আনন্দে অন্গল
বকে যেতে লাগল ; যেন আমি তার কত আপনার, কত দিনের
পুরাতন পরিচিত বন্ধু।

আমি তার মায়ের কথা জিজ্ঞাসা করলাম। তিনি ভালোর দিকে ঘাচ্ছেন না বটে, কিন্তু অবস্থা আর খারাপও হয়নি, থমথমে হয়ে আছে। তাতেই তার কত আনন্দ! আশায় তার মন ভরে উঠেছে! এবার আর মায়ের গুষ্ঠ-পথের অভাব ঘটবে না!

ওর মায়ের কথার প্রসঙ্গে আমি ওদের বংশের পরিচয় জিজ্ঞাসা করলাম। সে বললে তার বাপ জমিদার ছিলেন। কিন্তু মিতাচারী ছিলেন না। মা দুর্দশায় পড়ে কিছুদিন জিনিসপত্র বেচে সংসার চালিয়েছিলেন; তারপর কায়ক্রেশে সংসার চলছিল। তার মা তাকে লেখাপড়া, শিল্পবয়ন, গানবাজনা, ছবি-আঁকা, অনেক বিষ্টা শিখিয়েছেন, তাইতে সেও মাকে যথাসাধ্য সাহায্য করতে পারত। কিন্তু চুখে দারিদ্র্যে মায়ের শরীর ভেঙে পড়তে তার মা ত' উপার্জন করতে পারেনই না, সেও মায়ের সেবার পর আর বেশী সময় পায় না। অনশ্বনে ঘৃত্য ভির আর কোনো উপায় তাদের ছিল না। এমন সময় আমার দেখা ইত্যাদি।

আমি বললাম—তোমার মা তোমায় নানা বিষ্টা শিখিয়েছেন, যেটুকু সময় পাও তা দিয়ে ত' তুমি উপার্জন করতে পার।

সে বললে—হঁ, কোনো ভজ্জবরের মেয়েদের শেখাবার কাজ নিলে রোজগার হয় বটে; কিন্তু আমার বয়স অল্প-ব'লে মা বেশীক্ষণ কাছে ছাড়া করতে চান না; মায়ের যে রকম অসুখ তাতে তাঁকে ছেড়ে থাকা ও আমার সন্তুষ্য নয়। আর কেই বা সন্ধান ক'রে আমাকে চাকরী জুটিয়ে দেবে? এমন নির্বাঙ্কব অবস্থা আমাদের চিরকাল ছিল না।

সে কেঁদে ফেললে। আমি তাকে সাস্তনা দিতে গিয়ে তার ঘোমটা খোলবার চেষ্টা করলাম। সে ঘোমটা চেপে ধরে পাশ কাটিয়ে

বন্ধু-পুলিনের ভিধারিণী

সরে আড়াল। আজকেও তার মুখ দেখতে পেলাম না। সে মিনতি ক'রে আমায় তাকে ঘোষ্টা খুলতে অনুরোধ করতে বারণ করলে।

আজ থেকে আমাদের রোজই দেখা হতে লাগল। সে ঝুমাল ক'রে এনে দেয়, আমি সেগুলি নিজেই নিয়ে ঝুমালের দামের দ্বিগুণ টাকা তাকে দিয়ে আসি—কতক টাকায় কাপড় কিনে নিয়ে যাই, কতক দিন খরচের জন্যে নগদ দিই।

সে অবাক হয়ে রোজই সন্দেহ করে—ঝুমাল এত দামে কেমন ক'রে বিক্রায় ; লাভের অন্ন টাকায় অত্থানি কাপড় কেমন ক'রে মিলতে পারে ! আমি ঝুমাল বেচার আড়াল দিয়ে তাকে বেশী বেশী টাকা দিচ্ছি ব'লে সে আমাকে তিরস্কার করে, আমার কাছ থেকে টাকা নিতে অস্বীকার করে। আমি তাকে বুঝিয়ে দিই যে আমিও প্রায় তাদের মত গরীব লোক, তাতে ছাত্রাবস্থা, অত সন্তা টাকা আমার নয়। অমন স্বন্দর ঝুমাল মহার্ঘ হবারই ত' কথা !

আমার ঝুমাল দেখে ফণীরও সখ হ'ল ঐ রকম ঝুমাল কিনবে। সে আমার সঙ্গে চকে যেতে উদ্ধত। আমি অনেক কষ্টে শকে নিরস্ত ক'রে বললাম যে আমি একদিন কিনে এনে দেবো, এ তৈরি পাওয়া যায় না, ফরমাস দিয়ে তৈরি করাতে হয়। পুলিনাকে সেদিন রেশমী কাপড় দিয়ে ফণীর নাম-লেখা ঝুমাল তৈরি ক'রে দিতে অনুরোধ করলাম। অপরের ফরমাস পেয়ে পুলিনা খুশী হয়ে উঠল—যাক, তা হলে রোজ রোজ আমিই শুধু তার ঝুমাল কিনে ক্ষতিগ্রস্ত হব না !

ফণী ত' সে ঝুমাল দেখে মহাখুশী। তারপর থেকে তার আর ফরমাসের অন্ত রইল না ; রেশমী গলাবন্ধ, নেকটাই, টাকা পয়সা রাখবার থলি, টুপি, দস্তানা, মোজা, রেশমের চেন, বালিসের ওয়াডে

কাঙ্কার্য, বিছানার চাদরের কাঙ্কার্য, বিছানা-চাকা সুজনি, পাতুকে, জাজিম, টেবিলক্ষ্ম, পরদা, যা-না-তা যত রাজ্যের জিনিস তার দরকার হয়ে উঠল। আমি পুলিনাকে দিয়ে সেই সব তৈরি করিয়ে করিয়ে ফণীর কাছে চতুর্গ দামে বেচতাম। কে এমন নিপুণ শিল্পী ওস্তাদ কারিগর জিজ্ঞাসা করলে বলতাম সে একটা বুড়ো মুসলমান খলিফা ! তার ইয়া পাকা দাঢ়ি ! বুড়ো মুসলমান খলিফার বর্ণনা শুনে ফণী আর কখনো তাকে দেখতে যেতে চাইত না।

ফণী বিমলের বর্ণনায় বাধা দিয়া হাসিয়া বলিয়া উঠিল—উঃ ! কি জোচোর তুমি ! পাছে তোমার ঘূনা-পুলিনের ভিখারিণীকে দেখতে চাই ব'লে বন্ধুর সঙ্গে প্রবণনা করেছিলে। আমার সে সব জিনিস এখনও আছে। যুথি সে সব দেখে জিজ্ঞাসা করছিল, আমি কোথায় পেলাম। আমি কি জানি ছাই, যে তুমি অমন মিথ্যাবাদী ? আমি ওকে বলে দিলাম এলাহাবাদে একটা বুড়ো খলিফার তৈরি। আরে ছ্যাঃ ! বলতে হয় যে তরুণীর হাতের তৈরি ; তাহলে যত্ন ক'রে রাখতাম ! এখন আর যত্ন করবার জো নেই, যুথিকা ঠাকুরণের অমনি ঠোঁট ফুলবে !

সকলে যুথিকার দিকে চাহিয়া হো হো করিয়া হাসিয়া উঠিল। যুথিকা একবার করুণ কাতর দৃষ্টিতে বিমলের মুখের দিকে চাহিয়া লজ্জিত বিবর্ণ বিষণ্ন মুখ নত করিল।

বিমল বলিতে লাগিল—এখন থেকে পুলিনাকে দেখা যেমন আমার নেশা হয়ে পড়ল, আমাকে দেখতে আসাও তার তেমনি নেশা হয়ে পড়ল। আমি তাকে যতই শ্রদ্ধা, সন্তুষ্ম, স্নেহ দেখাতে লাগলাম, সেও তত আমার কাছে সহজ সরলভাবে তার মন খুলতে লাগল—কিন্তু মুখ খুললে না একদিনও ! সে একদিন অকপটে শ্বীকার করলে

বনু-পুলিবের তিখারিণী

যে আমাদের মিলন-সঙ্গ্যাটির দিকে সে ব্যগ্রমনে সমস্ত দিন তাকিয়ে
থাকে ; অচুক্ষণ আমার কথাই তার অ্বরণ হয় । হায় ! আমারও
যে সেই দশা !

আমাদের এগজামিনের সময় নিকট হয়ে এল, এবার কলকাতায়
ফিরতে হবে । আমার মন ভেঙে পড়তে লাগল । উৎসাহ কমে
আসতে লাগল, আমার হৃদয়লঙ্ঘীকে ছেড়ে সরস্বতীর আরাধনা তুচ্ছ
মনে হতে লাগল । এক একবার মনে হতে লাগল চুলোয় যাক
এগজামিন, আমি প্রয়াগ ছেড়ে কোথাও যাব না । ফণীকে বললাম
যে, এবার আমার ভালো তৈরি হয়নি, এগজামিন এবার দোবো না ।
যে বরাবর বিশ্ববিদ্যালয়ে প্রথম হয়ে এসেছে, তার এই ওজর ফণী
হেসেই উড়িয়ে দিলে ।

ফণী হাসিয়া বলিল—আমি তোমার সতীর্থ হলেও আমি তোমার
ছাত্র ছিলাম ; রোজ যখন তোমার সঙ্গে পড়তাম তখন ত' দেখতাম
কী গভীর, কত বিস্তৃত তোমার জ্ঞান,—তোমার ধোঢ়া ওজরকে
আমায় ডিঙিয়ে চলে যেতে দেবো কেন ? তারপর ? তোমাকে ত'
আমি জোর ক'রে টেনে কলকাতায় নিয়ে গেলাম, তোমার হঠাৎ
এমন নিষ্কেষ্টতা এল যে তোমার বাস্তে জিনিস ভরা, বিছানা বাঁধা সব
আমাকেই তখন করতে হয়েছিল । এতদিনে এখন তার কারণটা
টের পাওয়া গেল । একটা ভিখারী মেয়ের প্রেমে নিজের ভবিষ্যৎ
মাটি করতে বসা !

বিমল ফণীর কথায় কান না দিয়া দীর্ঘনিঃশ্বাস ফেলিয়া বলিতে
লাগিল—যাবার তিন দিন আগে আমি পুলিনাকে কলকাতা যাবার
কথা বললাম । সে চমকিত হয়ে, স্তম্ভিত হয়ে গেল, তারপর একে-
বারে কান্নার ঝড়ে ভেঙে পড়ল । আমি বললাম, যাবার আগে আমি

একবার তোমার মাকে প্রগাম ক'রে যেতে চাই। তাকে অনুমতি দিতে অনুরোধ জানিয়ো।

সে স্বীকার ক'রে গেল। পরদিন সে থবর দিলে—মা বললেন তার স্বাস্থ্যের বর্তমান অবস্থায় তার সঙ্গে সাক্ষাৎ হলে তার যে বিক্ষেপ হবে তা সহ করা তার পক্ষে কঠিন হতে পারে; এইজন্যে সাক্ষাতের বাসনা পরিত্যাগ করতেই তিনি আপনাকে অনুরোধ করেছেন।

আমি দিনের বেলা পুলিনাকে তার মায়ের পাশে বাড়ীতে ঘোমটা-খোলা অবস্থায় দেখতে পাবার আশাতেই তার মাকে দেখতে যাবার প্রস্তাৱ করেছিলাম, তাই আমি আবার তাকে অনুমতি চাইতে অনুরোধ করলাম। সে রাজি হয়ে গেল। আৱ ব'লে গেল, তাৰ ঘোমটা মোচন ক'রে আমাকে দেখা দেবাৰ অনুমতিৰ জন্যে জোৱা ক'রে জেদ ক'রে তাৰ মাকে সে ধৰে বসবে।

আজ আমাদেৱ মিলনেৱ শেষ দিন, বিদায় নেবাৱ শেষ মিলন ! এই দিনটি আমাৰ মৰ্মে মুক্তি হয়ে আছে। সন্ধ্যাবেলা তাৰ দেখা পেয়েই প্ৰথম গুশ্ব কৱলাম—মায়েৱ অনুমতি পেয়েছ ?

সে ধীৱে ধীৱে অগ্ৰসৱ হয়ে ল্যাম্প-পোষ্ট থেকে দূৱে একটা ছায়ানিবিড় নিমগাছেৱ অঙ্ককাৱ তলায় দাঁড়িয়ে অঞ্চলতে ভাৱি স্বৱে শুধু বললে—হ্যাঁ ! তাৱপৱ সে নিজেৱ হাতে ঘোমটা খুলে ফেললে। একি তাৱ অসম্পূৰ্ণ দান ! মুখ যদি খুললে তবে অঙ্ককাৱ রাত্ৰিৰ ঘন-পল্লব নিমগাছেৱ নিবিড় ছায়াৱ ঘোমটাৱ তলে কেন ? এ তাৱ মায়েৱ উপদেশ—এ তাৱই অসম্পূৰ্ণ অনুমতিৰ কৌশল ! পথেৱ লণ্ঠনেৱ আলো পত্ৰপুঞ্জেৱ কাঁক দিয়ে একটি কীণ রশ্মি পাঠিয়ে শুধু তাৱ চিবুকটিকে ঈষৎ আলোকিত কৱেছিল। সে কী শৰ, কী নিটোল,

যমুনা-পুলিনের ভিধারিণী

কৌশল ! চিবুকের মাঝখানের টোলটি, অধরের নীচের ধাঁজটি কি
স্মসমঞ্জস তরঙ্গিত রেখায় ফুঠে উঠেছিল ! সেই ক্ষীণ আলোকের শৈবৎ^১
আভায় তার মুখের ঘতটুকু আভাস পেলাম তাতেই আমার মন
ভাবনাসের মাধুর্যে ও আনন্দে পরিপূর্ণ হয়ে উঠল ; সেই ঢাঢ়া-ছোলা
টিকলো নাকটি, লজ্জার হাসিমাথা পাতলা ঠোঁট দুখানি, গোলাপের
পাপড়ির মতন গাল ছটি, আর শাখের মতন শুভ্র বর্তুল গ্রীবাটি,
সেই তন্তীর ললিত-লাবণ্যভরা হিল্লোলময় দীর্ঘ ঝজু তমুরই উপযুক্ত !
আমি মুঝ অবাক হয়ে সেই অঙ্ককারের মাণিকের দিকে চেয়ে
রইলাম—উদ্বাম ইচ্ছা হচ্ছিল ওকে টেনে লঠনের কাছে নিয়ে যাই।
লজ্জায় বাধল। যেটুকু পেয়েছি পাছে তাও হারাই সে ভয়ও হ'ল।
অবাক অপলক দাঢ়িয়ে দেখতে লাগলাম !

সে লজ্জা-স্মৃথে-জড়িত ঘৃঙ্খল মর্মের স্বরে বললে, তোমার পায়ে পড়ি,
রাগ কোরো না। মা কিছুতেই অহুমতি দিছিলেন না, আমার কান্না
দেখে মা এই সর্তে রাজি হলেন। আমার প্রথমে বড় রাগ হচ্ছিল,
কিন্তু মা যে যুক্তি দিলেন তাতে আমি বুঝলাম যে তিনি ঠিকই
বলেছেন।

পুলিনা আজ আমাকে আপনা হতেই তুমি ব'লে সঁশ্বেধন করলে।
আমি খুশী হয়ে জিজ্ঞাসা করলাম—তোমার মায়ের যুক্তিটা কি
গুন্তে পাই ?

সে ব্যাকুল বিষণ্ণ কাতর স্বরে বললে—তুমি আমাদের চিরস্মরণীয়।
কিন্তু একটা ভিধারী মেয়ের কথা তোমার কদিনই বা মনে থাকবে ?
আর কথনো তোমার সঙ্গে দেখা হবে না, যদি বা হয়, আমায়
তোমার চিন্তে পারা উচিত হবে না !

আমি ব্যথিত হাসি হেসে বললাম—তুমি কি মনে কর তোমার

মুখ স্পষ্ট দেখতে পাইনি ব'লে আমি তোমায় চিনতে পারব না ?
তোমার হাত-পা, দেহের গড়ন, চলা-বলা, সব যে আমার মর্মে মর্মে
গেঁথে গেছে, শুধু মুখ না দেখলেই চিনতে পারব না ?

সে বললে—মা ত' বললেন যে মুখ না দেখলে লোককে চেনা
যায় না ।

আমি আত্মবিস্মৃত হয়ে ব'লে ফেললাম—তবে তোমার মা প্রেমের
মর্ম জানেন না ; প্রেম ত' চোখ দিয়ে দোখে না, প্রেম যে প্রাণ মেলে
দেখে ! প্রাণের পরিচয়—সে যে অঙ্কের দৃষ্টির মতন, না দেখেও সব
দেখতে পায়, সে যে সর্বাঙ্গ দিয়ে অমুভব করে, সে কি শুধু চোখের
ওপর নির্ভর ক'রে চুপ ক'রে থাকে ? তোমাকে আমি যেখানে ঘটটুকু
দেখতে পাব, তাতেই চিনতে পারব ।

এই কথা শুনে সে কেঁদে ফেললে । আমার হাত চেপে ধরে
বললে—না না, আমার মত একজন সামান্য ভিখারিণীর সঙ্গে
তোমার পরিচয় থেকে কাজ নেই । আর আমাদের দেখা হবে না !

আমি তাকে বুকে টেনে নিলাম । সে স্বর্থে-হৃৎসের ভারে
অভিভূত হয়ে নেতিয়ে পড়ল, তার তন্তী দেহখানি বসন্ত-সমীরণের
স্পর্শে বেতস লতার মত থরথর ক'রে কাঁপতে লাগল । আজ সে
আমার বাহপাশ এড়িয়ে পালাবার চেষ্টা করলে না । আমি জিজ্ঞাসা
করলাম—আর দেখা হবে না কেন ভাবছ ? এগজামিন হয়ে গেলেই
আমি তোমার কাছে ছুটে আসব ।

মন্ত্রে হ'ল সে যেন অশ্রুজলে গলে নিঃশেষে বিলুপ্ত হয়ে যাবে ।
সে ক্রিন্দনকল্পিত কঢ়ে বললে—আমার কেমন বনে নিচ্ছে, এই
শেষ ! এই শেষ ! আমার মা আর বেশী দিন বাঁচবেন না । মা মারা
গেলে আমি কোথায় দাঢ়াব ? আর যদিই বা মা বেঁচেই থাকেন

বন্ধু-পুলিনের ভিখারিণী

তোমার মনে আমার মতন ভিখারিণীর কথা কদিনই বা বেঁচে
থাকবে ?

তার নিরাশা-কাতর মর্মবেদন। আমারও মর্ম স্পর্শ করেছিল।
আমি শপথ ক'রে তাকে আশ্বাস দিলাম যে জীবনে কখনো আমি
তাকে ভুলব না। আমি হিসাব ক'রে ওকে বললাম যে অমুক দিনে
আমার এগজামিন শেষ হবে ; সেই রাত্রেই আমি রান্না হয়ে চলে
আসব, তার পরদিন ঘেন সে এখানে আমার জন্যে অপেক্ষা করে।
আমার আঙুল থেকে আংটি খুলে তার আঙুলে পরিয়ে দিয়ে বললাম,
এই আমার অঙ্গীকার রইল। তুমি সেদিন আসতে ভুলো না ঘেন।

সে তার অঙ্গপ্রাবিত মুখখানি আমার মুখের দিকে তুলে বললে—
তোমাকে আমি কেমন ক'রে ভুলব ? আমি আসব, যতদিন বেঁচে
থাকব রোজ আসব ; কিন্তু তোমার সঙ্গে আমার দেখা এই—এই
শেষ !

আমি আর আপনাকে সম্মুখ করতে না পেরে তার অধরে একটি
প্রগাঢ় চুম্বন করলাম। তার সর্বাঙ্গ স্মৃথির হিল্লোলে কেঁপে উঠল,
কিন্তু সে অত্যন্ত লজ্জিত কৃষ্টিত সঙ্কুচিত হয়ে আমার বুকের মধ্যে ঘেন
নিজেকে লুকোতে চাইলে। আমি তার হাতে বটুয়া ক'রে একশ^{টাকা} দিলাম। সে অবাক হয়ে আমার মুখের দিকে চেয়ে আমার
বুকের ভিতর আরো সরে এল।

তারপর সে আস্তে আস্তে সরে দাঢ়াল। আমি বললাম—এখন
আসি !

বিদায়-মুহূর্তে সেই ভৌরুকেও সাহসী ক'রে তুললে, সে ছুটে এসে
ছই হাত দিয়ে আমায় জড়িয়ে ধরে পরম আবেগে আমাকে একটি
চুম্বন করলে। আমি আবার তাকে জড়িয়ে ধরতে গেলাম। সে

আমার বাহপাশ এড়িয়ে ভীকু পাথীর মত ছুটে অঙ্ককারে মিলিয়ে
গেল। দূর থেকে শুধু তার কান্না-ভাঙা কথা শুনতে পেলাম—এই
শেষ বঙ্গু, এই আমাদের শেষ !

সেই আমাদের শেষ। এগজামিন দিয়ে ফিরে গিয়ে তাকে কত
খুঁজলাম, তাকে আর দেখতে পেলাম না ; যমুনা-পুলিনের ভিধারিণীর
সংবাদ কেউ আমাকে দিতে পারলে না। সেই অবধি আমি তারই
সন্ধানে দেশে ঘুরে মরছি।

বিমলের কাহিনীর মধ্যে এমন একটি অকপট সত্য ব্যথা প্রকাশ
পাইয়াছিল যে সকল শ্রোতার মনেই তাহার স্পর্শ লাগিয়াছিল—
বিশেষ করিয়া মেয়েদের। অমরের স্ত্রী ও ভগিনী অঞ্চলে অক্ষমার্জন
করিতেছিল, আর যুথিকা ত' ফুলিয়া ফুলিয়া কাঁদিতেছিল। উৎসবের
এ কৌ করণ অবসান !

কেবল ফণীর মনে বেদনার ছায়া পড়ে নাই। সে হো হো করিয়া
হাসিয়া উঠিয়া বলিল—ভাগ্য-ভাগ্য ডাইনির হাত থেকে বেঁচে গেছ
দাদা ! Thank your stars, you lucky dog ! তুমি চিরকাল
ধৃত আমি জানি। মুখে মুখে কল্পনায় আচ্ছা উপন্থাস বানিয়ে
শোনালে। বোকা মেয়েগুলোর রকম দেখ না ! কেউ চোখ মুছছেন,
কেউ নাক ঝাড়ছেন, আর যুথিকা ত' রীতিমত ভেউভেউ করছে—
যেন সে সত্ত্ব বিধবা হয়েছে ! সাবাস তোমার কল্পনা আর কবিতাকে
ভাই ! এ নিশ্চয় তুমি কোনো ইংরিজি নভেল থেকে না-ব'লে গ্রহণ
করেছ !

বিমল মর্মাহত বিরক্ত হইয়া বলিল—ফণী, জেনো, আমি সত্য
ছাড়া বলিনে। এ সত্য !

ফণী বিজ্ঞের অবিশ্বাসের হাসি হাসিয়া বলিল—ঈশ্বর করুন এ

বনুমা-পুলিবের ভিত্তারিণী

যেমন সেই এলাহাবাদের বুড়ো মুসলমান খলিকার মত সত্য হয়। তবে সত্য একটু আছে বৈকি—নিত্য তুমি ছুঁড়ির বাড়ী যেতে এটা ঠিক; তাই থেকে এই উপন্যাসটি খাড়া করেছ। রচনা খাসা হয়েছে—এ আমাকে মানতেই হবে।

বিমল রাগে লাল হইয়া উঠিল। তাহাতে আবার যখন দেখিল যে ঘূর্থিকা তাহার স্বামীর দিকে অপলক দৃষ্টিতে তাকাইয়া আছে। বিমলের মনে হইল, ঘূর্থিকাও তাহার স্বামীর কথা বিশ্বাস করিয়া তাহাকে বুঝি অবিশ্বাস করিতেছে। সে নিজেকে নারীসমাজে হেয় হইতে দেখিয়া জলিয়া উঠিয়া বলিল—ফণী, আমার কথার একবর্ণও মিথ্যা নয়।

ফণী হাতের উপর হাত চাপড়াইয়া বলিয়া উঠিল—তাহলে ত' আরো আফশোষের কথা! ছবল দয়ায় শ' ছই টাকা অপাত্রে দিয়ে দিলে, আর তার বদলে পেলে কি ছাই! এমন বোকাও মান্দুবে হয়?

এই বিদ্রূপাত্মক মমতা শুনিয়া অমর ও তাহার ভগ্নীপতি হাসিয়া উঠিল। বিমল বিরক্ত হইয়া সেখান হইতে চলিয়া যাইবে বলিয়া উঠিয়া পড়িল; এমন সময় এক অঙ্গুত বিপদ উপস্থিত। বিমলকে উঠিয়া চলিয়া যাইতে উচ্চত দেখিয়া ঘূর্থিকাও মড়ার মত ফ্যাকাসে মুখে কাপিতে কাপিতে উঠিয়া দাঢ়াইল এবং তাহার স্বামীকে কি যেন বলিতে গিয়া সে একেবারে অভিভূত হইয়া মূর্ছিত হইয়া পড়িয়া গেল।

সকলেই তয় পাইয়া লাফাইয়া উঠিল; সকলে একসঙ্গে ছড়াছড়ি করিয়া তাহাকে তুলিতে গেল; অমরের স্ত্রী ও ভগিনী ছুটাছুটি করিয়া জল ও পাখা আনিয়া শুক্রণ করিতে লাগিল। ফণী কিঞ্চ স্ত্রীর মূর্ছায় অত্যন্ত বিরক্ত হইয়া তর্জন করিতেছিল—উঃ! মাগীগুলোর মূর্ছা

যাইয়া একটা ফ্যাশান ! চাবকে রোগ সারিয়ে দিতে হয় ! টং !
সর তোমরা, আমি ওকে এক লাখি মারলেই এক্ষণি বেড়ে-বুড়ে
উঠে পড়বে !

অল্পক্ষণ পরে যুথিকার জ্ঞান হইল। সে আপনার ঘরে যাইতে
চাহিল। স্ত্রীলোকেরা তাহাকে ধরাধরি করিয়া লইয়া গেল। তাহারা
তাহাকে নানা-প্রকার উপদেশ দিতে লাগিল,—কাহার ভাস্তুর-বির
মৃচ্ছা হইত এবং কোথায় স্বপ্নাত্ত মাছলি ধারণ করিয়া একেবারে
সারিয়া গিয়াছে ; কাহার কবে কোথায় কেমন করিয়া মৃচ্ছা হইয়া-
ছিল, এবং মৃচ্ছার সময় কি করা উচিত ইত্যাদি। অবশেষে সকলে
একবাক্যে সাব্যস্ত করিল যে সমস্ত দিন রৌজে ছুটাছুটি করিয়া ও
আগুন-তাতে থাকিয়া মাথা গরম হইয়া অমনটা হইয়াছিল।

ফণী অভ্যাগতদের শাস্তি করিবার জন্য বলিল—আরে এ নিয়ে
মাথা ঘামাবার দরকার নেই আমাদের—আজকালকার মেয়েদের এ
একটা ফ্যাশান দস্তর হয়ে দাঢ়িয়েছে—বোধ হয় ওটা ওদের
মান্দাতার আমলের ব্যাধি, নইলে ইন্দুমতী ঘুলের ঘায়ে মারা যেত
না। আজকাল আবার একটা কৃত্রিম ভব্যতার ভাব জেগে উঠেছে,
স্পষ্ট কথা বলবার জো নেই। যা মনে এল বললাম, অমনি গিপ্পির
মন গরম হয়ে মাথা গরম হয়ে গেল, আর বিমল ত' একেবারে
মারমুখো। তোমার ভাই বিমল, মেয়েমাঝুরের চেয়ে একটু বুদ্ধি-
শুল্ক থাকা উচিত ছিল।

ফণী যাহাকে উদ্দেশ্য করিয়া শেষ কথাটি বলিল সে তখন তাহার
কথা শুনিবার জন্য সেখানে ছিল না। বিমল নিজের ও সংসারের উপর
বিরক্ত হইয়া নিজের ঘরে চলিয়া গিয়াছিল। তাহার মনে কেবলই
হইতেছিল— যুথিকাও আমাকে বিশ্বাস করতে পারলে না ? তবে গল্প

যমুনা-পুলিনের ভিথারিণী

শোনবার সময় সে বার বার অমন ব্যথাভরা কর্কণ দৃষ্টিতে আমার
দিকে চাইছিল কেন ? তবে সে আমার ছঃখের কাহিনী শুনে অমন
ফ্যাকাসে হয়ে কাপছিল কেন, শেষে মুর্ছিত হয়ে পড়লই বা কেন ?
সে কি তবে স্বামীর বন্ধু ব'লে আমাকে একটু প্রীতির চক্ষে দেখে ?
তার স্বামীর কাঠ হৃদয়হীন ব্যঙ্গ-বিজ্ঞপে আমার ব্যথায় সেও ব্যথিত
হয়েছিল ? সে দাঢ়িয়ে উঠে কি বলতে ঘাচ্ছিল—কি সে কথা যা
বুকে বিধে মুর্ছিত হয়ে পড়ল ?

বিমল ব্যথিত আগ্রহে তাহার প্রেয়সীর স্মৃতিকে উদ্দেশ করিয়া।
তাবিতে লাগিল—হৃদয়হীনদের সম্মুখে তোমার কথা ব্যক্ত ক'রে আমি
তোমাকে অপমান করেছি, আপনাকে অপমান করেছি, বিশ্বের কাছে
অজ্ঞাত আমাদের গভীর অন্তরের নিগৃত প্রণয়কে অপমান করেছি !
এই বর্বরেরা সূক্ষ্ম ভাবের মর্যাদা বুঝবে কেমন ক'রে ? ওগো আমার
ভিথারিণী, তুমি তোমার দারিদ্র্যের মধ্যে যে মহিমায় প্রতিষ্ঠিত
আছ, তার মর্যাদা বোঝা এই সব ধনী বর্বরদের সাধ্য নয়। কোথায়
তুমি, ওগো কোথায় তুমি ! সেই যে সন্ধ্যাগুলি তোমার বন্ধুকে
অঘৃতের আশ্বাদ জানিয়েছিল তা কি তোমার কাছেও অমর হতে
পেরেছে—মনে কি পড়ে বন্ধু, তোমার এই পরিতপ্ত উপহসিত বন্ধুকে ?

বিমলের চক্ষু অক্ষতে ভরিয়া উঠিল। হৃদয়ের গোপন শুহায় সে
এতকাল যে ছুঃখ-চূয়ানো অক্ষ অবরুদ্ধ করিয়া রাখিয়াছিল, তাহার
বাঁধ আজ ভাঙিয়া বন্ধা আসিয়াছে।

প্রভাতে উঠিয়া বিমল স্থির করিল এ বাড়ীতে থাকা আর নয়।
এখানে এখন নিত্য পদে পদে ব্যঙ্গ-বিজ্ঞপ সহ করিতে হইবে ; যাহা
পবিত্র, পূজ্জার সামগ্ৰী, তাহাকে মলিন হইতে দেখিতে হইবে। এ
বাড়ীতে আর নয়।

এমন সময় ফণী সেই ঘরে আসিল—কুষ্টিত অপ্রস্তুত। সে কুষ্টিত অনুযোগের স্বরে বলিল—কাল রাত্রে তুমি খেলে না কিছু। আজ এখন পর্যন্ত জল খেতে গেলে না। তুমি নিশ্চয় আমাদের ওপর রাগ করেছ। তুমি ত' ভাই আমার স্বভাব জানো, আমার ব্যঙ্গ দমন ক'রে রাখা কঠিন। তবে তুমি রাগ করছ কেন? আমাকে ক্ষমা কর। আর, তোমার কাছে বলতে কি, কাল অমরদের সঙ্গে একটু বেশী মদ খাওয়া হয়ে গিয়েছিল। অমন উৎসবটা আমা হতে একদম মাটি হ'ল, তাই আমার ঘথেষ্ট শাস্তি। তার উপর তুমি রাগ ক'রে আমার জীবনটাকে বিশ্বাদ ক'রে তুলো না ভাই! তুমি আমার একমাত্র বন্ধু! তুমি আমাকে ক্ষমা কর।

বিমল বিষণ্ণ গন্তীর মুখে ফণীর কাঁধে হাত রাখিয়া বলিল—
কথাটাকে এখন চাপা থাকতে দাও, আর উক্ষে তুলো না। আমি
ও-সম্বন্ধে আর কিছু বলতে বা শুনতে চাইনে। কাল আমি আমার
তীর্থ্যাত্মায় বেরিয়ে পড়ব, আমার এখানে থাকার মেয়াদ ফুরিয়েছে।

ফণী মোটেই ভাবে নাই যে বিমল চলিয়া যাইতে চাহিবে।
মর্মাহত হইয়া বলিল—আবার পাগলামি করে! আমি একটু ঠাট্টা
করেছি ব'লে তুমি আমার বাড়ী থেকেই চলে যাবে! না, তা হবে
না। তুমি ত' স্বীকার করেছ অমৃতবাবু বর্মা থেকে না আসা পর্যন্ত
এখানে থাকবে। তোমার কারো কাছে কুষ্টিত হবার কোনো কারণ
ঘটেনি। কাল যারা উপস্থিত ছিল তারা সকলেই তোমার পক্ষ হয়ে
আমাকেই ধাচ্ছেতাই বকেছে, তারা আমাকেই ছবেছে! তবে
তুমি পালাতে চাচ্ছ কেন ভাই?

বিমল এই প্রসঙ্গ চাপা দিবার জন্য জিজ্ঞাসা করিল—তোমার স্তু
কেমন আছেন?

ঘুনা-পুলিনের জিখারিণী

ফণী উৎফুল্ল হইয়া ভজভাবেই বলিয়া উঠিল—সেরে উঠেছে।
সে ভয় পেয়েছিল পাছে আমাদের মধ্যে একটা বড় রকম ঝগড়াঝাটি
বেধে যায়। সে তোমার জলখাবার সাজিয়ে বসে আছে, খাবে এস,
—লক্ষ্মীটি কথা শোন, এস। অমরেরা চলে যাচ্ছে, তারাও দেখা
করবার জন্যে দাঁড়িয়ে আছে।

বিমল বিরক্তভাবে বলিল—চল।

ফণী এত সহজে বিমলের সঙ্গে ভাব করিতে পারিয়া খুশী হইল।
সে তাহাকে স্ত্রীর জিঞ্চায় রাখিয়া অমরদের নৌকাতেই আপন মহাল
তদারকে চলিয়া গেল।

বিমল ঠিক করিতে পারিতেছিল না যে তাহার মনটাই বিরস বিষণ্ণ
হইয়াছে। বলিয়া সমস্ত বিরস বিষণ্ণ লাগিতেছে, না বাস্তবিক অপরেও
আজ বিরস বিষণ্ণ হইয়া পড়িয়াছে। সে জল খাইতে গিয়া দেখিল
যুথিকার ভাবটি যেন ছর্ঘোগের প্রভাতের মত দেখাইতেছে। সে
যে হাসি দিয়া বিমলকে অভ্যর্থনা করিল তাহা বড় মিষ্টি, বড় প্রীতি-
গতি, কিন্তু বড় ক্লান্তি, বড় ক্লিষ্ট করুণ! যুথিকা কল্যকার ঘটনা
সম্বন্ধে উল্লেখ মাত্র করিতেছে না দেখিয়া বিমলের ভালো লাগিতেছিল
না। সে যে যুথিকার বন্ধুত্ব মহামূল্য মনে করে; যুথিকা যদি তাহাকে
অঙ্গায় করিয়া উপেক্ষ্য করে তাহা ত' সে নীরবে সহ করিতে পারিবে
না। সে হঠাৎ উচ্ছসিত হইয়া বলিয়া উঠিল—না বাস্তবী, এমন
ক'রে পাশ কাটিয়ে এড়িয়ে যেতে আমি দেবো না আপনাকে।
বিশ্বসংসার আমাকে যা খুশী ভাবুক, আমি গ্রাহ করিনে। আপনি
আমাকে কুল বুঝলে আমার সহ হবে না। যারা নিজেরা কু, তারা
আমাকে কু ভাবলে আমার মনে লাগবে না, কিন্তু যিনি নিজে পরিত্র
সুন্দর, তিনি আমাকে কুৎসিত ভাবলে যে বুকে বাজবে। আপনি

আমাকে তুল বুঝলে আমার সহ হবে না। যারা নিজেরা কু, তারা আমাকে কু ভাবলে আমার মনে লাগবে না, কিন্তু যিনি নিজে পবিত্র সুন্দর, তিনি আমাকে কুৎসিত ভাবলে যে বুকে বাজবে ! আপনি আমার কাহিনী শুনে কি ভেবেছেন, আমি আপনার মতটি শুনতে চাই ।

যুথিকা অনেকক্ষণ অবাক-দষ্টিতে বিমলের মুখের দিকে চাহিয়া রহিল, তাহার বড় বড় সুন্দর টানা চোখ ছুটি জলে ভরিয়া উঠিল ; সে আবেগকম্পিত স্বরে বলিতে লাগিল—আমি কি ভেবেছি বিমল-বাবু ? যদি সমস্ত সংসার আপনার কথা মিথ্যা ব'লে সাক্ষা দেয়, তবু আমি জানবো যে আপনি সত্য কথাই বলেছেন । আপনি জানেন না যে আমি আপনাকে কথানি জানি ।

বিমল আনন্দে উঁফুল হইয়া বলিল—আপনি যে আমাকে অবিশ্বাস করেননি সে আপনি নিজে পবিত্র সুন্দর ব'লে । আপনার শপথ ক'রে আমি আবার বলছি আমি যা বলেছি, তার এক বর্ণও মিথ্যা নয়, বানানো নয় ।

যুথিকা একটু লজ্জায় কুষ্টিত স্বরে জিজ্ঞাসা করিল—সেদিন আপনি কথায়-কথায় আমাকে জানতে দিয়েছিলেন যে আপনি একটি মেয়েকে ভালোবাসেন ; সে কি ঐ আপনার ঘূনা-পুলিনের ভিখারিণী ?

বিমল মান মুখে দীর্ঘনিঃশ্বাস ফেলিয়া বলিল—সেই ! আপনি আমার মরীচিকার আরাধনা দেখে হাসবেন না ; এই ছায়ার পিছনে ছুটতে ছুটতে আমারই নিজেকে অনেক সময় পাগল ব'লে মনে হয়, আমার ভাবের আবেগ যুক্তিকরের আলোয় ধরে দেখলে নিজেরই হাসি পায়—কিন্তু হৃদয় যে আমার কিছুতেই মানে না । যাকে চিনি না, যে আমাকে ভালোবাসে কি না জানি না—

ঘূনা-পুলিনের ভিখারিণী

যুথিকা বিমলের কথার মধ্যে হঠাৎ জোর দিয়া বলিয়া উঠিল—সে আপনাকে খুব ভালোবাসে!—কথাটা বলিয়াই লজ্জিত হইয়া হৃচ্ছবৰে তাহার কথার লাগাড়েই যেন বলিতে লাগিল—ব'লেই ত' মনে হয়। সেই সংসারের চাতুরীতে অনভ্যস্ত তরুণী মেয়েটি আপনার অমন সদাশয় স্নেহ পেয়ে কি চুপ ক'রে থাকতে পেরেছে। আপনার বর্ণনা শুনে ত' মনে হয় যে সে আপনার ভালোবাসায় ডুবে গিয়েছিল—আমরা মেয়েমানুষ, পুরুষদের চেয়ে মেয়েমানুষের মনের ভাব ভালো বুঝি।

বিমল উশুখ হইয়া যুথিকার কথা শুনিল। তাহার আশ্বাসে বিমলের হৃদয় আশায় আনন্দে উৎফুল্ল হইয়া উঠিল। সে বলিতে লাগিল—আমিও আমাকে এই ব'লে প্রবোধ দিয়ে থাকি, কিন্তু মন যে মানে না ! যাকে ভালোবাসা যায় তার মুখ থেকে বার বার ভালোবাসি শুনেও মানুষের তৃপ্তি হয় না। শুধু অনুমানে আমার মন যে ভরে না, তার জন্যে কি মনকে দোষ দেওয়া যায় ? তাকে ভুলতে কত চেষ্টা করেছি, সেই চেষ্টা আমাকেই শুধু পাগল ক'রে তুলেছে। সেই সুন্দরী ভিখারিণীর আধেক-দেখা মূর্তিখানি আর পূর্ণব্যস্ত অস্তরটি আমার মনের সামনে তেসে উঠেছে, আর-একটিবার তাকে দেখবার জন্যে আমার সমস্ত জীবন উশুখ বাকুল হয়ে পড়েছে। আপনি আমার ব্যথা বুঝেছেন, আপনার কাছে মমতা পেয়েছি, আপনার কাছে স্বীকার করতে লজ্জা নেই—আমার সমস্ত পরমায়ু আর ভবিষ্যৎ-জীবনের সমস্ত স্মৃথের সন্তানবন্ধার বিনিময়ে তাকে দেখতে পাওয়ার একটি মূহূর্ত যদি আমি পাই ত' আমি আর কিছু চাইনে। আমি ত' সেই ছুল'ভ মুহূর্তটির সঙ্কামেই আমার জীবনটাকে উৎসর্গ ক'রে দিয়েছি। আমি ত' তারই জন্যে—

‘ঘর কৈছু বাহির, বাহির কৈছু ঘর !

পর কৈছু আপন, আপন কৈছু পর !’

পথে পথে ঘাটে ঘাটে তাকে খুঁজেই সমস্ত দিন কাটে। সমস্ত দিন
ঘূরে ঘূরে গভীর রাত্রে ঝাস্ত দেহ-মন নিয়ে যখন বিছানায় পড়ি, তখন
কল্পনা করি যেন সেই আমার সাধনার চুল্লভ দেবতা ছঃখের
হোমানলে আমার জীবন আছতি পেয়ে প্রসন্ন হয়ে বরাভয় মৃত্তিতে
আবিভূত হয়েছেন ; আমার পূজা ব্যর্থ হবে না, আমি আমার
দেবতাকে পাব—এ আমার অন্তর বলতে থাকে। তারপর যখন
ঘুমিয়ে পড়ি, তখন তাকে আমার বুকের মধ্যে স্বপ্নরূপে পেয়ে সকল
বেদনা ভুলে যাই। আবার যখন ঘূম ভাঙে তখন ছিঞ্চণ ব্যাকুলতায়
তারই সঙ্গানে ছুটে চলি। বৌঠাকরণ, আপনি আমার পাগলামি
শুনে মুখ ফেরাচ্ছেন—আপনিও কি আমার ব্যথা বুঝেন না ?

যুথিকা কোনো উত্তর করিল না, মুখ ফিরাইয়াই বসিয়া রহিল ;
সে মুখ ফিরাইয়া গালে হাত দিয়া বসিয়াছিল, হঠাৎ উঠিয়া ঘর হইতে
চলিয়া গেল। বিমল অবাক হইয়া তাহার যাওয়ার দিকে তাকাইয়া
রহিল—ভাবিতে লাগিল, যুথিকার কাছে পুরুষ হইয়া প্রণয়ের বেদনা
ব্যক্ত করাতেই কি সে বিরক্ত হইয়া উঠিয়া গেল ?

একটু পরেই যুথিকা একখানি নেঘদৃত হাতে করিয়া ফিরিয়া
আসিল। তাহার মূর্তি বড় বিষণ্ণ, বড় গন্তীর। সে বইখামি বিমলের
হাতে দিল, কিন্তু কিছু বলিল না। বিমলের তখন পড়িবার প্রবৃত্তি
ছিল না, সে বই হাতে করিয়া চুপ করিয়া থাকিয়া বলিল—পড়ুন।
সেই একটি কথাও উচ্চারণ করিতে তাহার স্বর কাঁপিয়া উঠিল, সে
শব্দ বেন চোখের জলে সাঁতার দিয়া আসিয়াছে।

বিমল পড়িতে আরম্ভ করিল—প্রথমে অস্পষ্ট জড়ানো স্বরে

ঘূনা-পুলিনের ভিধারিণী

থামিয়া থামিয়া ; পড়িতে তাহার মন লাগিতেছিল না । পড়িতে পড়িতে যখন প্রাণের স্বরে লেখার স্বরে মিল হইল তখন বিমল কবির কথায় নিজের মনের প্রতিষ্ঠানি করিয়া উৎসাহে পড়িতে লাগিল । সে পড়িতে পড়িতে দেখিতেছিল যুথিকার হৃদয় তাহার প্রতি মমতায় কবির কথায় দোল খাইতেছে, ক্ষণে ক্ষণে চোখে জল ভরিয়া উঠিতেছে, ক্ষণে ক্ষণে তার কণ্ঠ বাঞ্পাকুল হইয়া ভরিয়া উঠিতেছে, তাহার উজ্জ্বল সুন্দর চোখ ছট্টি হইতে করুণার আলো ক্ষরিত হইতেছে । ইহাতে ফল হইল এই যে বিমল আপনাকে কিছুতেই হাঙ্কা প্রফুল্ল করিয়া তুলিতে পারিল না, এবং যুথিকাও আর অন্য কথা পাড়িবার অবসর পাইল না ।

কত বেলা পর্যন্ত এই পড়ার আবরণে হৃদয় উদ্ঘাটনের ব্যাপার চলিয়াছে তাহার দিকে কাহারও খেয়াল নাই । হঠাৎ দাসী আসিয়া থবর দিল ঠাই করা হইয়াছে, তাত বাড়া হইয়াছে ।

ফণী কখন ফিরিবে তার ঠিক নাই । বিমল একাকী ক্লান্ত বিষণ্ন মন লইয়া কোথাও স্থির হইতে পারিতেছিল না । সে নিজের স্বস্তি-শাস্তি-গ্রাসী চিন্তার হাত হইতে অব্যাহতি পাইবার জন্য বাগানে বাহির হইয়া পড়িল । নদীর ধারে বাঁধা পাড়ের শেওলা-ঢাকা ঢালুর উপরে গিয়া শুইল ; সেই ছায়াশীতল মনোরম স্থানটিতে শুইয়া থাকিতে থাকিতে বিমল শীঘ্ৰই ঘুমাইয়া পড়িল । স্বপ্নরাজ্যের প্রবেশ-তোরণের বাহিরে তাহার সমস্ত দুঃখবেদনা পড়িয়া রহিল ; সে-দেশে সমস্ত মধুসূতি গলাইয়া যে মোহিনী মৃত্তি গড়া হইল তাহা ঘূনা-পুলিনের ভিধারিণীর । কোমল স্বরে তাহার কানে সুধা বর্ষণ করিয়া সে বলিতেছিল—‘তোমাকে আমি কেমন ক’রে ভুলব ? আমি আসব, যত দিন বাঁচব রোজ আসব ।’ বিমল তাহাকে বুকে চাপিয়া ধরিয়া

বলিতে লাগিল, “ওগো নিষ্ঠুর, এ কি তোমার খেলা ! এই মুহূর্তটির জন্যে যে আমার সমস্ত প্রাণ অপেক্ষা করে ছিল !” তারপর যমুনা-পুলিনের ভিখারিণীকে শাস্তি দিবার জন্য সে যেমন তাহার মুখের ঘোম্টা খুলিয়া ফেলিয়া চুম্বন করিতে যাইবে অমনি চমকিয়া দেখিল, ঘোম্টার ভিতরে ফণীর মুখ ! ফণী ভিখারিণীর ছন্দবেশে তাহাকে ঠকাইয়াছে এবং ফণীর এই ঠাট্টা দেখিয়া বাগানের বুড়ো মালীটা হাসিয়া লুটালুটি খাইতেছে। বিমল কাঁদিয়া ফেলিল, সে আপনার অসহ বেদনায় মনের মধ্যে আর্তনাদ করিতে লাগিল। সে সান্ত্বনা পাইবার জন্য ছবিখানিকে বুকে চাপিয়া ধরিল ; অমনি ছবির মৃত্তি সজীব ও প্রমাণ হইয়া উঠিয়া তাহাকে আলিঙ্গন করিল, সে অনুভব করিল সেই ছবি তাহাকে চুম্বন করিয়া তাহার বুকের মধ্যে মিলাইয়া গেল।

স্বপ্নের মধ্যে যেমন কখনো কখনো মনে হয় যে আমরা স্বপ্ন দেখিতে দেখিতে জাগিয়া উঠিয়াছি, কিন্তু তখনো বাস্তবিক স্বপ্নই দেখি, বিমলেরও তেমনি বোধ হইতে লাগিল। তাহার মনে হইতে লাগিল, তাহার প্রেয়সীর সেই বিলম্বিত আবেগ-ভরা চুম্বনে তাহার ঘুম ভাঙিয়া গিয়াছে—সে চোখ মেলিয়া চাহিয়া দেখিল একখানি যেন ফুটস্ট গোলাপের মত সুন্দর চেনা মুখ তাহার উপরে আনত হইয়া আছে, তাহার সুরভি-শ্বাস তাহার মুখে আসিয়া লাগিতেছে। পাছে এই স্বপ্ন ভাঙিয়া যায় এজন্য বিমল জোর করিয়া চোখ মুদিল ; কিন্তু চোখ মুদিয়াই সে বুঝিল যে সে বাস্তবিকই জাগিয়া আছে। তখন সে আবার চোখ মেলিল—দেখিল একটি লম্বা ছিপ্ ছিপে তরুণী দেহ তার যমুনা-পুলিনের ভিখারিণীর মতই নীল শাড়ীর উপর সবুজ ওড়না জড়াইয়া লম্বু ক্ষিপ্ত পদে লতাকুঞ্জের আড়ালে মোড় ফিরিতেছে !

ঘূমনা-খুলিবের ভিত্তিরিণী

অদৃশ্য হইবার পূর্বে একবার সে ফিরিয়া তাহাকে দেখিয়া গেল। বিমল আশ্চর্য হইয়া দেখিল বে তাহার মুখের উপর তেমনি নিবিড় ষেমটা। তখন আবার মনে হইল সে ঘূমাইয়া আছে, স্বপ্নই দেখিতেছে কিন্তু বারবার চোখ মুছিয়া, চোখ মুদিয়া, চোখ চাহিয়া, নদীজলের কলকল, পত্রপুঞ্জের বারবার আর পাথীর কাকলি শুনিয়া সে আর আপনাকে ঘূমস্তু মনে করিতে পারিল না। কিন্তু জাগিয়াও তাহার মনে হইতে লাগিল তাহার মনপ্রাণ ছাইয়া তাহার প্রেয়সীর শৃঙ্খি যেন মূর্তি ধরিয়া বিরাজ করিতেছে—সেদিনের সেই ক্ষণে চুম্বনের রেশ যেন আজও এখনও তাহার ওষ্ঠে লাগিয়া আছে। বিমল ভীত হইয়া নিজের মনকে বলিয়া উঠিল—ওরে ! তবে কি তোর এমন দশাই হ'ল যে জেগেও শুধু তাকেই দেখিস। এ ত' স্বপ্ন নয়, কল্পনা নয়, এ যে পাগল হবার পূর্বলক্ষণ ! শেষে কি জ্ঞান হারাবি, ক্ষেপে ঘাবি ? কিন্তু স্বপ্ন কল্পনা মস্তিষ্কবিকার কি মাটির উপর পায়ের দাগ রেখে ঘায়—এই যে মাটিতে বালির বৃক্ষে পায়ের দাগ—এ ত' আমার পায়ের দাগ নয় ? এও কি তবে মনের ভ্রম ? বিমল তাড়া-তাড়ি উঠিয়া বসিল ; অমনি দেখিতে পাইল—যেখানে সে শুইয়াছিল সেখানে একখালি পরিপাটি ভাঁজ-করা কাগজ রহিয়াছে। সে আশ্চর্য হইয়া তুলিয়া লইল। 'খুলিবে কিনা, খুলিয়া পড়া উচিত কি না, এক মুহূর্ত ভাবিল ; কৌতুহলের ব্যগ্র তাড়নায় সে আপনাকে নিবারণ করিতে না পারিয়া কাগজের ভাঁজ খুলিয়া ফেলিল ;—কাগজের ভিতর হইতে একটা আংটি বাহির হইয়া তাহার কোলে পড়িল। কাগজে চিঠি লেখা ! বিমল আংটির দিকে লক্ষ্য না করিয়া আগে তাড়াতাড়ি চিঠি পড়িতে গেল—কে লিখিয়াছে, কি লিখিয়াছে, কাহাকে লিখিয়াছে ? চিঠিতে লেখা আছে—

বন্ধু আমার, আতা আমার,—

আমি মুক্ত প্রাণের কৃতজ্ঞতার প্রদীপ জ্বলে নিরস্তর তোমার সঙ্গে
ফিরি, অমুক্ষণ আমার প্রীতি তোমায় ঘিরে বিরাজ করে। তুমি
আমার সন্ধানে বৈরাগী পথিক দিকে দিকে ছুটে বেড়াও; মিথ্যা
বন্ধু আমায় দূরে থেঁজা, আমি যে তোমার নিকটেই থাকি! মনের
মাঝে যার বাসা তাকে বাহিরে পাবার আশা ছাড়। অভাগিনী
ভিখারিণী, তাকে তুমি কোথাও পাবে না। ভাগ্যদেবতা মিলনপথ
আগ্লে আছেন, ঠাকে লজ্জন করার সাধ্য নেই। চিরদিন—মৃত্যুরও
পরপার পর্যন্ত—আমি তোমায় ভালোবেসে পূজা করব, আর
তোমার স্নেহরস শৃতির মধ্যে অমর হয়ে ধন্ত্য হব—

তোমারই স্নেহমুক্তা

ফনুনা-পুলিনের ভিখারিণী।

বিমলের মনে হইল সে তখনো স্পন্দন দেখিতেছে; সে আপনার
জ্ঞানবৃক্ষিকে প্রত্যয় করিতে না পারিয়া চারিদিকে চাহিয়া ফ্যাল্ফ্যাল্
করিয়া দেখিতে লাগিল—সে কি এখনো স্বপ্নরাজ্যে বিচরণ
করিতেছে? কিন্তু তাহার চারিদিকে সেই নদী, সেই কুঞ্জ, সেই
সুরক্ষি-ঢালা বাঁকা পথ। সেই লাল সুরক্ষির বৃক্ষে ছোট পায়ের
দাগ, সেই বাড়ী, সবই ত' স্পষ্ট হইয়া রহিয়াছে? ইহাও কি স্পন্দন?
সে কি স্বপ্নের মধ্যেই মনে করিতেছে সে জাগিয়া আছে? বুড়া
মালীটা নিড়ানি হাতে করিয়া একবার উকি মারিয়া দেখিয়া চলিয়া
গেল। তখন বিমলের স্বপ্নের ভুল ভাঙ্গিল—এ নিশ্চয়ই ফণীর কাণ,
সে তাহার ছঃখ-কাহিনী লইয়া এখনো তাহাকে ঠাট্টা করিতেছে,
তাহাকে প্রতারিত করিয়া কোতুক দেখিতেছে। সে জাল চিঠি পাইয়া
কি করিতেছে তাহাই দেখিবার জন্য ফণীই নিশ্চয় ঐ বুড়া চৱটাকে

যমুনা-পুলিনের ভিখারিণী

উকি মারিতে পাঠাইয়াছিল। চিঠিখানা লেখা তবে যুথিকার হাতের। সেও তবে তাহাকে বিজ্ঞপ করার ব্যাপারে লিপ্ত আছে! তবে সেই অবগুণ্ঠিতা মৃত্তি স্বপ্ন নহে, যুথিকাই তাহাকে ছলনা করিতে আসিয়াছিল! বিমল অতিমাত্রায় বিরক্ত হইয়া সঙ্কল্প করিল—এই নিষ্ঠুর বর্বরদের সঙ্গ এই দণ্ডেই পরিহার করিয়া চলিয়া যাইবে! যেমন সে উঠিতে যাইবে অমনই তাহার কোলের ভিতর হইতে চিঠি-হইতে-শ্বলিত আংটিটা মাটিতে পড়িয়া গেল। সে উহা হাতে তুলিয়াই স্তুপ্তি হইয়া গেল—ইহা ত' স্বপ্ন নয়, ফণী বা যুথিকার ছলনা নয়, ইহা যে সত্য, ইহা যে খাটি! এই আংটি যে তাহার! সে এই আংটি বিদায়ের দিনে যমুনা-পুলিনের ভিখারিণীর হাতে পরাইয়া দিয়াছিল! এই আংটি এখানে কেমন করিয়া আসিল। তবে কি দৈব অতিপ্রাকৃত ঘটনা মানিতে হইবে! না না, এ দৈব নয়, অতি-প্রাকৃত নয়! বিমলের মন ডাকিয়া বলিতেছে—আছে আছে, সে আমার কাছে কাছেই আছে! ওগো আমার অচেনা আভীয়, অজানা প্রেয়সী, তোমাকে আমি পাব, পাব—তোমাকে আমি ধরব! বিমল ক্ষিপ্রে শ্যায় আংটিটিকে একবার চুম্বন করে, একবার বুকে চাপিয়া ধরে, একবার মাথায় রাখে, আর উম্মতের মত সমস্ত বাগানের কেয়ারির ফাঁকে ফাঁকে কুঞ্জের মাঝে মাঝে পত্রপুঞ্জের আড়ালে আড়ালে সেই দেখা-দিয়া-অস্তর্হিতা অঙ্গরীকে খুঁজিয়া খুঁজিয়া ছুটিয়া ছুটিয়া বেড়ায়। চাকর মাঙ্গী যাহাকে দেখে তাহাকেই জিজ্ঞাসা করে—‘ওহে দেখেছ দেখেছ, একটি তরঙ্গী সুন্দরী নীল শাড়ী আর সবুজ ওড়না পরে এখানে এসেছিল?’ সকলে তাহার ব্যাকুল ব্যস্ততা দেখিয়া মনে মনে হাসিয়া চলিয়া যায়, মনে করে রাজাৰাবুর বঙ্গুর মদের মাত্রাটা আজ কিছু অধিক হইয়া পড়িয়াছে!

সমস্ত বিকাল বেলাটা বাগানময় ছুটাছুটি করিয়া উদ্বেগ-ব্যাকুল চিত্তে বিমল যখন বাড়ীতে ফিরিল, তখন ফণীও বাড়ীতে ফিরিয়াছে। ফণী তাহাকে দেখিয়া আশ্চর্য হইয়া জিজ্ঞাসা করিল কেন সে অমন অন্তৃত হইয়া উঠিয়াছে। যুথিকা স্নিফ স্বরে মমতা ভরিয়া অমুযোগ করিয়া বলিল—ঘূনা-পুলিনের ভিধারিণীর জন্যে ভেবে ভেবে শেষে কি আপনি পাগল হবেন, বিমলবাবু ?

বিমল বিকারগ্রস্ত রোগীর মত ভাবহীন ঘোলা দৃষ্টিতে তাহাদের দিকে চাহিয়া বলিল—অতিপ্রাকৃত ঘটনায় যখন বিশ্বাস করতে বধ্য হচ্ছে তখন আর আমার পাগল হতে বাকি কি ?

কালকার ঘটনার পর বিমলের মন অত্যন্ত ব্যথিত হইয়া আছে মনে করিয়া ফণী আর কোন প্রশ্ন করিল না। যুথিকা চুপ করিয়া ব্যথিত দৃষ্টিতে বিমলের মুখের দিকে চাহিয়া রহিল।

এই অসন্তুষ্ট ঘটনার মীমাংসা ও অর্থ খুঁজিয়া বিমল আপনার মন তোঙ্গপাড় করিয়া তুলিল ; আকাশবাণীর স্থায় অনিশ্চিত উপায়ে আগত সেই চিঠি শতেকবার পড়িল ; কোনো কুলকিনারা পাইল না। বিমল অত্যন্ত চিন্তাকুল গন্তীর হইয়া রহিল। তবে কি সেই ঘূনা-পুলিনের ভিধারিণী আর ইহ-জগতে নাই। সে পরলোক হইতে তাহার প্রিয়বন্ধুকে সাজ্জনা দিতে মর্তে অবতরণ করিয়াছিল, স অশরীরী বলিয়া তাহার ছায়ামাত্র বিমলের চোখে পড়িয়া দেখিতে-না-দেখিতে মিলাইয়া গেল ? এত লেখাপড়া শিখিয়া, বিজ্ঞান ও স্থায়ের যুক্তিক আয়ন্ত করিয়া শেষে কি তাহাকে এইসব আজগুবি কথা মূর্খের মত মানিয়া যাইতে হইবে ? যদি না মানে তবে এই ব্যাপারের সন্তুষ্টিবন্না কেমন করিয়া ব্যাখ্যা করিবে ! সে যতই মনে করে এই ব্যাপারের কথা সে কিছুতেই আর মনের মধ্যে আমল

ঘূমনা-পুলিনের ভিধারিণী

দিবে না, ততই সেই সুন্দরীর অস্পষ্ট-দেখা মুখখানি তাহার মনের সম্মুখে সুস্পষ্টতর হইয়া দেখা দেয়। সেই গোলাপের পাপড়ীর মত গাল ছটি, আফিং ফুলের মতন ঠোঁট ছুখানি, শাঁখের মত নিটোল শুভ্র কণ্ঠটি সে যে আবার দেখিয়াছে—তাহাদের ছবি যে তাহার মনের উপর মুদ্রিত হইয়া গিয়াছে। সে যুধিকার মাঝের ছবিখানি বাহির করিয়া দেখিল—সেই মাক, সেই শৃষ্ট, সেই চিবুক ! এ যে ঠিক তাহার চেনা মুখেরই মতন !

পরদিন ছুগ্রহরে আবার সে সেই নদীর ধারে লতাকুঞ্জের কোলে গিয়া শুইয়া রহিল ! সে কি আবার আজও আসিবে—এই ভাবনায় তাহার বক্ষ ছলিয়া ছলিয়া উঠিতেছিল। ছুগ্রহরের গরম ছায়াশীতল স্থানে নদীর ঠাণ্ডা ভিজা বাতাসের স্পর্শ মিলিয়া তাহার চোখ ঘুমে ভরিয়া আসিতেছিল ; সে জাগিয়া থাকিবার চেষ্টা করিতে করিতে কখন আস্তে আস্তে ঘুমাইয়া পড়িল।

খানিক পরে সে চমকিয়া জাগিয়া উঠিল ; একেবারে বিকাল হইয়া গিয়াছে—আজ আর সেই নৌল-শাড়ী আর সবুজ-ওড়না-পরা পরীর স্বপ্ন সে দেখে নাই—কোথাও তাহার আবির্ভাবের কোনও চিহ্নও নাই। বিমল আজও তাহার দর্শনের প্রত্যাশা মনের মধ্যে পুষিয়া আসিয়াছিল বলিয়া তাহার হাসি পাইল ; আবার তাহাকে দেখিতে না পাওয়াতেও তাহার মন বিষম হইয়া উঠিল। সে আপনার উপর বিরক্ত হইয়া উঠিতে যাইবে, দেখিল তাহার পাশে একখানি ভঁজ-করা রুমাল পড়িয়া আছে। সে চমকিয়া রুমালখানি কুড়াইয়া লইল—এ ত' তাহার সেই রুমাল যেখানি সে ঘূমনা-পুলিনের ভিধারিণীকে নমুনা দিয়াছিল ! রুমালের এক কোণে সেই তাহার নামের আগু অঙ্কর বোনা আছে ; অপর কোণে নৃতন করিয়া বোনা

আছে, ‘বিদায় !—ঘমুনা-পুলিনের ভিখারিণী !’ এই ঝুমাল এখানে কেমন করিয়া আসিল ! সে আজও আবার আসিয়াছিল ! আর মৃত বক্ষিত সে সেই দুল্ভ মুহূর্তটিতে কেমন করিয়া ঘুমে অচেতন হইয়া পড়িয়া থাকিল ! সে আজও আবার পাগলের মত ছুটিয়া ছুটিয়া পাতি পাতি করিয়া সমস্ত বাগান, গ্রামের পথঘাট মাঠ খুঁজিল, জনে জনে জিজ্ঞাসা করিল—কেহ কোথায়ও নাই, কেহ কাহাকেও দেখে নাই। সকলে টেপাটিপি করিয়া হাসিল যে রাজাবাহাদুরের বন্ধুটি বিনি পয়সায় খাসা মদ পাইয়া বড় বেশী বাড়াবাড়ি করিয়া তুলিতেছে ; দিনকের দিন ওর দশাটা হইয়া উঠিতেছে কি !

বুড়ো মালীকে জিজ্ঞাসা করিয়া জানিল যে একটু আগে বাগানে মেয়েমানুষের মধ্যে আসিয়াছিল শুধু তাহাদের রাণীমা। বিমল জিজ্ঞাসা করিল—তাঁর কি পরণে ছিল নীল রঙের শাড়ী আর মাথার ঘোমটায় ছিল সবুজ রঙের ওড়না ?

বুড়া মাথা নাড়িয়া—একেবারে ক্ষেপে গেল ! একেবারে ক্ষেপে গেল !—বলিয়া বকিতে বকিতে প্রশ্নান করিল।

বিমলের কাছে রহস্য যতই জটিল হইয়া উঠিতে লাগিল সে ততই বিরক্ত হইয়া পড়িতেছিল। যদি কেহ তাহার ব্যথা লইয়া বিদ্রিপ করিতেছে হয়, তবে তাহারা কিন্তু বর্বর হৃদয়হীন ! কিন্তু এ ত’ বিদ্রিপ ছলনা নয়, এই আংটি ও ঝুমাল যে সতোর সাক্ষী ! তবে কি সেই ঘমুনা-পুলিনের ভিখারিণী এই ঝুপালি নদীর তীরে এই সোনাতলা গ্রামে তাহারই সঙ্গে সঙ্গে আসিয়া গা-ঢাকা দিয়া আছে ? যদি তাই হয় তবে তাহার এই নির্ভুল খেলা কি উচিত হইতেছে ? একের কৌতুক, অপরের যে প্রাপ্তনি !

বিমল আপনাকে লইয়া এমন বিব্রত হইয়া উঠিয়াছিল যে তাহার চারিদিকেও যে কত কি বিপ্লব ঘনাইয়া উঠিয়াছে তাহার দিকে লক্ষ্য করিবার অবসর তাহার ছিল না। যুথিকার চোখের জল আর শুকাইতেছে না ; তাহার বিষণ্ণ ডুস মুখে সেই প্রসন্ন হাসি আর লাগিয়া নাই। ফণীর কড়া মেজাজ রুক্ষ হইয়া উঠিয়াছে ; সে আর পূর্বের মতো যথন-তথন হাসে না, অনর্গল বকে না, গুমটের সন্ধ্যার মত থমথমে গন্তীর হইয়া আছে। ফণী ছুতায়-নাতায় তাহার স্তৌকে কর্কশ ভৎসনা করিতেছে—ঘোড়ার দানা খাওয়ানোর সময় যুথিকা দাঢ়াইয়া দেখে না ; বাগানটা চুলায় যাইতে বসিয়াছে তাহার তদারক করে না : রান্না মুখে দিবার জো নাই, রাণীর ননীর শরীর আগুন-আচে গলিয়া যাইবার ভয়ে রঁধুনির হাতে রান্না ছাড়িয়া দিয়া, দাসীর হাতে সঁপিয়া বাবু হইয়া আজকাল কেবল লেখাপড়ার চৰ্চা চলিতেছে ; যার-তার সঙ্গে কেবল রঙ-রসিকতা করিলে ঘরসংসার বহিয়া যাইতে দেরী লাগে না ইত্যাদি। বেচারী যুথিকা স্বামীর এই সমস্ত অত্যাচার ও বিত্রী ইঙ্গিত মৌন মুখে সহ করিতেছিল ; কিন্তু চঙ্গু তাহার শুক্ষ থাকিতেছিল না, সে থাকিয়া থাকিয়া সামনা ও সহাহৃতি খুঁজিয়া বিমলের দিকে চাহিতেছিল। তাহার সেই চোরা চাহনি অন্যমনস্ক বিমল দেখিতে পাইতেছিল না বটে, কিন্তু ফণীর নজর এড়াইতেছিল না। ফণীর সঙ্গে যুথিকার চোখে-চোখি যথনই হইতেছিল তথনই ফণী দৃষ্টিতে আগন্নের বালক হানিয়া যুথিকাকে দঞ্চ করিতে উদ্যত হইতেছিল।

বিমল ফণীর নৌরব ও সরব ভৎসনা সমস্তই দেখিতেছিল ও শুনিতেছিল ; কিন্তু সে উহা নিত্যকার নিয়মিত ব্যাপার ছাড়া উহার মধ্যে অসাধারণত কিছু ধরিতে পারে নাই। সে ফণীর বিরক্ত ও

কুঠি ব্যবহারের কারণও যুথিকাকে জিজ্ঞাসা করে নাই। যুথিকা যে ফণী উপস্থিত থাকিলে বিমলের সঙ্গে কথা বলিতেছে না ইহাও বিমল বিশেষ লক্ষ্য করে নাই; সে মনে করিতেছিল, ফণীর অবিশ্রাম ফরমাসে বেচারা কাজের মাঝে থই পাইতেছে না বলিয়াই কথা বলিবার অবকাশ পাইতেছে না।

কিন্তু হঠাৎ বিমলকে চমকিত করিয়া ফণী কুঠিস্বরে বলিয়া উঠিল—
দেখ বিমল, আমি কাজের লোক, সমস্ত দিন বাড়ীতে বসে তোমাকে
ত' আগলাতে পারি না, কাল তোমাকেও আমার সঙ্গে যেতে হবে।

বিমল হাসিয়া বলিল—তোমার আমাকে আগলাবার কিছু
দরকার নেই, ভাই; তোমার বাড়ীতে যে লক্ষ্মী আছেন, তিনি
কাজের কোনো অভাব রাখেন না।

ফণী কষ্ট হইয়া বলিয়া উঠিল—না না, তোমার কাব্যের ছেঁয়াচ
লেংগ যুথিকার স্বভাব বিগড়ে যাচ্ছে ! কাব্য করতে হয় নিজের মনে
কোরো ; রাজাৰ বাড়ীৰ গিন্ধিৰ কাব্য করবার অবসর নেই, তাকে
কাজ করতে হবে।

বিমল অবাক হইয়া যুথিকার মুখের দিকে চাহিল। যুথিকা
আস্তে আস্তে ঘর হইতে বাহির হইয়া চলিয়া গেল। ফণীও হনহন
করিয়া বাহির হইয়া গেল। বিমল অপ্রতিভ হইয়া ভাবিতে
লাগিল—ব্যাপার কি ? ইহাদের কি হইয়াছে ?

পরদিন প্রভাতে সাত-পাঁচ ভাবিয়া বিমল ঠিক করিল ফণীৰ
সহিত তাহার যাওয়াই উচিত। কিন্তু—। ছপ্পহর বেলা সেই রে
তাহার যমুনা-পুলিনের ভিধারিণী তাহারই সঙ্গানে আসিবে হয়ত !
যদি আসে তবে ত' সে হতাশ হইয়া কিরিবে ! তারপর যদি আর না
আসে ? না না, কিছুতেই না, যাওয়া হইতেই পারে না ; ফণী যাহাই

বনুনা-পুলিনের ভিথারিণী

চাবুক, ঘাহাই বলুক, সে এ বাড়ী ছাড়িয়া এখন নড়িবে না, নড়িবার
শক্তি যে তাহার নাই ।

ফণী বিমলকে প্রভাতে বাহির হইতে দেখিয়া উৎফুল্ল হইয়া
জিজ্ঞাসা করিল—কি হে যাবে না কি ?

বিমল লজ্জায় লাল হইয়া বলিল—না, আমার একটু কাজ
আছে ।

ফণী অসহিষ্ণুভাবে বুটের উপর জোরে জোরে চাবুক আছড়াইতে
আছড়াইতে চীৎকার করিয়া ডাকিল—যুথিকা !

যুথিকা পাংশুবর্ণ মুখে আসিয়া প্রাণহীন পুতুলটির মত আদেশের
প্রতৌক্ষায় দাঢ়াইল ।

ফণী তেমনিভাবে বুটের উপর অসহিষ্ণুভাবে চাবুক মারিতে
মারিতে বলিল—আজ যেন সমস্ত বইগুলো রোদে দিয়ে বেড়ে
ক্যাটালগ লিখে সাজিয়ে তোলা হয় ; তাঁড়ারে কোন্ জিনিস কত
আছে ওজন করিয়ে ফর্দ ক'রে রাখবে ; বাগানে কপির ক্ষেতে ঠিক
এক ফুট অন্তর চাঁরা চারানো হ'ল কি না দেখবে ; ধোবার কাছে
লোক পাঠিয়ে কাপড় আনিয়ে মিলিয়ে নিও ! ভটচার্ধি-গিন্ধিকে গিয়ে
ব'লে আসবে আমি পরে তেবে বলব তাঁর ছেলেকে কোন্ চাকরী
দেবো.....এর কিছু ত্রুটি হলে চাবকে লাল ক'রে দোবো ।

ফণী টপাস করিয়া ঘোড়ার পিঠে লাফাইয়া সওয়ার হইয়া সমস্ত
রাগটা সেই নির্দোষ ঘোড়ার উপর ঝাড়িল । সে অসতর্ক অবস্থায়
অপ্রত্যাশিত সজোর চাবুক থাইয়া এক নিমিষে উড়িয়া দৃষ্টির বাহিরে
চলিয়া গেল ।

ফণী যেমন বিমল ও যুথিকার প্রাণশক্তি হরণ করিয়া পলাইয়াছে
—চুজনেই নিষ্পন্ন অবাক রক্তলেশশৃঙ্খল !

বিমল আপনাকে জোরে একটা নাড়া দিয়া অবস্থাটা বৃঞ্চিতে চাহিল। কেমন সে বর্ষর যে অভ্যাগত অতিথির সামনে নিজের স্ত্রীকে এমন করিয়া অপমান করিতে পারে; আতিথ্যের মর্যাদাও এমন করিয়া লজ্জন করিতে পারে! সে যুথিকাকে জিজ্ঞাসা করিল—আজকে ওর হয়েছে কি?

যুথিকা চোখের জল রোধ করিতে পারিতেছিল না। সে মুখ না তুলিয়াই নতমুখে বলিল—এ ত' ওঁর চিরকেলে স্বভাব। আপনি আসাতে দিন কতক একটু সামলে ছিলেন; এখন আবার নিজের অভ্যন্ত স্বভাবেরই পরিচয় দিচ্ছেন; নতুন কিছু নয়।

বিমল ব্যথিত হইয়া বলিল—সর্বনাশ। বারমাস ত্রিশদিন আপনাকে এই দুর্দান্ত স্বেচ্ছাচারীর সঙ্গে ঘর করতে হয়! এত খাটুনির ওপর এত বকুনি আপনাকে সহ করতে হয়!

যুথিকা চুপ করিয়া রহিল। বিমলও যুথিকার দুঃখের পরিমাণ ভাবিয়া সন্তুষ্ট হইয়া গেল।

ক্ষণেক পরে বিমল যুথিকাকে সামনা দিবার জন্ম বলিল—চলুন, কাব্য আলোচনা করা যাকগে।

যুথিকা স্বামীর ভৎসনা স্মরণ করিয়া লজ্জায় লাল হইয়া বলিল—আমাকে ক্ষমা করুন! আজ আমার অনেক কাজ করতে হবে, অবসর হবে না।

বিমল উত্তেজিত ও উৎসাহিত হইয়া উঠিল—তা বেশ, ভাঁড়ার খুলে দেবেন চলুন, আমি এক দণ্ডে সব ওজন করিয়ে কর্দ ক'রে ফেলছি...

যুথিকা কৃষ্ণিত হইয়া বলিল—ও সব আমাকেই কর্তৃতে হবে।

বিমল বলিয়া উঠিল—তবে আলমারিয়া চাবি দিন, আমি ততক্ষণ বইগুলো বার ক'রে রোদে ফেলি.....

ঘমুনা-পুলিনের ভিধারিণী

—না, সে আমার না দেখলে হবে না।

তখন বিমল বিরক্ত ও বিশ্বিত হইয়া বলিয়া উঠিল—ভট্টার্ফি-
বাড়ীতেও আপনাকে খবর দিতে যেতে হবে!

যুথিকা অত্যন্ত ব্যথিত কৃষ্ণিত স্বরে বলিল—না যেয়ে উপায়
নেই। না গেলে রক্ষা থাকবে না, আপনি ত' ওর ছকুম
শুনেছেন।.....কিন্তু ওসব কথা যাকগে, আপনি কিছু ভাববেন না,
আমার ওসব অভ্যাস আছে। কিন্তু আপনি দিনকের দিন কেমন
বিষয় নিষ্পত্তি উন্মনক্ষ হয়ে পড়ছেন? আপনার সে আনন্দের উচ্ছলতা
বঙ্গ হয়ে আসছে কেন? আপনার এখানে কি কিছু কষ্ট হচ্ছে?
আমাদের ব্যবহারে কি আপনি ক্ষুণ্ণ হয়ে উঠছেন?

বিমল বিপন্ন হইয়া ইতস্তত করিতে লাগিল। বাগানে যে
অসন্তোষ আশ্চর্য ঘটনা ঘটিয়াছে তাহা সে ব্যক্ত করিয়া বলিতে
যাইতেছিল; কিন্তু নিজের দৃঃখ্যাতিনী বারবার পরকে বলিয়া লাভ
কি, তাহাতে দৃঃখ্যভারে নিপীড়িত যুথিকাকে আরো দৃঃখিত করা হইবে
মনে করিয়া বিমল আপনাকে সংবরণ ও গোপন করিল। সে
বলিল—শরীরটা তেমন ভালো নেই...

যুথিকা সন্দিহান দৃষ্টিতে তাহার দিকে তাকাইল। একটা কি
কথা তাহার ঠোঁটের উপর প্রকাশের আগ্রহে কাঁপিয়া কাঁপিয়া
উঠিল; কিন্তু বিমল তাহাকে অবিশ্বাস করিয়া তাহার মনের ভাব
গোপন করিতে বুঝিতে পারিয়া সেও তাহার প্রকাশেশুখ
বাক্যকে ওষ্ঠের কপাট ঝুঁক করিয়া বন্দী করিল। বিমলের অবিশ্বাস
যুথিকার প্রাণে বজিল। সে আর কোনো কথা না বলিয়া বাগানে
কপির চারা পৌতা দেখিতে চলিয়া গেল—বিমলকে সঙ্গেও যাইতে
ডাকিল না।

কিছুক্ষণ পরে বিমল বাগানে গিয়া যুথিকাকে খুঁজিল। শুনিল,
সে বাড়ীতে ফিরিয়াছে।

বিমল স্নানাহার সমাপ্ত করিয়া যুথিকাকে ঝোঁজ করিল।
শুনিল, যুথিকা ভট্টাচার্ঘি-গিলির কাছে গিয়াছে।

বিমল যেন কোন্ সম্মোহনের আকর্ষণে ধীরে ধীরে নদীর ধারে
লতাকুঞ্জের কোলে শেয়ালা-ঢাকা ঢালু তটের উপর গিয়া উপস্থিত
হইল। আশায় আশকায় তাহার হৃদয় দুরহৃত করিয়া কাপিতেছিল।
সে স্থির সঙ্গে করিল, আজ সে ঘূমাইবে না, মটকা মারিয়া থাকিবে,
যাহার বিরহে সে পাগল-পারা হইয়াছে তাহাকে আজ ফাঁকি দিয়া
পলাইয়া যাইতে দিবে না। সে শুইয়া অপেক্ষা করিতে লাগিল,
একবার চোখ মুদে আবার মিটমিট করিয়া চায়। অনেকক্ষণ পড়িয়া
রহিল, কিন্তু আজ ত কেহ কৈ আসিল না! সে হতাশ হইয়া
এতক্ষণে ঘূমাইয়া পড়িত, কিন্তু আশা আশকা উদ্বেগ প্রতীক্ষা
প্রত্যাশা সঙ্গে মিলিয়া তাহাকে ঘূমাইতে দিল না। সে ক্রমশ হতাশ
হইয়া ঘুমের কোলে আপনাকে ধীরে সমর্পণ করিতেছিল, এমন
সময় লতাকুঞ্জের পত্রপুঞ্জে মর্মর শব্দ করিয়া উঠিল। সে চোখের
পাতা চুল প্রমাণ ফাঁক করিয়া দেখিল ছুটি শুভ আঙুল কুঞ্জের
বেড়ার পল্লবাবরণ ঈষৎ উন্মুক্ত করিতেছে—নিজিতের অবস্থার
সন্ধানে কাহার একটি চোখ সেই অবকাশে উকি মারিবে!

বিমল আড়ষ্ট হইয়া পড়িয়া রহিল, কিন্তু তাহার ভয় হইতেছিল
তাহার হৃদয়ের উন্মত্ত অস্তিরতা পাছে সেই ভীকুকে ভয় পাওয়াইয়া
তাগাইয়া দেয়।

মৃছ, অতিমৃছ লয় সন্তর্পণ পদক্ষেপ কোমল ঘাসের উপর শুনা
গেল। বিমল চোখের পাতার ঈষৎ ফাঁক দিয়া কঠাকে দেখিল

বনুবা-পুনিমের তিথাক্ষণী

বুজুরারে ছথালি শুভ হোট পা উকি মানিজেহে। বুজু হইতে ধীরে
সন্তর্পণে বাহির হইয়া আসিল সেই ছিপছিপে তরী তরুণী—তাহার
পুরষে আসমানী রঙের শাড়ী, মাথার কিরোজা রঙের ওড়না—
দোমটায় মুখের উপর ঝাপিয়া পড়িয়াছে। মুখের রঙের গোলাপী
আভা আভির প্রাণে উবার মত শুলুর দেখাইতেছিল। বিমলের
অঁধের তাহাকে তাড়না করিতেছিল এই ছল্ভ তোরকে বাহুবলনে
গ্রেপ্তার করিতে; কিন্তু তাহার কৌতুহল তাহাকে কোনো মতে
নিরস করিয়া রাখিতে লাগিল।

সেই ছফ্ফুপিণী তরুণী পা টিপিয়া টিপিয়া সন্তর্পণে আগাইয়া
আসিতে লাগিল, এবং যতই সে বিমলের নিকটে আসিতে লাগিল,
ততই তাহার মুখের উশুক্ত অংশে লজ্জার অরূপিমা গাঢ় হইয়া উঠিতে
লাগিল। সে নিজিতের শিয়রে চুপ করিয়া দাঢ়াইয়া অনেকক্ষণ
একসৃষ্টি তাহাকে দেখিয়া দেখিয়া কঠিন হংখে বুকভাঙা গভীর দীর্ঘ-
নিঃশ্বাস ত্যাগ করিল, এবং চোখে হাত দিয়া বোধ হয় অঙ্গ মার্জনা
করিল। তারপর সে নিজিতের মুখের উপর ঝুঁকিয়া পড়িল; বিমল
চোখ মুদিল। সেই শুলুরীর শুরুতি শাস তাহার মুখের উপর স্বর্গের
অশ্রুরীর শায় নাচিতে লাগিল—তারপর উবার অরূপালোক যেমন
করিয়া ফুলের উপর পঁড়ে তেমনি একটি অতীত্বিয় কোমল স্পর্শ
আপন অধরে অনুভব করিল।

বিমল আর আপনাকে দমন করিয়া রাখিতে পারিল না; কাঁদের
কাঁস হঠাতে যেমন শুলুরী বিহসীকে বলী করে, তেমনি হঠাতে হই বাহু
উৎক্ষিপ্ত করিয়া বিমল সেই পলায়মানা অশ্রুরীকে বুকের উপর টানিয়া
আমিল, এবং তরুণী তারকাতন করিয়া তাহার বুকের উপর পড়িয়া
গেল। বিমলও তায় পাইয়া লাক্ষ্মীয়া উঠিল, অর্জিত অক্ষয়াৎ

আক্রমণে ভৌরু তরঙ্গীর মূর্ছা হইল বুঝি বা । না, তাহার মূর্ছা হয় নাই, সে আবেগভৱে থরথর করিয়া কাপিতেছে ! বিমল আনন্দের উপত্তি আবেগে তাহার হারানো রস্ত ভালবাসার ধনকে বুকের উপর ফুলের মত তুলিয়া ধরিয়া চুমায় চুমায় আচ্ছন্ন করিয়া আপনাকে যেন নিঃশেষে ব্যয় করিয়া ফেলিতে লাগিল । সে একটু দম লইয়া হাঁপাইতে হাঁপাইতে বলিল—অবশ্যে, এতদিনে তোমাকে পেলাম, পেলাম আমার ভালোবাসার ধন ! তুমি তবে শুধু স্বপ্ন নও ! সেই আগের মতনই আমি তোমাকে বুকে অনুভব করছি ; সেই প্রণয় আজ শতঙ্গ হয়ে উঠেছে ! আমার স্বৰ্খের অবধি নেই, আমি জানতে পেরেছি তুমিও আমাকে কত বেশী ভালোবাস !

সেই অর্ধাবৃত মুখের উপর রক্তের ছোপ গাঢ় হইয়া উঠিল ; সে কোনো কথা না বলিয়া আপনাকে বিমলের প্রগাঢ় আলিঙ্গন হইতে মুক্ত করিবার জন্য চেষ্টা করিতে লাগিল ।

বিমলের চোখ দিয়া জল গড়াইয়া পড়িতেছিল, সে আর্দ্ধ স্বরে বলিল—না না, আমি আর তোমাকে বুক থেকে নামাব না, আমি তোমার বিচ্ছেদে বড় ছঃখ সয়েছি । বিশ্বব্রহ্মাণ্ডে আর কেউ কিছুতে আমাদের এ মিলন ভাঙতে পারবে না,—জীবনে মরণে আমরা আমাদের !—দূর হোক এই মুখের আবরণ, আমার সাধনার ধনকে আমি চিনে নি !

সেই অবগুষ্ঠিতা তরঙ্গী বিমলের ব্যগ্র হাত চাপিয়া ধরিয়া নিবারণ করিতে চাহিল ; সে আপনাকে তাহার বাহপাশ হইতে মুক্ত করিবার জন্য প্রাণপথে ছটফট করিতেছিল, তাহাতে তাহার নিঃখাস বেগে অনন্ধ বহিতেছিল ।

কিন্তু এতকালের প্রতীক্ষার পর প্রেয়সী নারীকে বুকে পাওয়ার

ষষ্ঠা-পুলিনের ভিধারিণী

পরিপূর্ণ আনন্দের প্রবল আবেগে বিমল সেই অবলার সকল চেষ্টা
পরাত্ত করিল—একহাতে তাহার ছইহাত চাপিয়া ধরিয়া মুখের
আবরণ খুলিয়া ফেলিল। তাহার মুখের উপর বিমলের ব্যগ্র দৃষ্টি
পড়িবামাত্র বিদ্যুৎবিদ্ধ ব্যক্তির গ্রায় সে সেই তরঙ্গীকে ছাড়িয়া দিয়া
এক লক্ষে দূরে সরিয়া গিয়া হতাশ বিশ্বয়ে বলিয়া উঠিল—যুথিকা !
তুমি !

বিমলের পায়ের তলা হইতে ঘেন মাটি সরিয়া গিয়াছে, সে
অতল অঙ্ককার গর্তের ভিতর অনাদি কাল হইতে অনন্ত কাল ধরিয়া
পড়িয়া যাইতেছে, তাহার চারিদিকে সমস্ত বিশ্বব্যাপার উন্মত্ত হইয়া
নাগর-দোলায় ঘূরপাক থাইতেছে। সে ব্যাকুল আর্তনাদ করিয়া
বলিয়া উঠিল—যুথিকা ! তুমি !

যুথিকা নিস্পন্দ পাঞ্জশ অঙ্গহীন, মলিন হাসি হাসিয়া বলিল—
হাঁ, আমিই যুথিকা ! যুথিকাই আমি !

বিমলের আগের মুহূর্তের অপার স্বুখের মায়া মরীচিকার গ্রায়
এক নিমিষে মিলাইয়া গিয়াছিল ; সে তিক্ত মনের বিরক্ত স্বরে
বলিল—ব্যথিতের বেদনা নিয়ে এ ছলনা কি উচিত হ'ল আপনার !
আপনার খেলায় আমার যে কৌ দারুণ ব্যথা লাগল তা কি আপনি
বুঝলেন না !

যুথিকার মুখ লজ্জায় লাল হইয়া উঠিল, ছই হাতে মুখ ঢাকিয়া
কাঁদিয়া ফেলিল।

হঠাৎ বিমলের মনে ‘বিদ্যুৎ-বিকাশের গ্রায় একটা কথা ছাঁৎ’
করিয়া উঠিল, সে বলিয়া উঠিল—কাঁদিয়ে কেঁদে কোনো ফল নেই।
কিন্তু দয়া ক’রে বলুন—আপনি আমার আংটি, আমার ঝুমাল
কোথায় কেমন ক’রে পেয়েছিলেন ?

যুথিকা কোনো কথা বলিতে পারিল না, উচ্ছসিত হইয়া কাদিতেই লাগিল ।

বিমল ব্যাকুল হইয়া বলিতে লাগিল—বলুন, বলুন, আপনাকে মিনতি করি, আমার আংটি, আমার কুমাল আপনাকে কে দিয়েছিল ?

যুথিকা লজ্জায় এতটুকু হইয়া আপনাকে বিমলের পাশে লুকাইয়া স্থুখবেদনায় ভরা মৃদু কৃষ্টিত স্বরে বলিল—তুমি ।

বিমলের মনের আধার কাটিয়া গেল । কিন্তু এ যে তৌত্র উজ্জল প্রচুর আলোর অকস্মাত বিকাশ ! ইহাতে তাহার দৃষ্টি ধারিয়া গেল । সে একটু সহিয়া লইয়া যুথিকার অশ্রুপ্লাবিত নত মুখ তুলিয়া ধরিয়া অগাধ স্নেহ-সন্ত্বনে দৃষ্টি ভরিয়া স্নিফ কোমল স্বরে বলিল—“তুমিই যুথিকা, আমার যমুনা-পুলিনের ভিধারিণী ! আবার কি আমি স্বপ্ন দেখছি !” পুলকিত বিমল দুই হাতে যুথিকার লজ্জাকরণ সুন্দর মুখখানি তুলিয়া ধরিয়া মুঢ দৃষ্টিতে অনেকক্ষণ চাহিয়া দেখিয়া দেখিয়া বলিল—আমি কী মৃঢ ! এতদিন কি চোখ বন্ধ ক'রে ছিলাম । এই ত' সেই নাক, সেই গাল দুটি, সেই চিবুক, সেই মুখ—এ মুখে ত' আমার আজ এই প্রথম চুম্বন নয় !

একটি প্রগাঢ় লালিমার শ্রোত যুথিকার মুখের উপর দিয়া বহিয়া গেল ; সে আনন্দ-উল্লাস-ভরা দৃষ্টিতে অঙ্গধারার ভিতর দিয়া বিমলের মুখের দিকে চাহিয়া কোমল অঙ্গুরাগ ঢালিয়া দিয়া বলিল—তোমার দয়ার কেনা দাসী আমি । তোমার করুণায় আমার মায়ের শেষ দিন কয়টি নিশ্চিন্ত শাস্তিতে কেটে গেছে ; তুমি আমাকে পাপে পড়ার সন্তাবনা থেকে রক্ষা করেছিলে ; আমি আমার মায়ের ঘৃত্য-মুহূর্তের আশীর্বাদ আর আমার ভালোবাসা-ভরা কৃতজ্ঞতা তোমাকে

ফুনা-পুলিমের ভিধারিণী

জানাতে এসেছি। কিন্তু এ আমার কী দারণ অদৃষ্ট। আমি আজ
অপরের স্ত্রী, তোমার বন্ধুর স্ত্রী।

যুথিকা মুখ ঢাকিয়া ফুলিয়া ফুলিয়া কাদিতে লাগিল। বিমল
অনুভব করিতে লাগিল, যুথিকার চাপার কলির মত অঙ্গুলগুলির
কাঁক দিয়া চোখের জলের বরণ ছুটিতেছে, তাহার নিঃশ্বাস-প্রশ্বাস
বুকভাঙ্গা বেদনায় হাহাকার করিতেছে! বিনা ভাষায় এই প্রণয়-
পরিচয় পাইয়া বিমলের মন প্রসন্ন হইয়া উঠিয়াছিল—পিতামাতা
বরসংসার ছাড়িয়া জীবনের সকল আশা-আকাঙ্ক্ষা সাধ-আহুদ
ত্যাগ করিয়া পাগলের মত দেশে দেশে ঘুরিয়া মরিতেছিল যাহার
উদ্দেশে, সেই তাহার প্রার্থিতা প্রণয়নী আজ সে অপরের স্ত্রী
হইয়াছে; তাহার জন্য তাহাকে কোনো রকম তিরক্ষারের কথা
বিমলের মনে আসিল না। অজ্ঞাত রহস্যময় অ-বশ্যকে সে মনে মনে
প্রণাম করিল; কিন্তু তখনো সেই যদ্ভবিষ্যকে সম্পূর্ণ মানিয়া লইতে
না পারিয়া যুথিকাকে বাহুবেষ্টনে নিজের কাছে ধরিয়া রাখিয়া সে
বিষণ্ণ উদাস স্বরে বলিল—যা হয়ে গেছে তাকেই চরম, তাকেই
কল্যাণ ব'লে মেনে নিতে হবে—এ না হলে আমরা যে অসীম স্বর্থে
ডুবে যেতাম। তুমি পরের—তবু স্মৃতিতে কল্পনায় তুমি আমার!
আমরা মনে কর্ব—আমি যেন সেই যমুনা-পুলের ধারে তোমার
আগমন-প্রতীক্ষায় অনন্তকাল অপেক্ষা ক'রে আছি, আবার তোমায়
পাব। এই আশাতেই আমাদের আজকের এই মিলন আজই এ
জগ্নের মতন শেষ ক'রে দিতে হবে।

অতীতের আনন্দ-স্মৃতি, বর্তমানের আনন্দ-সন্তোগ আর
ভবিষ্যতের বিরহ-বেদনা মিশ্রিত হইয়া যুথিকাকে অভিভূত করিয়া
তুলিতেছিল। তাহার বিষাদ-আনন্দ চোখের পাতার নীচে সকল

সত্য কেন ঢাকা পড়িয়া গিলাইল ; অতি কোমল প্রশংসন-মাথা
মুছ হাসি তাহার পাশের ঠোঁটের চিমুকের টোল ভরিয়া টল্টল
করিতেছিল। ঘূর্থিকা বিমলের পাশে লিপ্ত হইয়া আনন্দিত বিষাদের
সুরে জিজ্ঞাসা করিল—আমাকে দেখে তুমি চিন্তে পারনি ?

বিমল স্নেহ ঢালিয়া তাহার মুখের দিকে ঢাহিয়া জিজ্ঞাসা
করিল—তুমি আমাকে চিন্তে পেরেছিলে ?

ঘূর্থিকা উচ্ছুসিত হইয়া বলিয়া উঠিল—তোমার মূর্তি যে আমার
হৃদয়ে কুঁদে কুঁদে পড়েছিলাম ; মনোমনিরে কৃতজ্ঞতার বেদীতে
বসিয়ে সে মূর্তির নিত্য পূজা করেছি ভালবাসার অর্ঘ্য সাজিয়ে !
কতদিনে কত অঙ্গ চক্ষু-শঙ্খে তরে তোমাকেই পাত্ত দিয়েছি !
তোমার কথা যে আমার কানে দেবমনিরের আরতির ঘণ্টার মত
বেজেছিল।

বিমল অতীতের স্মৃতির মধ্যে জগ্নাভের আনন্দে বলিয়া উঠিল—
ঘূর্থি, আমার চোখ, কান, মন, হৃদয় এমন কি নির্বোধ ! এখানে এসে
যেদিন তোমার প্রথম দেখ্লাম, অমনি একটা আনন্দময় বিশ্বয়
আমার মনের মধ্যে বয়ে গেল ; সেই যে তোমার মাঝের ছবি
অকস্মাতের সৌভাগ্যে আমার চোখে পড়েছিল, যার মধ্যে আমার
ষষ্ঠা-পুলিনের ভিখারিণীর আদল দেখে আমি চমকে উঠেছিলাম,
সেই ছবির, সেই ভিখারিণীর আদল তোমাতে দেখেও আমার মন
তেমনি চমকে উঠেছিল। কিন্তু তুমি বিবাহিতা, ফণীর মত
জমিদারের গৃহিণী, এই ঘটনাটাই আমার দিক্কতুল ক'রে দিয়েছিল।
আমি তোমারই পাশে বসে অচেনা তোমারই কথা নিশ্চিন
ভাবতাম ! ঘূর্থি, তুমি আমার জন্য একটু অপেক্ষা করলে না কেন ?
তুমি কণীকে কেন বিয়ে করলে ?

যমুনা-পুলিনের ভিধারিণী

যুধিকা অতি কষ্টে অঙ্গসাগরের উদ্বেল জোয়ার ধৈর্যের বাঁধ
দিয়া আপনাকে কথা বলিতে সমর্থ করিয়া বলিল,—যেদিন প্রথম
তুমি আমায় বললে যে তুমি এগজামিন দিতে কলকাতায় চলে যাবে,
সেইদিনই যেন কোন্ প্রতিকূল অদৃষ্টচক্র আমার সমস্ত সুখ আর
আনন্দ নিঃশেষে চূর্ণ ক'রে দিয়ে গেল। তুমি এগজামিন দিতে চলে
গেলে আমার জীবনের সুখের সূর্য যেন রসাতল গেল—তোমার সঙ্গ
আমার কাছে এমনি অমূল্য হয়ে উঠেছিল। সেই যমুনা-পুলের
ধারে গভীর রাত্রে প্রথম যেদিন তোমার কাছে ভিক্ষা চেয়েছিলাম,
তুমি যখন বাংলা কথা কয়ে তোমার বন্ধুর কাছে পয়সা চাইলে
আমাকে দেবার জন্যে, সেইক্ষণেই যে আমি তোমাকে মনপ্রাণ দিয়ে
ফেলেছিলাম ! তারপর তোমার অসামান্য দয়া ত' আমাকে
একেবারে কিনে নিয়ে দাসী করেছিল। আমি মনের মধ্যে তোমার
মূর্তি প্রতিষ্ঠা ক'রে পূজা করেছি। তোমার সুখের জন্যে আমার
প্রাণ পর্যন্ত দেওয়া তখন আমার আনন্দের গর্বের গৌরবের ব্যাপার
মনে হচ্ছিল। তোমার আচরণেও এই দীনা কুলশীলহীনা ভিধারিণীর
প্রতি অমুরাগ প্রকাশ পেত, কিন্তু তোমার ব্যবহার কত সংযত, কত
সন্দ্রমপূর্ত, কত ভজ ভব্য ! তুমি চলে গেলে কেবলই মনে হতে লাগল
তোমার সঙ্গে আর আমার দেখা হবে না। সেই কান্নায় কান্না জুড়ে
দিয়ে আট দিন পরে মা হঠাৎ মারা গেলেন। তোমারই দেওয়া
টাকায় তাঁর সৎকার শ্রাদ্ধ করতে পারলাম। শ্রাদ্ধের পর ত্রিবেণীর
ঘাটে বসে কাঁদচি—এই বিশাল সংসারে কোথায় আশ্রয়, এই অকূলে
কোথায় কুল ! আমার চারিদিকে লোক জমে গেছে ; সেই শোকের
সময়ও বর্ষের পুরুষেরা অকথ্য ব্যঙ্গ-বিঙ্গপ ক'রে অতিরিক্ত আগ্রহ
দেখিয়ে আমাকে ভীত ক'রে তুলেছে ; এমন সময় একটি করুণাময়ী

রমণী এসে আমাকে স্নেহের স্বরে জিজ্ঞাসা করলেন—‘মা, তোমার
কি হয়েছে ?’ তাকে দেখেই আমার মনে হ’ল উনি বড়বৱের ঘরণী।
তার পায়ে পড়ে বললাম—‘মা, আমার কেউ নেই, আপনি আমার
মা, আমাকে অধর্মের আর ধৰ্মসের কবল থেকে বাঁচান !’ তিনি দয়া
ক’রে আমাকে মাঝের আদরে সঙ্গে ক’রে নিয়ে এলেন, তিনি অমর
ঠাকুরপোর মা, আপনার বন্ধুর পিসি। তিনি খুঁটিয়ে খুঁটিয়ে আমার
বাপ-মার কথা জিজ্ঞাসা ক’রে বিশ্বাস করলেন আমি ভজবৱেরই
মেয়ে। আমাকে তিনি আশ্রয় দিয়ে আশ্বাস দিলেন—দেশে ফিরে
এসে আমার বিয়ে দেবেন। আমার মাথায় ভাবনার আকাশ ভেঙে
পড়ল। আমি তোমার দেখা পাবার জন্যে ব্যাকুল হয়ে উঠলাম।
কিন্তু আমার ছুরদৃষ্টি অনেক দুঃখ আছে ব’লে, তোমার প্রয়াগে
আসবার ছুদিন মাত্র আগে পিসিমা দেশে চলে এলেন; আমার
প্রাণের রক্ত জল হয়ে চোখ দিয়ে বারতে লাগল, পিসিমা মনে করলেন
মাঝের মৃত্যুর স্থান ব’লে প্রয়াগ ছাড়তে আমার অত কষ্ট হচ্ছে।
আমি লজ্জায় মুখ ফুটে বলতে পারলাম না যে, প্রয়াগ ছাড়তে আমার
সমস্ত স্মৃথের মৃত্যু হচ্ছে। আমি নিরাশ্রয় অবস্থায় প্রয়াগে পড়ে
থাকতেও সাহস করলাম না। তুমি আমায় কখনো তোমার বাড়ীর
ঠিকানা বলনি; আমিও কখনো জিজ্ঞাসা করিনি। সেই মিলনের
তন্ত্রজ্ঞতায় মনে করেছিলাম আমাদের কখনো বিচ্ছেদ হবে না, আমরা
ছজনে একসঙ্গে চিরদিন থাকব—সেই আমাদের ঠিকানা। প্রয়াগ
ছেড়ে আমার ভুল ভাঙ্গল। তখন সেই তোমার নির্দিষ্ট দিনের
সন্ধ্যাবেলা আমি কল্পনায় দেখছিলাম, তুমি উৎসুক হয়ে ঘূনার
পুলের কাছে জোরে হেঁটে এসে দাঢ়ালে, উৎসুক হয়ে আমার আসার
পথের দিকে ঘন ঘন তাকাতে লাগলে, তোমার সমস্ত দেহ মন দৃষ্টিতে

বনুনা-পুলিনের তিথারিণী

ও অবশে উন্মুখ হয়ে উঠল ; কুমি তুমি অধৈর্য হয়ে উঠলে ; শেবে হতাশ হয়ে চলে গেলে । আমার মনে হোত তারপর রোজ সন্ধ্যা-বেলা তুমি আমাকে তেমনি ক'রেই যমুনার ধারে ধারে খুঁজে বেড়িয়েছ । কিন্তু দিনের পর দিন হতাশ হয়ে বিরক্তিতে তুমি আমার সন্ধান ছেড়ে দিয়েছ, কালে কালে আমার স্মৃতি তোমার মনে ক্ষীণ হয়ে আসছে, আমার কথা হৃঃস্বপ্নের ঘত হয়ত এক একবার মাত্র মনে হচ্ছে—এ ভাবতে আমার বুক ফেটে যেত । তার ওপর যখন অমর-ঠাকুরপো লোঙুপ হয়ে আমার কানে লালসার মন্ত্র শুঙ্গন করতে আরম্ভ করলে, যখন ছেলেকে ডাইনীর মায়ায় পড়ে অধঃপাতে যেতে দেখে পিসিমা শক্তি হয়ে উঠে আমাকে দূর করবার জন্মে ব্যস্ত ও উগ্র হয়ে উঠলেন । যখন আমাকে শুড়ো গোমস্তা শুরু-দয়ালের হাতে ফেলে দিয়ে পিসিমা নিশ্চিন্ত হবার সকল করলেন, আর অমর-ঠাকুরপো আমায় চুপি চুপি আশ্বাস দিয়ে গেল যে শুরু-দয়াল শুধু নামে বিয়ে করবে, আমি শুরুদয়ালের বাড়ীতে অমরেরই থাকব, তখন আমার হৃঃথ চরমে পৌছল । তখন আমার মরণ ছাড়া মুক্তির পথ রইল না ; কিন্তু তোমাকে আর একবার দেখবার অলোভন আমাকে মরতে দিচ্ছিল না । এমন সময় তোমার বক্তু পিসির বাড়ী ঠার বিয়ের নিমিত্ত করতে গেলেন ; আমাকে ঠার মনে ধরল ; তিনি বিয়ের বাঁধনে ধরা না দিয়েই আমাকে গৃহিণী করবার ইঙ্গিত জানালেন ; আমি যখন স্বৃগা ক'রে সে কথা কানেই তুললাম না, তখন তিনি আমাকেই বিয়ে করবার জন্মে ক্ষেপে উঠলেন । আমার ত' সমস্ত স্বৰ্থের মরণ হয়েছেই, ধর্ম বাঁচবে ব'লে আমি তোমার বক্তুর প্রস্তাবে সম্মত হলাম—তোমার প্রণয়িনী আমি, হলাম তোমার বক্তুর ক্রী ।

বিমল যুথিকার কথা শুনিয়া শুনিয়া দৌর্ঘনিঃশ্বাস কেলিয়া ধলিয়া
উঠিল—হায় অভাগী ! এমন সরস কোমল শ্বাগ, এমন অঙ্গুরস্ত স্নেহ,
এত বিষ্ণা শিক্ষা ভব্যতা নিয়ে তুমি কিনা হলে ফণী নাগের নাগিনী !
আমার মন বিজ্ঞোহী হলেও তুমি তারই হয়েছে। আর আমার
এখানে থাকা একদণ্ডও উচিত হবে না। সে যতই বর্ষর হোক না,
তাকে একদিন বঙ্গু ব'লে মেনেছি, তার আতিথ্য গ্রহণ ক'রে আছি।
আমা হতে তার মর্যাদাহানি ঘটিবার অবসর আমি রাখব না—আমাদের
বিচ্ছেদ অনিবার্য যখন, তখন আজকেই আমি যাব। বিমল গভীর
স্নেহে যুথিকার মস্তক চুম্বন করিল।

যুথিকা অঙ্গুটস্বরে বলিল—এতকাল পরে আজ আমাদের দেখা
হয়েছে, আজকের দিনটি তুমি থাক। তুমি চলে গেলে আমার স্মরণের
ঘরে চিরদিনের জন্মে তালা পড়বে ; যে কঠোর কর্কশ ব্যবহার আমাকে
নিত্য সহ করতে হয় তখন তা কঠিনতর মনে হবে ! সেই হঃসহ
হৃদিনে আমাকে বাঁচিয়ে রাখবার মত একটি দিন তুমি আমার কাছ
থেকে কেড়ে নিয়ো না।

বিমল একটু চিন্তা করিয়া বলিল—দেখ যুথি, আমি ফণীকে সব
কথা খুলে বলি। সে তোমাকে ভালোবাসে না, সে তোমার ওপর
সন্তুষ্ট নয় ; সে তোমাকে ত্যাগ করুক, আমার জিনিস আমায় ফিরিয়ে
দিক। আমি ফণীর মত বড়লোক নই ; আমার কুঁড়েঘরে এমন
আরামের প্রয়োজন নেই। কিন্তু আমার ঘরে তোমাকে আমার
প্রেমে অভিগেক ক'রে আনন্দের মুকুট পরিয়ে দেবো, তুমি আমার
হৃদয়রাণী হয়ে থাকবে। আর আমি হব তোমার আদেশের দাস।

যুথিকা বিষণ্ণ দৃষ্টিতে তাহার দিকে চাহিয়া কাঁদিতে কাঁদিতে
বলিল—তা হওয়া যদি সম্ভব ই'ত ! তোমার বাড়ীতে গিয়ে তোমার

বংশুনা-পুলিনের ভিধারিণী

দাসী হৱে তোমার সেবার অধিকার যদি পেতাম, তোমার চোখের
ইসারায় আমার প্রাণ দিয়ে তোমার দয়ার ভালোবাসার অপার খণ্ডের
এক কণাও যদি শুধতে পারতাম ! কিন্তু আমি যে বলিনী ! আমি
যে আর-একজনকে স্বেচ্ছায় স্বামী ব'লে স্বীকার করেছি !

বিমল ছঃখভরা গভীর স্বরে বলিল—তবে এই শেষ হোক, আজই
আমাদের এ জন্মের মত শেষ দেখা ।

যুথিকা বিমলের বুকে মুখ রাখিয়া ক্রন্দন-জড়িত অঙ্গুটস্বরে
বলিল—এ জন্মের মত তবে এই শেষ !

যুথিকার মুখের কথা মিলাইতে উহাদের পশ্চাত হইতে গর্জন
শোনা গেল—তবে রে নচ্ছার, তুই এখানে কী করছিস् !

যুথিকা ও বিমল তয় পাইয়া সন্তুষ্ট হইয়া তাড়াতাড়ি উঠিয়া
ঁাড়াইয়া দেখিল—অগ্নিমূর্তি হইয়া ফণী রাগে থরথর করিয়া
কাপিতেছে, দাতে-দাত ঘসিয়া গর্জন করিতেছে, তাহার এক হাতে
একখানা কাগজ, অপর হাতে ঘোড়ার চাবুক মারিতে উঞ্চত হইয়া
উঠিয়াছে। সেই ছুরস্ত চাবুক নিষ্ঠুর বেগে যুথিকার শুভ কাধের
উপর আশ্ফালন করিয়া আর-একটু হইলেই পড়ি—বিমল এক লাফে
আগাইয়া গিয়া ফণীর হাত মোচড়াইয়া চাবুক কাড়িয়া লইয়া দূরে
ছুঁড়িয়া ফেলিয়া দিল। তাঁরপর শান্ত মিনতির স্বরে বলিল—ফণী
তোমায় মিনতি করি, এখানে এখন কেলেক্ষারী কিছু কোরো না।
তোমার চাকর-বাকর জন-মজুর চারিদিকে, তোমার নিজের স্ত্রীর,
নিজের বাড়ীর মর্যাদা নষ্ট কোরো না।

ফণী চীৎকার করিয়া বলিয়া উঠিল—রেখে দাও হে সাধু-পুরুষ
তোমার লেকচার ! ভিজে বেরালাটি হয়ে বক্ষ সেজে বাড়ীতে ঢুকে
সমস্ত মর্যাদার মাথা খেয়ে এখন আর উপদেশ দিতে হবে না ! আমি

আগেই জানি, যেদিন ঐ ঘুঁটে কুড়ুনি নচ্ছার ভিখারীকে আমার বাড়ীতে ঠাই দিয়েছি, সেইদিনই আমার মান-মর্যাদা সব চুলোয় গেছে। আজকে একেবারে হাতে-নাতে ধরা পড়ে গেছে।

বিমল ও যুথিকার দিকে হাতের কাগজখানা বাঢ়াইয়া ধরিয়া ফণী বলিতে লাগিল—শকুন্তলার পত্রলিখন ! তুম্হস্ত যখন পরিত্যাগ করলে তখন সোনাতলার রাজার থরই সই ! আর তুমি বদমায়েস। যেই খবর পেয়েছে যে, তোমার উচ্ছিষ্ট আমার পাতে পড়েছে অমনি রঙ দেখতে এসে জুটেছ ! এখনি ডাকছি আমার দারোয়ানকে, তোমাদের দুজনকে জুতোতে জুতোতে খেদিয়ে বার করবে—তোমার যমুনা-পুলিনের ভিখারিণী যমুনার পুলের ধারে দাঁড়িয়ে আবার ভিক্ষা করবেন, আর পাজির পা-বাড়া তুমি আমাকে এই রকম ঠকিয়ে অপমান অপদষ্ট করার জাবাবদিহি ক'রে তবে নিষ্কৃতি পাবে ! বে-ইমান বদমায়েস কাঁহাকা !

রাগে জ্ঞানশূন্য হইয়া ফণী যে কি বলিবে ও কি করিবে তাহা ঠিক করিয়া উঠিতে পারিতেছিল না। এক্লপ অবস্থায় প্রতিপক্ষের লোক যদি নিজেকে শান্ত সংযত রাখিতে পারে, তবে তাহার সঙ্গে সেই অবশিষ্ট লোক আঁটিয়া উঠিতে পারে না। বিমল স্তন্ত্রিত হইয়া গেলেও ফণীর গ্নায় অস্ত্রির জ্ঞানশূন্য হইয়া পড়ে নাই; বিমল একবার যেই যুথিকার দিকে তাকাইয়া দেখিল যে সে মৃত্যুবিবর্ণ নির্বাক হইয়া দাঁড়াইয়া অপমানে ভয়ে থরথর করিয়া কাঁপিতেছে, অমনি তাহার তখন কি করা দরকার স্থির হইয়া গেল। বিমল ফণীর আশ্ফালন কটুকটিব্য গ্রাহ মাত্র না করিয়া যুথিকার হাত ধরিয়া তাহাকে সঙ্গে লইয়া গেল। ফণী সেইখানে দাঁড়াইয়া দাঁড়াইয়া উহাদের নিঃসঙ্কোচ অগ্রাহ দেখিয়া দাঁতে দাঁত রাখিয়া রাগে গিসগিস্-

বন্ধুনা-পুলিনের ভিথারিণী

করিতে আগিল। সে তাহার ৮করদের ডাকিয়া ঐ ছটা বদমায়েসকে
জুতা মরিয়া, বাড়ী হইতে তখনই বাহির করিয়া দিবার হকুম দিতে
যাইতেছিল; কিন্তু তাহাতে আপনারই অপমান ভাবিয়া কোনো
মতে নিরস্ত হইয়া রহিল।

বিমল ও মুথিকাকে তাহারই বাড়ীতে চুকিতে দেখিয়া ফণীও
ছুটিয়া বাড়ীতে গেল। ফণী এ-ঘর ও-ঘর ছুটাছুটি করিয়া তাহাদিগকে
খুঁজিতে খুঁজিতে বৈঠকখানার-ঘরে গিয়া দেখিল মুথিকা একখানা
সোফার উপর মুখ খুঁজিয়া পড়িয়া ফুলিয়া ফুলিয়া কাঁদিতেছে, আর
তাহার পাশে জানালার ধারে দাঢ়াইয়া নিষ্পন্দ নিঃশব্দ বিমল নদীর
ওপারের বিস্তীর্ণ মাঠের সবুজ শস্ত্রক্ষেত্রের দিকে তাকাইয়া আছে।
ফণী ঘরে চুকিয়াই ঘরময় দাপাদাপি করিয়া তর্জন আঞ্চালন গালা-
গালি শুরু করিয়া দিল; 'শেষে ক্লান্ত হইয়া ঘরের অপর প্রাণে এক
কোণে সোফার উপর ধপাস করিয়া বসিয়া পড়িয়া বলিয়া উঠিল—উঃ!
এত বড় কালনাগিনীকে ঘরে ঠাই দিয়েছিলাম! ওকে ত্যাগ ক'রে
ওর বিষদ্বাত আমি ভাঙব!

বিমল আস্তে আস্তে ফিরিয়া ধীর শাস্ত স্বরে বলিল—এতক্ষণে
একটা বুদ্ধিমানের মত কথা বললে। ফণী নাগের শ্রী যে নাগিনী
এটা ভাই তোমার মত আবিষ্কার!

ফণী রাগে ক্ষিপ্ত হইয়া সোফার উপরে এমন জোরে এক ঘূর্ষ
মারিল যে সোফার কাপড় ছিঁড়িয়া নারকোল-ছোবড়া বাহির হইয়া
পড়িল; তখাপি নিরস্ত না হইয়া ফণী ঘূর্ষির উপর ঘূর্ষি মারিয়া ধূলা
উড়াইয়া চীৎকার করিয়া উঠিল—চোপরাও শূয়ার। তোমার
ঠাট্টাবাজি বার ক'রে দেবো। এই ফণী নাগের কামড়ের বিষে জলিয়ে
পুড়িয়ে মারব! তোমার নামটি বিমল, কিন্তু চরিত্রিগতি একেবারে

পেঁকো, পচা ! আদালতে ডিভোস'র অকল্পনা এনে তোমাদের ছজনকে সমাজের কাছে অপদৃশ ক'রে তবে ছাড়ব !

বিমল তেমনি শাস্তিভাবে বলিল—এতেও তোমার স্বৰূপ্তিরই পরিচয় পাওয়া যাচ্ছে,—ভাগিয়স্ ভাই, তখন বুদ্ধি ক'রে রেজেষ্টারী বিয়ে করেছিলে ; তাই ত বাঁচোয়া ! নইলে তুমি অনায়াসেই যুথিকে ত্যাগ ক'রে আবার একটা বিয়ে করতে । এখন যদি তুমি যুথিকাকে ত্যাগ কর তবে আদালত ওকেও মুক্তি দেবে !

ফণী আপনার পরাজয় ও বিমলের শাস্তি নিশ্চিন্ত বে-পরোয়া ভাব দেখিয়া আর সাম্ভাইতে পারিল না ; চাবুক তুলিয়া তাড়া করিয়া যাইতে যাইতে বলিতে লাগিল—বেরো তোরা, বেরো আমার বাড়ী থেকে ! তোদের তাড়াতে আমায় আবার আদালতে যেতে হবে ? আমি তোদের চাবুকে বার করব ! বেরো বেরো, এখনি, এই এই দণ্ডে !

যুথিকা স্বামীর আক্রমণ হইতে বিমলকে বাঁচাইবার জন্য চোখের পলকে সোকা হইতে লাকাইয়া উঠিয়া স্বামীর ছই পা জড়াইয়া উপুড় হইয়া পড়িল । সে অঙ্গজলে ভাসিতে ভাসিতে মিনতি-বিগলিত করুণ স্বরে স্বামীকে বুঝাইতে চাহিল সমস্ত অপরাধ তাহার, সমস্ত শাস্তি তাহার প্রাপ্য—বিমল একেবারে নির্দোষ ! ফণী বিমলের ঘরে যুথিকার লেখা যে চিঠি কুড়াইয়া পাইয়াছে, তাহাতেই ত' প্রমাণ হইতেছে বিমল জানিত না যে, যুথিকাই তাহার ষমুনা-পুলিনের ভিধারিণী ! বিমল আজ জানিয়াছে মাত্র, এবং তাহার জন্য যুথিকাই দোষী !

কুকু ফণী পজতলে পতিতা শ্রীর পিঠে চাবুক ভাঙিতে উগ্রত হইতেছিল । বিমল তাড়াতাড়ি খিয়া তাহার হাত হইতে চাবুক

ষমুনা-পুলিনের ডিখারিণী

কাড়িয়া লইয়া যুথিকাকে ধরিয়া তুলিল ; বাম বাহুর বেষ্টনে যুথিকাকে আগলাইয়া ধরিয়া বিমল শাস্ত্রভাবে বলিল—দেখ তাই ফণী, তুমি চিরকালই আমাকে উপদেশ দিয়ে এসেছ, কিন্তু আমি কখনোই সে-সব শোনার উপযুক্ত মনে করিনি ; কিন্তু আজ তোমার উপদেশ মান্ব। আমি তোমার বাড়ীতে চিরদিনের জন্য থাকতে আসিনি ; এতদিন চলেই যেতাম ; তুমিই অমৃতবাবুর টাকাগুলি আদায় করিয়ে দেওয়াবার জন্যে আমাকে আটকে থরে রেখেছিলে। বন্ধুর কাজই করেছ—যাকে খুঁজে খুঁজে পথে পথে বেড়াচ্ছিলাম, তাকে পেয়েছি। কিন্তু সে এখন তোমার স্ত্রী ; তাই তাকে তোমারই রেখে আমার ছঃখের বোৰা নিয়ে আমি কালই চলে যেতাম। কিন্তু তুমি যে রকম পাষণ্ড, তাতে আমি আর যুথিকে তোমার কাছে অসহায় রেখে চলে যেতে পারব না, তা হোক না কেন সে তোমার স্ত্রী !

ফণী রাগের তাছিল্যে হো হো করিয়া হাসিয়া উঠিয়া বলিল—তোমার কথা শুনে ভ্রম হয় যেন ও তোমারই সম্পত্তি, আমিই চোর দায়ে ধরা পড়েছি ! ও হো হো, ভুলে গিয়েছিলাম, ও যে একদিন তোমারই উপভোগ্য ছিল ! এখন তবে শুনি, ওকে নিয়ে কোথায় রাখা হবে ? সোনাগাছিতে না হাড়কাটার গলিতে ?

বিমল ফণীর কদর্য কথায় কান না দিয়া যুথিকাকে জিজ্ঞাসা করিল—অমরের মায়ের কাছে তুমি নিরাপদ আশ্রয় পাবে মনে কর কি ?

যুথিকা কাদিতে কাদিতে বলিল—হঁ, আমাকে পিসিমার বাড়ীতেই নিয়ে চল ।

বিমল একটু চিন্তা করিয়া বলিল—তোমার সঙ্গে আমার যাওয়া উচিত হবে না ; তুমি এখানকার যাকে বিশ্঵াস কর তাদের সঙ্গে নিয়ে

যাও। সেখানে গিয়ে অপেক্ষা ক'রে দেখ, এই বনমানুষটা রঞ্জের আদর
বুরতে পারে কিংবা অমূল্য রঞ্জকে ত্যাগ করতেই গো ধরে থাকে।

যুথিকা একজন দাসী ও বুড়া জমাদারকে সঙ্গে করিয়া
অমরনাথের মায়ের কাছে চলিয়া গেল। যাইবার সময় বিমল বলিয়া
দিল, যুথিকা সেখানে কয়েক দিনের জন্য বেড়াইতে গিয়েছে শুধু
ইহাই যেন বলে; ফণীর আচরণ শীত্র প্রকাশ না করাই ভালো;
বিমল আর একবার চেষ্টা করিয়া দেখিবে ফণীকে শাস্ত করিতে
পারে কিনা।

বিমলের কথা শুনিয়া যুথিকা জোর দিয়া ঝাঁঝের সহিত বলিয়া
উঠিল— না না, আমার এই অগস্ত্য-যাত্রা, এ বাড়ী মাড়াতে আমি
আর আসছি না। তোমরা পুরুষ-মানুষ, মনে কর মেয়ে-মানুষের
অসীম ধৈর্য ! কিন্তু আমরা মেয়ে হলেও মানুষ ত' ? মানুষের ধৈর্যের
সীমা আছে ! আমি চের লাঙ্গনা, চের অপমান সয়েছি ; কিন্তু আজ
তার চরম হয়ে গেছে ; আমি ওকে জীবনে ক্ষম। করতে পারব না।
কোথাও ঠাই না পাই, আবার যমুনা-পুলের ধারে হাত পেতে
দাঢ়াব, একটা পয়সার জন্যে পথিকদের কাছে মিনতি করব, তবু রাণী
হয়ে থাকবার জন্যে এর অপমান আর সইব না।

বিমল ব্যথিত ও কর্তব্যবিমৃত হইয়া আর কিছুই বলিতে পারিল
না। নীরবে যুথিকাকে নৌকায় তুলিয়া দিয়া বিদায় দিল।

যুথিকা চলিয়া গেলে বিমল ফণীর বাড়ীতে ফিরিয়া আসিল।
সে অমৃতবাবুকে যুথিকাদের নৃতন ঠিকানা জানাইয়া শীত্র আসিয়া
তাহাকে লইয়া যাইবার অনুরোধ করিয়া একখানা দীর্ঘ জরুরী
টেলিগ্রাম করিল, এবং তাহার পরে আপনার পথিক-জীবনের সামাজিক
উপকরণগুলি বাঁধিয়া-ছাঁদিয়া যাত্রার উভোগ করিতে লাগিল।

যমুনা-পুলিনের ভিখারিণী

এমন সময় ফণী তাহার ঘরে আসিল ; যুথিকা যমুনা-পুলিনের ভিখারিণীর স্বাক্ষরে বিমলকে যে চিঠি লিখিয়াছিল, সেই চিঠিখানি তাহার হাতে । বিমল বিশ্মিত জিজ্ঞাসু দৃষ্টিতে তাহার দিকে তাকাইয়া আর একটা রাগ প্রকাশের পালা আশঙ্কা করিল । কিন্তু ফণী গরম অথচ শান্ত ভাষায় বলিতে লাগিল—

—দেখ বিমল, এই অলঙ্কুণে চিঠিখানা যতবার পড়ছি, ততই আমার দৃঢ় ধারণা হচ্ছে যে তুমি নির্দোষ, এই চিঠি লেখার আগে তুমি ওকে চিনতে পারনি । তোমাদের আজকের কাণ্ড বা দেখে-ছিলাম তাতে তোমার বেশী অপরাধ নেই বুঝতে পারছি ।—সে যখন পরপূরুষকে এই সাংঘাতিক চিঠি লিখেছে, তখনই তার সঙ্গে আমার সম্পর্ক ঘুচে গেছে । তোমার আমার এতকালের যে সম্পর্ক তারই খাতিরে তুমিও আমাকে এমনি সদয়ভাবে বিচার করবে আশা করি ; আর তা' হলেই আমরা দু'জনে ঠাণ্ডা হয়ে যুথিকার বিষয় আলোচনা ক'রে তার একটা বিলি-ব্যবস্থা করতে পারব ।

ফণীকে শান্ত দেখিয়া বিমল উচ্ছ্বসিত হইয়া বলিয়া উঠিল—দেখ . তাই ফণী, ভগবান সাক্ষী, সত্যের নামে শপথ ক'রে বলডি, তার আর আমার মধ্যে 'আগে বা সম্প্রতি এমন কিছু হয়নি যাতে ক'রে সে তোমার স্ত্রী হবার অনুপ্যুক্ত হতে পারে ; সে নিষ্কলুষ নিষ্কলঙ্ক ! সে গরীব অবস্থায় বিপদে পড়ে সাহায্য খুঁজতে বেরিয়েছিল—

ফণী বাধা দিয়া বলিয়া উঠিল—ভিথরী ছুঁড়ি রূপের ফাঁদ পেতে পুরুষ ধরতে বেরিয়েছিল বল না কেন, অত চেকেতুকে ঘুরিয়ে-পেঁচিয়ে বলবার দরকার কি ! শহরের অলিগলি ফিরে পয়সা রোজগার করাই ছিল ওর পেশা ! আমি ত' সেদিন তোমার সঙ্গেই ছিলাম, আমায় তুমি অমনি বোকা বুঝিয়ে দেবে, আর আমি তাই মেনে যাব ?

তখন এগজামিনের চাপ না থাকলে আমিই কি চুপ ক'রে থাক্তাম নাকি? তোমার যমুনা-পুলিনের ভিখারিণীর সঙ্গে আমিও ভিড়ে যেতাম, আর তা' হলে এই কেলেক্ষারী কাণ্টা ঘটতে পেত না।

বিমল বিরক্ত ও ক্রুদ্ধ হইয়া উঠিতেছে দেখিয়া ফণী তাড়াতাড়ি বলিয়া উঠিল—যাক, তুমি যা বলছ তা' আমি অবিশ্বাস করছিনে; কিন্তু আমার অপমানের ত' চূড়ান্ত হয়েছে—সোনাতলার নাগবংশে ও হ'তে একটা কেলেক্ষারী হ'ল! রাজা ফণীন্দ্রনাথ নাগের পাটৱাণী যমুনা-পুলিনের ভিখারিণী!—তাই অপমান আর কেলেক্ষারীর পক্ষে যথেষ্ট!

বিমল বলিল—ওর বাপও ত' জমিদার ছিলেন, মা সৎ-বংশের মেয়ে।

ফণী বিমলের কথায় বাধা দিয়া চীৎকার করিয়া বলিয়া উঠিল—মিথ্যা! বানানো! ওর কথা বিশ্বাস ক'রেই ত' ঠকেছি! সোনাগাছি থেকে একটা ছুঁড়ি এসে যদি বল্ত আমি সাবিত্রীর অতিবৃদ্ধ-প্রদৌহিত্বী তবে আমি হয়ত তাকে বিশ্বাস ক'রে বিয়ে কর্তাম! উঃ! কী বোকামিই করেছি।

বিমল তাহার কথায় বিরক্ত হইয়াও আপনাকে দমন করিয়া শাস্তি স্বরেই বলিল—আমার কাছে ওসব বংশ-কুল-গোত্রের কোনো মর্ধাদা নেই, আমি মানি আমাদের দেশেরই শাস্ত্রের বচন—স্তুরঞ্জং ছস্তুলাদপি! প্রধান গলদ হয়েছে গোড়া থেকেই, যে, তুমি যাকে বিয়ে করেছিলে তাকে পত্নীর সম্মান দাওনি, তুমি নিজে পতি বা স্বামী হয়ে স্তুকে দাসী ক'রে রেখেছিলে, এ অবস্থায় সে তোমাকে কখনো ভালোবাস্তে পারেনি। তুমি অমন স্তুর স্বামী হ্বার উপযুক্ত নও, সেও তোমার উপযুক্ত নয়।

যমুনা-পুলিনের ভিধারিণী

কণী জোরে বিমলের কাঁধের উপর হাত রাখিয়া আবেগের সহিত
বলিয়া উঠিল—তুমি একঙ্গে একটা থাটি কথা বলেছ ! আমরা
কেউ কারো উপরূপ নই—ঠিক কথা ! রাজা কশীন্দ্রনাথ নাগের
উপরূপ যমুনা-পুলিনের ভিধারিণী নয় নিশ্চয়ই। আমি তার সঙ্গে
ইস্তকনাগাদ যে ব্যবহার করেছি তা ঠিকই করেছি—ভিধিরী
ওর ক্ষেত্রে বেশী কি প্রত্যাশা করে ! ওর চারিদিকের বাতাসে যেন
একটা অবশ্য নীচতা ঘূলিয়ে বেড়াত, সত্য বলুছি।

ফণীর এই কদর্শ ভাষায় বিমল ক্রুদ্ধ হইয়া উঠিল। তাহারও
চোটের আগায় একটা কড়া রকমের পাণ্টা জবাব খসি-খসি
করিতেছিল ; কিন্তু যুথিকার সহিত ফণীর মিলনের পথ ক্রমশ কণ্টকা-
কীর্ণ হইয়া উঠিতেছে দেখিয়া সে আপনার বাক্যের খেঁচা সরাইয়া
রাখিল। বিমল ধীর-শান্তভাবে ঐ প্রসঙ্গ ত্যাগ করিয়া যুথিকা
সম্বন্ধে ফণীর কি কর্তব্য তাহারই আলোচনা আরম্ভ করিল। বিমল
অনেক করিয়া ফণীকে বুঝাইল যে, যুথিকার মত মেয়ে রূপে, গুণে,
ভব্যাতায় বাংলাদেশে ছুলভ ও অতুল্য ; তাহাকে ভালোবাসা দিলেই
সে কৃতার্থ হইয়া আপনিই যে দাসী হইবে। কিন্তু ফণী বুঝিবার পাত্ৰ
নয়, সে বলে ঐ নষ্ট স্ত্রীলোককে লইয়া ঘর করা তাহার পক্ষে অসম্ভব,
তাহাকে ভালোবাসার ত' কথাই নাই। তখন উভয়েই একমত হইয়া
স্থির করিল যে আদালতে গিয়া বিবাহবন্ধন ছিন্ন করা ছাড়া আর
অন্য উপায় নাই।

এই ছুর্ঘটনার কিছুদিন পরে বিমল একাকী চিঞ্চাকূল গঙ্গীর মুখে
পাবনা শহরে ইছামতী নদীর ধারে বেড়াইয়া বেড়াইতেছিল ; যুধিকা
আসিয়া এইখানে ফণীর পিসিমার কাছে আছে, তাই বিমলও তাহার
কাছাকাছি থাকিবার জন্য এখানে আসিয়াছে। কিন্তু ফণীকে ঝী-
গ্রহণে সম্মত করাইতে না পারিয়া এবং যুধিকা স্বামীর গৃহে ফিরিতে
অস্বীকার করাতে বিমল অত্যন্ত ক্ষুণ্ণ হইয়াছে। অথচ উহাদের
বিবাহ-বিচ্ছেদের দুঃখের অন্তরালে যুধিকাকে পাওয়ার সভাবনার
একটি ক্ষীণ আনন্দ যে বিমলের মনে থাকিয়া থাকিয়া উকি
মারিতেছিল না এমনও নহে। কিন্তু পাবনায় আসিয়া অবধি
বিমলের কেমন মনে হইতেছে, এই জায়গার নামটা বড় অপয়া,
এ যেন তাহার মনকে দমাইয়া দিয়া বলিতেছে—পাব না, পাব না,
পাব না !

বিমল এই সব কথা ভাবিতেছে এমন সময় একখানা নৌকা
ঘাটের দিকে আসিতেছে দেখা গেল। বিমল থমকিয়া দাঁড়াইয়া
নৌকার দিকে দেখিতে লাগিল। নৌকা নিকটে আসিতেই একজন
বৃন্দ ভদ্রলোক ছই-এর ভিতর হইতে বাহির হইয়া গলুই-এর উপর
দাঁড়াইলেন। তাহাকে দেখিয়াই বিমল চীৎকার করিয়া বলিয়া
উঠিল—এই যে অমৃতবাবু !

নৌকা কূলে না ভিড়িতেই অমৃতবাবু লাফাইয়া ডাঙায় নামিয়া
বিমলকে ছই হাতে বুকে জড়াইয়া ধরিয়া আবেগন্তব্য স্বরে বলিয়া

যমুনা-পুলিনের ভিথারিণী

উঠিলেন—কই, কোথায় আমার লীলার মেয়ে ? বল বল বিমলবাবু, সে কি নিকটেই আছে ?

বিমল তাহাকে সান্ত্বনা দিয়া বলিল—এই শহরেই আছে ; চলুন আপনাকে নিয়ে যাচ্ছি ।

বৃক্ষের চূক্ষ দিয়া আনন্দাঞ্জ গড়াইয়া পড়িতে লাগিল । তিনি বিমলকে বাহুবেষ্টনে আপনার পাশে টানিয়া চাপিয়া ধরিয়া বলিতে লাগিলেন—বাবা, তুমি যে আমার কী উপকার করেছ ! তোমার টেলিগ্রাম পেয়েই আমি ছুটে বেরিয়ে পড়েছি, আমার লীলার মেয়ের সন্ধান পেয়ে আর কি আমি চুপ করে থাক্তে পারি ? সে রাজরাণী হয়েছে ! তার শুধু সংসার একবার আমি চোখে দেখে মরতে চাই ! সে কি তার মায়ের মতন দেখতে হয়েছে ? সে তার মায়ের কথা কিছু কি বলে ?

বিমল তাহার অবিভ্রাম প্রশ্নের উত্তরে অসম্পূর্ণ উত্তর দিয়া দিয়া শান্ত করিয়া তাহাকে নিজের বাসায় লইয়া গেল । বৃক্ষ সেই কুঠু বাসা দেখিয়া আশ্চর্য হইয়া জিজ্ঞাসা করিলেন, এই বাড়ীতে আমার লীলার মেয়ে থাকে ? তুমি না বলছিলে সে রাজরাণী হয়েছে ?

বিমল ম্লান হাসি হাসিয়া বলিল—এ বাসা আমার ! আপনি একটু বসে বিশ্রাম করুন; তারপর আমি নিয়ে যাব...

অমৃতবাবু অর্ধের্ষ হইয়া বলিয়া উঠিলেন—না না, আমার বিশ্রামের দরকার নেই, আমাকে এখনই আগে তার কাছে নিয়ে চল, আমার লীলার মেয়েকে আগে দেখি ।

বিমল বৃক্ষের স্নেহব্যাকুল আগ্রহ দেখিয়া মুঝ ও ব্যথিত হইয়া বলিল—আগে তার মায়ের আর তার সমস্ত ইতিহাসটা শুনে তার সঙ্গে দেখা করতে গেলে ভাল হয় না ?

লীলার কণ্ঠাকে দেখিবার অধৈর্য ও তাহাদের মাতা-পুত্রীর কাহিনী শুনিবার কৌতুহলে ইতস্তত দোল খাইতে খাইতে বৃক্ষ বিমলের সঙ্গে সঙ্গে বাড়ীর মধ্যে গেলেন ; এবং প্রথম আসন যাহা দেখিতে পাইলেন তাহারই উপর বসিয়া পড়িয়া অধৈর্যের সহিত বলিয়া উঠিলেন—বল বল, সংক্ষেপে চটপট তোমার কথা শেষ ক'রে নাও, পরে আবার বিস্তারিত শুনব । খুব সংক্ষেপে.....বুবলে বিমলবাবু, খুব সংক্ষেপে.....

বিমল বলিতে আরম্ভ করিল—যুথিকার জন্মের সন্তান। দেখিয়া যুথিকার পিতা কী হৃদয়হীন নিষ্ঠুরভাবে যুথিকার মাকে ত্যাগ করিয়া-ছিল । তেজস্বিনী লীলা স্বামীর দ্বারা পরিত্যক্ত হইয়া তাহার এক পয়সা না লইয়া কেমনভাবে নানান শিল্পকাজ করিয়া আপনার ও কন্তার ভরণপোষণ করিয়াছিলেন ।

শুনিতে শুনিতে অমৃতবাবু উত্তেজিত হইয়া বলিয়া উঠিলেন,—কী বলব, সে পাষণ্ড ললিত্টা আপনা হতেই নরকে গেছে । নইলে আমি পিস্তলের গুলিতে তার মাথার খুলি উড়িয়ে তার নরকে যাবার পথ খোলসা ক'রে দিতাম ! পরক্ষণেই আপনার ভুল বুঝিয়া মমতার নত্র স্বরে বলিয়া উঠিলেন—না না, আমি অমন কাজ করতাম না, সে যে আমার লীলার স্বামী, লীলা যে তাকে ভালোবাস্ত !.....বিমলবাবু, তুমি বড় তাড়াতাড়ি করছ বাবা ! লীলার মেয়ের কাছে লীলার কথা যা যা শুনেছ সব আমায় খুঁটিয়ে বল, শুনি ।

বৃক্ষ অমৃতবাবুর কথায় মনে মনে হাসিয়া বিমল বলিতে লাগিল—চিন্তা ও উদ্বেগে এবং অধিক শ্রমের ফলে লীলা পীড়িত হইয়া পড়াতে তাহারা অত্যন্ত দুরবস্থায় পড়ে এবং আর কোনো উপায় না দেখিয়া যুথিকাকে ভিক্ষা করিতে বাহির হইতে হইয়াছিল ।

ষষ্ঠি-পুলিনের তিথারিণী

অমৃতবাবু কুকু হইয়া বলিয়া উঠলেন—হায় হায় ! আমি এত টাকা জমিয়ে বসে ছিলাম, আর লীলাকে ওষুধ-পথ্যের জন্যে মেয়েকে ভিক্ষা করতে পাঠান হয়েছিল ! তারপর, তারপর বিমলবাবু ?

বিমল বলিতে লাগিল—ভাগ্যক্রমে সেই প্রথম দিনই ভিক্ষায় বাহির হইয়া বিমলের সঙ্গে যুথিকার দেখা হয়, তারপর তাহাকে মায়ের চিকিৎসার খরচের জন্য আর কাহারো কাছে হাত পাতিতে হয় নাই।

অমৃতবাবু উচ্ছ্বসিত হইয়া অশ্রুপ্লাবিত বক্ষে বিমলকে চাপিয়া ধরিয়া রূদ্ধস্বরে বলিলেন—বাবা, তুমি আমার লীলার মৃত্যু-কালকে নিতান্ত নিরূপদ্রব করেছিলে ; লীলার মেয়েকে ভালোবেসেছিলে ; তাইতেই তোমায় রেলগাড়ীতে প্রথম যেদিন দেখি, সেইদিনই তোমায় পরমাঞ্চীয় ব'লে মনে হয়েছিল। তোমায় আমার জামাই-কাপে দেখতে পেলে আরো কত শুখ হ'ত ! তুমি আমার যুথিকা মাকে বিয়ে করলে না কেন বাবা ?

বিমল লজ্জিত ও ব্যথিত হইয়া অমৃতবাবুকে তাহার এগজামিন দিতে যাওয়া, যুথিকার মায়ের মৃত্যু, যুথিকার আশ্রয়লাভ এবং পরিশেষে ফণীর সহিত বিবাহের কাহিনী বলিল।

অমৃতবাবু দীর্ঘনিঃশ্বাস ফেলিয়া বলিলেন—মা আমার রাজরাণী হয়েছে, বেশ হয়েছে ! জীবনটা বড় কষ্টেই আরম্ভ হয়েছিল, অভাবের কষ্ট ত' ঘুচেছে ! কিন্তু বাবা, তোমায় না পাওয়ার দুঃখ তার স্বামীর ভালোবাসায় সে ভুলতে পেরেছে ত' ?

বিমল দীর্ঘনিঃশ্বাস ফেলিয়া যুথিকার উপর ফণীর শাসন ও অত্যাচার এবং সর্বেশেষে তাহাকে অভদ্র অপমানের কথা বলিতেই বৃদ্ধ অমৃতবাবু লাফাইয়া উঠিয়া উলিলেন—এত বড় আশ্পর্ধা সেই বন-

গাঁয়ের শেঁয়াল রাজাৰ, যে আমাৱ লীলাকে অকথা বলে, লীলাৰ
মেয়েকে কুকথা ব'লে অপমান কৰে ! জানে না সে, আমি মগেৰ মুল্লকে
থাকি !—আমাৱ এই স্বল্প-অবশেষ জীবনেৰ মমতা আমাৱ নেই !

ক্ৰোধে কম্পমান ও উত্তেজনায় ক্লান্ত বৃন্দকে বিমল সঘনে ধৰিয়া
বসাইয়া সাঞ্চনা দিয়া তাহাকে বুৰাইতে লাগিল যে, ফণীকে শাস্তি
দিবাৰ আৱ দৱকাৰ হইবে না ; যুথিকা তাহাকে ত্যাগ কৱিয়া চলিয়া
আসিয়াছে ; ফণীও বিবাহভঙ্গেৰ আবেদন আদালতে কৱিয়াছে ;
এখন বাকী শুধু অমৃতবাৰু যুথিকাকে তাহার আশ্রয়ে লইয়া যাইবেন।
এই বলিয়া বিমল লীলাৰ ছবিখানি বুক পকেট হইতে বাহিৰ কৱিয়া
বৃন্দেৰ সম্মুখে ধৰিল ।

বৃন্দ সেই প্ৰণয়-প্ৰতিমাৰ ছবি দেখিয়া রাগ দ্বেষ সব ভুলিয়া
সুখাবেশে আপ্নুত হইয়া গেলেন ; হৰ্ষ-গদগদ স্বৰে বলিতে
লাগিলেন—এই, এই ত' আমাৱ লীলা আজও তেমনি আছে !—
যুথিকা ঠিক মায়েৰ মতন হয়েছে কি ? চল বাবা, চল, আমাকে
মায়েৰ কাছে নিয়ে চল ! আমি তোমাকে ছেলে পেয়েছি ;
আমাৱ মেয়েটিকে দেখাও !

বিমল বৃন্দকে লইয়া অমৱদেৱ বাড়ীতে গেল। যুথিকা লজ্জা-
জড়িত গতিতে নত শ্বিত মুখে আসিয়া এই অপৱিচিত বৃন্দ আত্মীয়কে
প্ৰণাম কৱিল। বৃন্দ দুই হাতে তাহাকে তুলিয়া বুকে চাপিয়া ধৰিয়া
তাহার মাথায় অজস্র অক্ষুণ্ণ বৰ্ষণ কৱিতে কৱিতে বাৱবাৱ তাহার
মস্তক চুম্বন কৱিলেন। তাৱপৱ লীলাৰ ছবিখানি বাহিৰ কৱিয়া
তাহার সঙ্গে যুথিকাৰ মুখেৰ আদল ঘুৱাইয়া ফিৱাইয়া মিলাইয়া
দেখিতে দেখিতে কেবলই বলিতে লাগিলেন—এ যে ঠিক লীলাৱই
ছবি ! এ যে অবিকল লীলা বসানো !

‘যমুনা-পুলিনের ভিধারিণী

বৃক্ষের আবেগভরা বাংসল্যে মুক্ত হইয়া যুথিকার চোখেও আনন্দাঞ্জি বহিতেছিল। ঘরে উপস্থিত বিমল ও অমর এবং অন্তরাল হইতে যে-সব মহিলারা খড়খড়ি তুলিয়া বৃক্ষের সহিত যুথিকার মিলন দেখিতেছিলেন, তাঁহাদেরও চক্ষু শুক্র রহিল না।

অমৃতবাবু একটু সংযত হইয়া যুথিকার পিঠে হাত বুলাইতে বুলাইতে বলিতে লাগিলেন—চল না তুমি আমার সঙ্গে ; তোমার কেউ নেই, আমারও কেউ নেই ; তুমি আমার মা, তুমি আমার মেয়ে ; আমি তোমার ছেলে ; এই বুড়ো তোমার কোলে মাথা রেখে শুধে মরবে। সম্বন্ধের, হৃদয়ের, আর এই দীর্ঘ ত্রিশ বৎসরের ছুঁথের বন্ধনে আমি তোমার যত আপনার এত আপনার তোমার এজগতে আর কেউ নেই।

যুথিকা এই কথার উক্তরে চুরি করিয়া একবার বিমলের দিকে চাহিয়া বৃক্ষের শেষ কথায় প্রতিবাদ করিল। তারপর লজ্জিত শ্বিত মুখে বৃক্ষের চৱণধূলি লইয়া আবার প্রণাম করিল।

এই মিলনের আনন্দ বেশীদিন স্থায়ী হইল না। চারদিন পরেই অমৃতবাবু বর্মায় ফিরিবার জন্য ব্যস্ত হইয়া উঠিলেন, সেখানে তাঁর বিষয়-কর্মের ব্যবস্থা এখনো সম্পূর্ণ হয় নাই। যুথিকা ও তাঁহার সহিত যাইবে, তাঁহার অতুল ধনসম্পত্তি সমস্তই ত' তাহার, সে বুঝিয়া দেখিয়া লইবে। বিমল একবার ঘুরাইয়া-ফিরাইয়া একটু ইঙ্গিতে আভাসে বুদ্ধকে জানাইয়াছিল যে, আদালত হইতে যুথিকার বিবাহভঙ্গ হইয়া গেলে এবং অমৃতবাবুর মত পাইলে সে যুথিকাকে বিবাহ করিয়া স্থায়ী হইতে পারে। এই কথা শুনিয়া বুদ্ধ অত্যন্ত ক্ষুক মর্মাহত হইয়া-ছিলেন। এও কি একটা কথা ! যদিও সেই নিষ্ঠুর স্বামীর কাছে যুথিকা আর কখনো যাইবে না, তবু ত' সে স্বামী। স্বামী জীবিত থাকিতে আবার বিবাহ ! যদিই ধরা যায় আইনের চক্ষে সে স্বামী হ্যত, তবে ত' যুথিকা বিধবা ! বিধবার বিবাহ ! না না, তিনি জীবন থাকিতে তাঁহার পুত্রস্থানীয়কে এমন অনাচার করিতে দিবেন না ; কন্যাকে ব্রহ্মচর্য ধর্ম হইতে ভ্রষ্ট হইতে দিবেন না !

তখন বিমল যুথিকার শরণপন্থ হইল—যুথি, এত তুফান কাটিয়ে ঘাটের কাছাকাছি এসে আমাদের মিলন-তরণীকে অকূলের দিকে ভাসিয়ে দিয়ো না।

যুথিকা চোখের জলের ভিতর দিয়া বিমলের মুখের দিকে সাস্তনার দৃষ্টিপাত করিয়া আবেগকম্পিত কর্ণে বলিল—তোমাকে ছেড়ে যাওয়া কি আমারই বড় শুধুখের। কিন্তু কি করব, উপায়

ষম্বনা-পুলিনের ভিধারিণী

নেই ! যিনি এই সুদৌর্ঘ ত্রিশ বৎসর আমাদের স্মৃতি নিয়েই কাটিবেছেন, আমাদেরই জন্মে যিনি বিপুল বিভ্র সঞ্চয় করেছেন, তিনি আমার পিতা ও আশ্রয় ; তাকে কষ্ট দেবে কেমন ক'রে ? আমাকে বিয়ে ক'রে তুমিও সুখী হতে পারবে না, আমিও সুখী হতে পারব না ।

বিমল আশ্চর্য ও চমকিত হইয়া বলিল—একি অসম্ভব কথা বলছ যুথি ? তোমায় পেলে আমি সুখী হব না ? আর তোমাকে সুখী করবার জন্মে যে প্রাণ পর্যন্ত বিসর্জন করতে পারি যুথি, তবু তোমাকে সুখী করতে পারবো না ? বিভ্র ঐশ্বর্য আমার নেই ব'লে কি চিন্তের ঐশ্বর্য.....

যুথিকা বিমলের হাত চাপিয়া ধরিয়া তাহার কথায় বাধা দিয়া ব্যথিত ক্ষুণ্ণ স্বরে বলিতে লাগিল—আমাকে তুল বুঝো না তুমি । আমি ঐশ্বর্যের লালসায় তোমার কাছে অকৃতজ্ঞ হতে পারি, তোমার ভালোবাসা তুচ্ছ করতে পারি এমন নীচ আমাকে ভেবো না । তোমাকে আমি সবার বেশী ভালোবাসি, ভক্তি করি ব'লেই আমি তোমার পত্নী হবার পরম সৌভাগ্য ত্যাগ ক'রে যাচ্ছি, ত্যাগ করতে পারছি !

বিমল অবাক হইয়া যুথিকার কথা শুনিতেছিল । যুথিকা বলিতে লাগিল—তুমি আমায় বিয়ে করলে তোমার অতদিনের বন্ধুর সঙ্গে বিচ্ছেদ হবে ; তোমার বন্ধু আর তাঁর আত্মীয়েরা মনে করবে, তুমি , আমাকে পাবার জন্মেই তাদের বাড়ীতে এসে অতিথি হয়েছিলে ; তাদের কুল কলঙ্কিত ক'রে তুমি স্বার্থসিদ্ধি করলে । তোমার পবিত্র চরিত্রে এই মিথ্যা অপবাদের কলঙ্ক আমি লাগতে দেবো না ! তারপর অন্তের পরিত্যক্ত স্ত্রীকে বিবাহ ক'রে তুমি যে নিজের বাড়ী

থেকে বিচ্ছিন্ন হয়ে পড়বে, বাপ-মায়ের মনে কষ্ট দিয়ে তাদের পর হয়ে যাবে, সমাজে নিন্দাভাজন ও বিজ্ঞপের পাত্র হবে এই আমি হতে, তা' আমি হতে দিতে পারব না। তোমার পায়ে পড়ি, তুমি আমাকে ক্ষমা কর, আমায় ভুল বুঝো না।

যুথিকা বিমলের ছাই পা জড়াইয়া কাঁদিতে লাগিল। বিমল তাহাকে ধরিয়া তুলিয়া বসাইয়া চুপ করিয়া বসিয়া রহিল, একটি সাঁজনার কথাও তাহার মুখে ফুটিল না। সে আসন্ন-বড় অমাবস্যা-রাত্রির সমুদ্রের মতন থমথম করিতেছিল। এখনই বৃক্ষ তাহার হৃদয় প্রলয়ে বিশ্বস্ত হইয়া যাইবে। অনেকক্ষণ চুপ করিয়া থাকিয়া বিমল খুব জোরে একটা নিঃশ্বাস ফেলিয়া বলিয়া উঠিল—তবে হয় তুমি বর্মায় যেয়ো না, নয় আমাকেও বর্মায় যেতে বল। তোমায় যদি আমার ক'রে নাই পাই, তবু দেখতে ত' পাব ! এই স্মৃথিটুকু থেকেও আমাকে বক্ষিত করো না।

যুথিকা চোখের জল মুছিয়া কাতর দৃষ্টিতে বিমলের দিকে চাহিয়া কান্নাভাঙ্গা কর্ণে বলিল—না, তাও হবে না ! অত স্বরের প্রলোভন সামনে রেখে আমি আপনাকে সামলে রাখতে পারব না ! আমার মন বড় লোভী ! ভালোবাসা যে বড় দুর্বল !

বিমল আর আপনার ছাঁখের ভার ধারণ করিয়া থাকিতে পারিতেছিল না। সে তাড়াতাড়ি যুথিকার নিকট হইতে উঠিয়া চলিয়া গেল।

যুথিকা অঙ্গপ্রাবিত দৃষ্টিতে তাহার দিকে দেখিতে দেখিতে মনের মধ্যে আর্তনাদ করিয়া বলিতে লাগিল—যাও বন্ধু, যাও প্রিয়তম ! এই অভাগিনীর জন্যে তোমার জীবনটাকে আমি ব্যর্থ পণ্ড হয়ে যেতে দেবো না ! আমায় তুমি ভুলে যেয়ো—আমার স্মৃতি যেন তোমার

ঘূনা-পুলিনের ভিখারিণী

গৃহস্থালির সুখ থেকে, পত্নী-পুত্র-লাভের আনন্দ থেকে বঞ্চিত না
ক'রে রাখে ! আমার মনের মন্দিরে পূজার বেদীতে তোমার আসন
আটুট থাকবে !

পরদিন অমৃতবাবু নবমক কণ্ঠাকে লইয়া বর্মা যাত্রার জন্য পাবনা
হইতে রওনা হইলেন। বিমলও সঙ্গে চলিল। যুথিকা বারবার
মিনতি করিয়া বিমলকে বলিতে লাগিল—তুমি আমাদের সঙ্গে সঙ্গে
আর ফিরো না, তুমি বাড়ী যাও।

বিমল ম্লান হাসি হাসিয়া বলিল—আমার ঘূনা-পুলিনের
ভিখারিণীকে খুঁজে খুঁজে পথে পথে ফেরার এই ত' শেষ, বাড়ীতে ত'
এবার ফিরবই, কলকাতা পর্যন্ত সঙ্গে যেতে দাও।

যুথিকা বিমলের হাসি দেখিয়া অত্যন্ত কাতর হইয়া বলিল—
তোমার পায়ে পড়ি, তুমি আমাকে ছেড়ে যাও—অধিক দিন এক
সঙ্গে থেকে বিদায়ের ক্ষণটিকে বেশী অসহ্য ক'রে তুলো না !

বিমল তেমনি হাসিয়া বলিল—ক্রমশই ত' সময় নিকট হয়ে
আসছে, আর ত' বেশী বিলম্ব নেই ! তারপর জন্মের মতন
ছাড়াছাড়ি !

কলিকাতার চাঁদপাল ঘাটে বর্মা-যাত্রী জাহাজে যাত্রী চড়িবার
হড়াহড়ি লাগিয়াছে। তোরঙ্গ, বাঙ্গ, বিহানা, মোট, পেঁটলা-পুঁটলি
মুটের মাথায়-মাথায় সারি দিয়া চলিয়াছে। যাত্রীদলও বিচ্ছি-
রকমের—নানা জাতীয়, নানা পরিচ্ছদের, নানা রঙের ; যুরোপীয়, মগ,
চীনা, মাঝাজী, বাঙালী, পাঞ্জাবী। একজন বাঙালী ফাষ্ট' ক্লাশের
যাত্রী। তাহার বৃন্দ বয়সেও দীর্ঘবিলিষ্ট গৌরবর্ণের সুন্ত্রী চেহারা ও
ফিটফাট' বেশভূষা দেখিয়া সকলের সমন্বয় দৃষ্টি তাহার উপরেই
পড়িতেছিল এবং তিনি নিকটে আসিলেই সকলে তটস্থ হইয়া সরিয়া
যাইতেছিল ; তাহার পশ্চাতে একজন সুন্ত্রী উজ্জ্বল শ্যামবর্ণ যুবক
একটি অনুপমা রূপসী তরুণীর হাত ধরিয়া ধীরে ধীরে জাহাজের
জেটিতে যাইতেছিল। সকলেই দেখিয়া বুঝিতে পারিতেছিল যুবকটি
অত্যন্ত বিবর্ণ হইয়া গিয়াছে, সে আপনার অগাধ মর্মন্তদ ছঃখ
দমন করিয়া রাখিবার জন্য অমানুষী চেষ্টা করিতেছিল। মেয়েটির
ছঃখের চিহ্ন আরো স্পষ্ট ; তাহার বড় বড় টানা টানা চোখ ছটি
কাঁদিয়া কাঁদিয়া লাল হইয়া ফুলিয়া উঠিয়াছে ; নিরুন্ধ তৌর শোকের
ছোপ লাগিয়া তাহার কপাল, গাল ও কর্ণের লালিমা গাঢ় হইয়া
উঠিয়াছে। তাহাদের দেখিয়া কত লোকে কত রকম আন্দাজ করিতে
লাগিল—কেহ বলিল, মেয়েটি শ্বশুরবাড়ী যাইতেছে ; কিন্তু যদি
তাহাই হয় তবে উহার স্বামীর অমন শোকাকুল মৃত্যি কেন ? কেহ
বলিল, ও বাপের বাড়ী যাইতেছে, স্বামীকে ছাড়িয়া যাইতেছে

যমুনা-পুলিনের ভিধারিণী

বলিযা ছজনের ছঃখ ! কত লোকে আহা করিল, কত লোকে বিদ্রূপ-
ব্যঙ্গ করিল ।

উহারা জেটিতে আসিয়া এক পাশে স্তন্ধ হইয়া দাঢ়াইয়া রহিল ।
একে একে সব লোক ষ্টিমারে গিয়া চড়িল ; ষ্টিমার ছাড়িবার
ঘণ্টা বাজিল ; এইবার আর একবার ঘণ্টা বাজিলেই জেটি হইতে
ষ্টিমারে ঘাইবার তক্তা সরাইয়া লইবে বলিয়া খালাসিরা কেহ রশারশি
ধরিয়া জাহাজের উপরে এবং কেহ বা তক্তা ধরিয়া জেটিতে দাঢ়াইল ।
বৃন্দ ভদ্রলোকটি অন্তদিকে মুখ ফিরাইয়া একখানি রেশমী ঝুমালে
চোখ মুছিয়া সেই তরুণ-তরুণীর কাছে আসিয়া ব্যথিত মৃত্যু কম্পিত
স্বরে বলিলেন—সময় ত' হয়ে গেল, এইবার চল মা !

তরুণী যুবকের বুকে মুখ রাখিয়া কাঁদিতে লাগিল । যুবক শত
শত কৌতুহলী দৃষ্টি হইতে আপনার দরবিগলিত অশ্রুধারা লুকাইবার
জন্য তরুণীর মাথার উপর মুখ নিত করিল ।

বৃন্দ তরুণীর কাঁধে হাত দিয়া আবার মৃত্যুস্বরে বলিলেন—“এস
মা ।” তারপর যুবকের দিকে ফিরিয়া করুণ মিনতির স্বরে বলিলেন-
বাবা বিমল, তুমি যেতে বল ।

বিমল সমস্ত প্রাণের বল প্রয়োগ করিয়া আপনাকে সংবরণ করিয়া
সোজা হইয়া দাঢ়াইল । তারপর ধীরে ধীরে যুথিকাকে নিজের বক্ষ
হইতে বিমুক্ত করিয়া হাত ধরিয়া লইয়া গিয়া তক্তার উপর তুলিয়া
দিয়া অস্ফুট স্বরে বলিল—এ জন্মের মতন এই শেষ যুথিকা !

অমৃতবাবু আসিয়া নৌরবে বিমলের মাথায় হাত দিয়া আশীর্বাদ
করিলেন ; বিমল প্রণাম করিতে যখন নত হইল সেই অবসরে অমৃত-
বাবু যুথিকাকে লইয়া তাড়াতাড়ি জাহাজে উঠিয়া গেলেন ।

জাহাজের ধারে রেলিং ধরিয়া দাঢ়াইয়া যুথিকা থরথর করিয়া

কাপিতেছিল। তাহার চারিদিকে যে ভিড় জমিয়া গিয়াছে সেদিকে তাহার লক্ষ্যই ছিল না, সে একদৃষ্টে বিমলের পাংশু মুখের দিকে তাকাইয়া আছে।

আবার ঘন্টা বাজিল! জাহাঙ্গের উপরের খালাসিরা রঞ্চায় টান মারিতে মারিতে বলিতে লাগিল—আল্লা রঞ্চুল পীর গাজি বদর বদর। আর অমনি নৌচের খালাসিরা 'তক্কীয় এক ঠেলা দিয়া থানিকটা সরাইয়া উহাদের উক্তিতে সাড়া দিয়া নিঃখাস ছাড়িল—হেইয়া!

তক্কা সরিয়া সরিয়া জেটি হইতে বিমুক্ত হইয়া গেল। জেটির খালাসিরা সেই শৃঙ্গে দে'ছল্যমান তক্কার উপর দিয়া লঘু ক্ষিপ্ত পদে লাফাইয়া লাফাইয়া জাহাঙ্গের উঠিয়া পড়িল। বিমল তখন কুমাল নাড়িয়া যুথিকাকে বিদায় দিয়া সেই কুমাল যেই চোখে দিয়াছে অমনি যুথিকা সমস্ত ভিড়ের মধ্য হইতে ছুটিয়া আসিয়া তক্কায় লাফাইয়া পড়িল এবং জাহাঙ্গের ও জেটির সকল লোক 'ইঁ ইঁ গেল গেল' করিতে করিতে তাহাকে ধরিবার চেষ্টা করিবার পূর্বে সে জেটিতে লাফাইয়া পড়িয়া ছুটিয়া গিয়া বিমলের কঠলগ্ন হইল।

যুথিকা উজ্জ্বলিত হইয়া কাঁদিতে কাঁদিতে বলিয়া উঠিল—না না, আমি তোমায় ছেড়ে স্বর্গেও যেতে পারব না। আমি তোমার কাছে থাকব, তুমি যা বলবে তাই শুনব। তুমিই আমার ধর্ম, তুমিই আমার আশ্রীয়, তুমিই আমার সব!

বিমল আনন্দে অধীর হইয়া ব্যগ্র ছই বাহু দিয়া যুথিকাকে বুকের মধ্যে চাপিয়া ধরিয়া বিশ্বসংসার ভূলিয়া কৌতুহলী লোকেদের বিশ্বিত দৃষ্টি অগ্রাহ করিয়া বলিয়া উঠিল—যুথি, আমার যুথি! এসেছ, তুমি এসেছ! তুমি আমায় বাঁচালে—তোমার বিরহের অসহ দুঃখ সয়ে আমি বাঁচতাম না।

বয়স্ক-পুলিনের ভিধারিণী

জাহাজ ছাড়িয়া জেটি হইতে অন্ন সরিয়া গিয়াছিল ; আবার ভিড়িল ; আবার সিঁড়ি পড়িল । অমৃতবাবু নামিয়া আসিয়া যুথিকার কাঁধে হাত রাখিয়া বেদনা-বিরক্তি-মিশ্রিত স্বরে বলিলেন—যুথি, এম মা, এ কী ছেলেমানুষী ! জাহাজ ছেড়ে যাবে যে !

বিমল আনন্দ উজ্জল মুখ করিয়া বৃক্ষকে বলিল—হঁ অমৃতবাবু, জাহাজ ছেড়ে যাবে, আপনি শিগ্গির উঠে পড়ুন । যুথিকা আমার কাছেই থাকবে ।

বিশ্বিত বৃক্ষ যুথিকাকে বলিলেন—বিমল যা বলছে এ কি সত্য হতে পারে মা ?

যুথিকা অতি-আনন্দের গর্বে লজ্জিত হইয়া বলিল—হঁ বাবা, আমি মায়ের মেয়ে—মা যাকে ভালোবেসেছিলেন তাৱই সঙ্গ নিয়েছিলেন ; আমি যার সঙ্গ নিছি তাকে আমি ভালোবাসি ! আমার জীবন, ধর্ম, মান, সম্মতি রক্ষা করেছেন ইনি । আমার মায়ের অস্তিম সময় নিশ্চিন্ত করেছিলেন ইনি । একে আমি ত্যাগ করতে পারব না । জাহাজ যখন জেটি ছেড়ে সরে যাচ্ছিল, তখন জাহাজ আর জেটির মধ্যের কাঁকে আমারই হৃদয় ফেটে ঘাওয়ার দারুণ ভয়ঙ্কর ছবি আমি দেখতে পেলাম, তাই আমি সে ভয়ঙ্কর দৃশ্য আর সহ করতে পারলাম না ।

বৃক্ষ অমৃতবাবু :আর অঙ্গ রোধ করিতে পারিলেন না । মমতা-বিগলিত স্বরে বলিলেন—তোমার প্রাণের কথাই তবে শোনো মা ; অচেনা একটা বুড়োর বুক্কির পরামর্শের চেয়ে তোমার নিজের প্রাণটু চের বেশী সত্য । এই যে মহৎপ্রাণকে তোমার প্রাণ এমন ব্যাকুল হয়ে চাঢ়ে, আমি জানি সে তোমায় স্মৃতে রাখবে ।.....কিন্তু বাবা বিমল, অবিবাহিতা মাতার দৃঃখ-লালিত কলঙ্কিত এই মেয়েটিকে

তোমার কুলীন বংশের গর্বিত আত্মীয়দের কাছে কেমন ক'রে নিয়ে
যাবে ? সমস্ত জগতের ঠাট্টা-টিটকারী সহ্য করতে পারবে কি বাবা ?

জাহাজ ছাড়িবার আবার ঘণ্টা বাজিল। বিমল এক হাতে
যুধিকাকে বেঞ্চে করিয়া ধরিয়া, আর এক হাতে বুকের পদখুলি
লইয়া দৃশ্যভাবে বলিল—আপনি নিশ্চিন্ত হয়ে চলে যান, সে জন্ম
কিছু ভাববেন না। আমি অণ্যের পৌরবে সমস্ত জগতের সামনে
এই আমার জীবনলক্ষ্মীকে দেখিয়ে আনন্দের গর্বে বল্ব —এই
আমার যমুনা-পুলিনের ভিধারিণী !



